

**SIXTH LEGISLATIVE ASSEMBLY OF MIZORAM  
(EIGHTH SESSION)**

**LIST OF BUSINESS**

**FOR ELEVENTH SITTING ON THURSDAY, THE 21<sup>st</sup> JULY, 2011  
(Time 10:30 AM to 1:00 PM and 2:00 PM to 4:00 PM)**

**QUESTIONS**

1. **Questions** entered in separate list to be asked and oral answers given.

**FINANCIAL BUSINESS**

**DISCUSSION AND VOTING ON DEMANDS.**

2. **Pu R. LALZIRLIANA**, Minister to submit to the vote of the House various Demands under his charge.
3. **Pu S. HIATO**, Minister to submit to the vote of the House various Demands under his charge.

**NGURTHANZUALA**  
Secretary.

**DEPUTY SPEAKER** : “Lalpa chuan mi tha famkim nite chu a hria a. An rochun tur chu kumkhuaa awm reng tur a ni. Hun tha lovah an mualpho lovang. Tam kumahte pawh an puar ang”

**Sam 37 : 18&19**

Zawhna leh chhanna hun a ni a, tunah Starred Question No.131-na kan la ang a, a zawt turin Pu Joseph Lalhimpuia ilo sawm ang.

**Pu JOSEPH LALHIMPUA** : Pu Deputy Speaker, Chief Minister min chhan atan “Tlabung kawng siamthat tumna a awm em” tih ka zawt e.

**Pu LAL THANHAWLA, CHIEF MINISTER** : Pu Deputy Speaker, zawhna chhan chu - “Siamthat tumna a awm e” tih a ni e.

**Pu JOSEPH LALHIMPUA** : Lunglei to Tlabung kawng hi Mizorama kawngpui hmasa ber a ni a, kum 1889 ah Lushai Expedition Force ten an rawn zawn chhuah kawngpui a ni a. Tlabung bialtu pawh hian a ngaih mawh thute Department hotute hnenah a sawi thin a. Tin, kan hriat angin Tlabung saw insumdawn tawwna kalpui mek a ni a, kawng saw a chhe hle a ni. Engtikah nge siamthat tan a nih ang? A chhe lai thawmthat tur nge ni ang a, siam zawh tumna engemaw ruahmanna a awm chuan min hrilh thei em? tih kha ka zawh belh a ni e.

**Pu LAL THANHAWLA, CHIEF MINISTER** : Pu Deputy Speaker, Lunglei to Tlabung road hi kan luh hlim pawh khan a chhe khawp mai a, sum awm leh awm lovin kan ti a, mahse hun a lo rei leh deuh tawhin fur ten a lo nang tawh a, chuvangin siamthat tumna a awm a ni. “A Special Accelerated Road Development Programme for the North East”, double lane-a siam tum a ni a, Lunglei to Tlabung road hi Km 97 a ni a, chu chu tunah hian DPR chu zawh tawh a ni a, double lane-a siam tum a ni a, hun erawh chu a la duh rei deuh dawn a. A Special Accelerated Road Development Programme for the North East tih atangin sum hi beisei a ni a, mahse Phase - III naah dah daih a ni mai a. DPR hi zawh tawh a ni a, Finance Commission fund atang leh Central road fun atangin siamthat tum a ni a, nuai 260 ruahman a ni a, thawh tan mai theih a ni e.

**DEPUTY SPEAKER** : Tunah chuan Starred question No. 132 na - hei hi Pu K.Liantlinga question a ni a, mahse a fanu pasal neih avangin alo kal thei lova. A aiawh turin Pu Lalduhoma, MLA a rawn dil a, kan remti a. Pu Lalduhoma Starred question No. 132-na zawt turin ilo sawm ang.

**Pu LALDUHOMA** : Pu Deputy Speaker, Planning & Programme Implementation Department changtu Minister zahawm tak chhan atan zawhna te chu hengte hi a ni e :

- (a) Kan Sawrkar hian Performance Budget hi kalpui tak tak a tum tawh em ?
- (b) Assembly Budget Session-ah Performance Report, Work Programme leh Annual Report an thehlut thei tawh ang em ? tih a ni.

**DEPUTY SPEAKER** : A changtu Minister zahawmtak Pu H.Liansailova, Minister (Interruption Pu T.T. Zothansanga : Pu Deputy Speaker, thil pakhat chauh. An awm loh hianin kan danah khanin heta zawhna awmsa zawng zawng zawh vek tawh hnu hian tih chauh niin ka hria a. Kha kha chu Chair lamin kan phal dan ang a ni. Pu H.Liansailova, a changtu Minister ilo sawm ang.

**Pu H.LIANSILOVA, MINISTER** : Pu Deputy Speaker, Pu K.Liantlinga, Member zahawmtak zawhna Pu Lalduhoman a han zawh sak chhanna chu hetiang hi a ni :

- (a) Tum tawh e.
- (b) Thei tawh ang tih a ni e.

**DEPUTY SPEAKER** : Zawhbelhna zawt turin Pu Lalduhoma.

**Pu LALDUHOMA** : Pu Deputy Speaker, hei hma kan sawn hret hret zela, a lawmawm hle a. Heng Work Programme kan han tihte , Performance Budget leh Annual Report han tih te hi deptt., pawimawh zualte hi an awm a, azawng a za te chuan thil har te pawh ani ang a, tunah hian tih mek a ni a, mahse duhthu ala sam lo deuh hlek a. Department tinte hian kum khat chhunga hnathawh an tum dan leh an thawh tak dan han ziah chhuahte chu han ti hram hram thei turin kan ngen duh a. Tichuan helaia pawisa kan han pass te pawh engtia hman tur nge tih hre sa deuh a, mumal deuh a sum te pawh hman anih theih nan a ni ber a. Tin, Annual Report hmanni a kan han dawn te kha thangkhatlian liam ta ami te kha kan dawng a ni. Research te kan bei dawn anih ngawt loh chuan khangte kha chu dustbin a paih mai loh chu keini tan chuan awmzia a nei tawh lo. Chuvangin kan ti rau rau anih chuan upto date deuh, hman tangkai theih deuh hlek turte hian tan an rawn la thei ang em tih ka zawhbelh e.

**DEPUTY SPEAKER** : Zawhbelhna dang a awm lo maw ? Anih chuan a changtu Minister Pu H.Liansailova chhang turin ilo sawm ang.

**Pu H.LIANSILOVA, MINISTER** : Pu Deputy Speaker, tuna zawh paha a han sawi ang leh hmanni a Budget Speech kan sawihona te a tarlan tawh angin, hemi Performance Budget kan tih, Performance Report ah te pawh khanin (Deptt., te pawh han ti kim rih lo te pawh an la awm a) kan Work Schedule, Work Programme pawh kha duhthu ala sam lo viau a. Chuvang chuan, heng hi changtlung zawk a hma lak chhoh zel tum a ni ang a. Tin, Plan Scheme lamah phei chuan kan tarlan tawh angin kan sanction process kal kual rei lutuk pumpelhna atan pawh hian kan Chief Minister-in heng Finance leh Planning a lak lai atang khan min lo ruahman

sak deuh a awm a. Chu chu kan bawhzui tur a ni a, ama kaihhruaina zelin. Chuvangin, work programme te pawh changlung zawk leh sanction process hunah pawh Planning lama kal kual fo lo deuh a mumal deuh a buatsaih hi kan lo tum mek a.

Tin, chutih rual chuan tuna kan Work Schedule han tihah hian department zawng zawng kha plan neilo te an ni a. Tin, performance budget-ah pawh khanin development department, annual plan-a pek ho hi a ni deuh ber a. Chungah pawh chuan kan sawi tak ang khan famkim tawk lo leh a tih hmang te pawh tha zawk thei tur suggestion-te pawh kha a awm a. Hei hi tha deuh zawka kan kal theih na tur leh department lam leh a changtu lam pawhin an en mek leh kalpui kan tum mek a ni e.

**DEPUTY SPEAKER** : Ni e, performance budget hi a pawimawh khawp mai a, State dangah chuan an ti deuh fur tawh mai a, annual report te kha, Member-ten House-a pawisa kan pass hmanna hriat miahloh kha a awm thin a. Chuvangchuanin, tan an rawn la dawn a, a lawmawm e.

Tichuan, Starred Question 133-naah kan kal ang a. Hei hi Member pahnhin an zawt a. Member zahawmtak Pu B. Lalthlengliana leh Pu Lalthansanga khan an zawt a. Pu Thlenga kha a hming a hmasa zawk a, kan zawh tir mai dawn em ni? Member zahawmtak Pu B.Lalthlengliana ilo sawm ang.

**Pu B. LALTHLENGLIANA** : Pu Speaker, Pu Lalthansanga nena kan zawhna intawm Starred Question No. 133-na Vigilance Department changtu Minister zahawm tak chhan atan – a)-na Kan Sorkar-in (a) Vigilance Commission din a tumna kha engtin nge a kal zel? b)-na Engtikah nge din a nih ang? tih kan zawt e.

**DEPUTY SPEAKER** : A chhang turin kan Chief Minister zahawmtak Pu Lal Thanahwla ilo sawm ang.

**Pu LAL THANHAWLA, CHIEF MINISTER** : Pu Deputy Speaker, inthlanaa kan manifesto te min tuipui hlawm a, Member zahawmtak te hian, a lawmawm ka ti a, lawmthu kan sawi hmasa duhin he House-a rawn sawi chhuak kan awm a, a lawmawm ka ti a. Tin, pawnlamah pawh hian pawl hrang hrang hian min tuipui khawp a, min examine deuh reng a. Tih tawh tam tak kan hotute hian an nei a, kan Sorkar-in. La tih loh a awm nual a, hun pawhin a la daih lova. Sum pawhin a daih na hek lova, chung avanga tea tih loh te pawh a la awm a ni.

Vigilance Department hi thil tha tak tura kan ngaih a ni a. Amaherawhchu, tun thlenga kan din loh nachhan bulpui ber chu sum harsat vang a ni a. Han din ta ilangin Chairman emaw a lo awm ang a, chu chuan staff chi tinreng an mamawh phawt anga, room bakah. Chubakah chutiang

zawng zawng kan ngaihtuah chuan kan tlin rih lo ani lawm ni kan ti a. Tin, chumi ang tluka pawimawh chu corruption do nan hian min venpuitu pawnlamah tlawmngai pawl eng eng emaw an awm a, tin, ACB nasa takin kan strengthen a, kan lo intiam tawh angin. S.P-in a ho thin a, I.G.P. hovin kan dah a, Director CBI ah pawh experience lo nei tawh, chutiang chu kan ho tir a.

Tin, hmanni a ka sawi tawh ang khan CBI Academy Gaziabed-ah te kan police personnel te kan zuk train a, tin, an instructor te ko chhovin helaiah pawh minrawn train a, chutiang chuan a theih ang tawkin kan strengthen a. Tin, CBI hi consent pahin kan duh hun huna koh luh theihin kan dah bawk a. Hei Tuirial a compensation chungchang te pawh hi an chhui tawh a, chutiang chuan a hmanraw dang tam tak kan neih avangin kan la din rih lova sum lampang harsatna avang pawhin.

Tin, kan hriat theuh angin Lok Pal Bill India ram pumpui a corruption ven nan mithiam te leh interested parties ten an draft a. Tun 1<sup>st</sup> August-a Parliament Session tan turah hian putluh ngei tur ani a, chu chu an putluh a, an pass chuan India ram pumpui nghawng tur ani a. Chumi atang chuan Vigilance Committee hi din ting tang loh te pawh a tul mai thei a, hetia kan lo din tawh loh rau rauah chuan Lok Pal Bill te pawh hi kan han nghak pah bawk a ni. Tin, a hma zawnga kan lo din lohna chhan chu sum lampang harsat vang anih rualin ACB te kan strengthen a nasa takin hma an la a, hna an thawk a, tin, CBI duh hun huna koh luh theih turin kawngkapuiaah kan dah reng bawk a, chung chu a chhan leh vang te anni e.

**DEPUTY SPEAKER** : Zawhbelhna Pu B. Lalthlengliana  
zawhah khanin Pu Lalthansanga.

**Pu B. LALTHLENGLIANA** : Ka'n chuhhelh leh deuh mai anga. Pu Dy. Speaker, he zawhna ka zawh nachhan pakhat chu Vigilance Deptt. hian corruption chungchang leh officer te promotion chungchangah hian a tih tur hi a ti taw lo emaw ni aw! tih ngaihtuahna a awm avangin Vigilance Commission hi din ni ta sela hna tam tak an chhawk thei dawn a hriatna ka neih avanga rawn zawt ka ni a. A chhan chu kan hriat angin officer te emaw officer lo pawh, promotion an hmuh dawn chuan Vigilance Deptt. atangin vigilance clearance, liabilities engemaw an neih atang khan an la thin tur a nia, chutihlai chuanin mi tam tak liabilities nei teuh chung si a promotion hmu tam tak an awm teuh nia hriat ani a, chulaiah chuan sorkar hi a fimkhur taw lo nge Vigilance lam khan clearance an lo pe mai zel? tih lai kha ka zawh duh nachhan ani a. Chutiang anih chuan miin corruption emaw sual tih emaw a sim phah dawn lova, incentive tha tak a nih theih zawk dawn avangin Commission hi din ni ta se, an venpui anga, an ti tha deuh zawk dawn lawm ni tih ngaihtuahna atanga zawt ka nia, chulai chu kan zawh duh chhan a ni. Incentive tha tak kha a neih theih zawk dawn avangin Commission hi din nita sela chuan an ven pui anga, an ti tha theih deuh zawk dawn lawm ni tih ngaihtuahna atanga zawt ka ni a, chu lai chu ka zawh duh chhan a ni.

**DEPUTY SPEAKER** : Pu Lalthansanga ilo sawm ang.

**Pu LALTHANSANGA** : Pu Dy.Speaker, hei Vigilance Commission hi din turin kan ruling party te hian an manifesto no – 1, rorelna tha, good governance tihah khanin clause – 2-na ah khanin an han dah a ni a, an ngai pawimawh hlein ka hria a. Financial year 2009 – 2010 ah pawh khanin nuai 10 dah a ni a, 2010-2011 ah hian nuai 100 an han dah a ni a, chutiang ang chuanin an rilruah pawh a lian hle a, amaherawhchu ACB upgrade avangin han tih ang zawnga an kal leh ta hi, a kan sawrkarin a phoro han tih laia hi tlem hianin a hla do hi a thlak deuh emaw ni aw, tih mai tur hianin rilruah a awm thei a.

Hei Mizote hi kan nature hrim hrimah hian Pu Dy. Speaker, hei vawiinah te pawh ruihhlo, drugs kan tih kan han buaipui naah hianin kan force te ai hian kan NGO`s te pawh hi mipui hi chuan kan ring zawk tawh a ni a, chutiang chuanin keini Mizo mipuite hi hetiang ang kara ( Dy.SPEAKER : A point ah khan zawt rawh le) aw a point ah kan zawt dawn a ni. Kan sawi chiang hmasa ang e, hetiang ang kara witness a han tan, veng, khawtlang angah pawh hian kan hreh viau zel a ni a, chutiang avang chuan thil hi keimahni aiawh (middleman) ang deuh a, hetilaia keimahni criminal case te execution te han ti thei tur ang, commission han awm tura hi a phur thlak hlein ka hria, hei tam tak Ethic Committee te pawh kan han ti a, an ni te hi chu advisory ang deuh chauh an ni maia, hei hi chuanin a hmalakna tur hi, tun kan sawrkar ah pawh hian thil ti diklo chu a dimlo ang tih ang khawp khanin an awm a ni a, chutiang chuanin Lok Pal te kha chhuanlamah kan han ti leh ta a, tun hnaiah Lok Pal te chu a rawn awm chho a ni deuh mai a, chuvang chuan hetiang te hi awm ta se chu, kan sawrkar hi a dinna ngaiyah ala ding a, Zoram hianin hmel thar hi a hmu ngei ang tih hi kan han ringa, chuvang chuan hemi hi hetiang taka an veia hi din ngei thei sela Zoram hianin, he corruption vennaah hianin mitin hi kan inrawhleh zual anga, kan phoro theih ngei hi ka ringa, 2010 – 2011 ah pawh nuai 100 lai dah a ni a, chuvang chuan he Vigilance Commission hi kan sawrkar hianin din tur hian hma hi la hram teh se tih kha ka rawn ngen nawn leh duh a ni.

**DEPUTY SPEAKER** : A sei hle mai i ngenna pawh. A chhang turin kan Chief Minister zahawmtak Pu Lal Thanhawla ilo sawm ang.

**Pu LAL THANHAWLA, CHIEF MINISTER** : Pu Dy.Speaker, sawrkar hmasaah khan pawn lam atang khan kan lo thlir ve a, an manifesto kha an ziaak tlar nasa mai a, kan ti ang an tih kha, kan ti lo ang tih kha pahnih awm a, kan tilo ang an tih chiah kha an ti a, kha kha kan la hrereng theuhin ka ring a. Kan ti lo ang tih kha pahnih chiah a awm a ni, kan tilo ang an tih kha an ti chat a, a tha tho a, tha an tih zawng a nih chuan.

Tin, member zahawmtak Pu Lalthansanga pawh kha thahnem a rawn ngai hle mai a, an Party an buai deuh a, a tui tan chuan thahnemngaih angai reng a ni. A chhungah pawh, pawnah pawh, chuvangin an hriatthiamawmin ka hria a. Pu Dy. Speaker, Vigilance Commission hi a pawimawh ang tih kan rin avangin keini pawn ziaak kan ni a, kan han lut ta a, an thawh tur awm ang kha chu kan Chief Vigilance Officer te Chief Secretary ni bawk ten an lo thawk thei tho

mai a lo ni a. Tin, ACB kan han strengthen takah kha chuan ACB khan an thawk thei tho baw a. Tin, ACB kan duhthawh deuh a nih phei chuan CBI hi consent pek theihin an awm reng baw a, chutiang chu tuna kan dinhmun hi a ni a. Tin, Vigilance Commission hi lo din dawn ta ang ila case engemaw tam tak a hi a'n lut kual ang a, khatiang khan a delay-na te pawh a ni thei angem tih te pawh hi ka ngaihtuah a, mithiam ka ni ve lova, dan engmah ka hre ve lova. Mahse, chu chu a awm thei awm mange aw ka ti a. Engpawh niselangin thil tha tak a ni tura ngaih a ni. Kan sum dinhmun leh thil dangin hneh se chu kan ti mai anga, tin, unemployment te pawh a lo solve deuh hlek mai thei a, thil tha tak a niang, amaherawhchu, kan la tlin rih loah kan inngai a ni.

Tin, member zahawmtak Pu Thlenga'na Vigilance clearance neih a tih vel ang chi kha a pawimawh khawp mai a, tin, a thu hrim hrimin kan hriat atan a tha a, kan sorkar hnathawkte tan an hriat a tan pawh a tha a. Hnamdang hi fimkhurah kan tluk lova, kan hun hmasa atang pawh khan hnamdang hi chuan T.V. an lei dawn pawhin, Car an lei dawn pawhin, In hmun an lei dawn pawhin, an rochun dawn pawhin sorkar phalna an rawn dil zat zat a ni. Chuti chin chu ka service tawh a, thlatin chutizat chu ka hlawh a, chuta tangin chuti zat chu ka save a, chuta tang chuan Car chu ka lei thei tawh, T.V. ka lei thei tih hi anmahnin an rawn in justify a, kha kha Vigilance Department ten an lo examine thin a ni. Mizo te hi chuan kan ching vak lova, kan kuhva khawr lei mai mai a, han in strict khum dawn vak mah ila, a hnu rei tak te kha a lo nih tawh avangin harsatna tam tak a lo awm thin a ni. Tin, Vigilance clearance hi a pawimawh nameuh a, a awm reng a, tin, Government of India tih dan zulzuiin keini pawhin kan ti a ni. Amaherawhchu, Mizote hi inthenawm, inkawmchhak/kawmthlang, thisen zawmpui, inmakpa, inzawmpui, inchungkhat kual vek kan ni a, chu laite pawh chuan justice kenkawhnaah hian kan hotu tam berte sorkar lamah pawh kengkawhtute kenkawhna hi engemawchenah chuan direct leh indirectly pawhin a influence ni te pawhin a lang a. Chungte avang chuan an lo strict tawh lo te pawh a ni mai thei. Amaherawhchu, government a awm theihna tur chuan strict taka kalpui a pawimawh khawp mai a. Chuvangin kan strict deuh viau reng a ni tunhnu hi chuan. Explanation call te khatianga tih kha tam tak an awm tawh a, amaherawhchu, reitak kan lo inthlahdul tawh hnua han strict leh thut kha, duh angin a chak thei lova, a la famkim thei lovin ka ring, amaherawhchu, kan tum viau a ni. Tin, sorkar hnathawkte tan pawh a tha ve hrim hrim. Tin, tuna member zahawmtak Pu Chatea rawn thahnemngaihna te pawh kha a dik vek a, amaherawhchu, sawi leh sawi hnu kan sum neih dan te enin kan tlin ber rih lova, tin, tuna kan han tan mar chhoh dan en hian a tul berah chuan kan ngai rih lo a ni. Tin, Department khawiah emaw harsatna a lo awm a, Department Officer dang Enquiry Officer a han dah a, tute emaw Presenting Officer a han dah vel hi eng anga diklo pawh hi hmuh chhuah tak tak hi a awm mang lo ani, kan hun hmasa lam atang khan, ka experience – ah chuan, khalam pang zawng khan kan kal vak tawh lova. ACB hman tangkai kan tum a.

Tin, niminah member zahawmtak Pu Lalhimpua rawn sawi ang khan khatianga tlema bawraw zual deuh te phei kha chu CBI hi inthlahrung miah lovin kan hman a tul dawn niin ka hria a, kan hmang dawn tan baw ang. Chuvangin, Mizoram Vigilance Commission hi top priority-ah kan la nei thei lova ni, tha hle mahse.

**DEPUTY SPEAKER** : Awle, tunah chuan Starred Question 134-na zawt turin Member zahawmtak Pu T. T. Zothansanga ilo sawm ang.

**Pu T.T. ZOTHANSANGA** : Pu Deputy Speaker, ka lawm e. Starred Question No. 134 na, Hon'ble Minister for Rural Development Department-in min chhan tura ka zawhna chu hei hi a ni – Rural Housing Scheme hnuaiiah kum 2010-2011 chhungin pawisa engzatnge dah a nih?

**DEPUTY SPEAKER** : A chhang turin Minister zahawmtak Pu R. Lalzirliana ilo sawm ang.

**Pu R. LALZIRLIANA, MINISTER** : Pu Deputy Speaker, Member zahawmtak Pu T.T. Zothansanga zawhna chhanna chu – Rural Housing Scheme hnuaiiah kum 2010-2011 chhungin nuai 400.00 dah a ni.

**DEPUTY SPEAKER** : Zawhbelhna, Pu T. T. Zothansanga, chumi zawhah Pu Lalduhoma.

**Pu T.T. ZOTHANSANGA** : Pu Deputy Speaker, ka zawhbelhna hei hi a ni –

- (1) Chhungkaw engzatnge rangva pek annih a, bundle khat hi engzat man nge?
- (2) Rangva hi term hmasa khan sem a ni em?
- (3) 2011-2012 chhung hian engzatnge pawisa dah leh anih a, chhungkaw engzatnge pek leh tum anih? tih kha ka zawhna ani a.

Tin, Pu Deputy Speaker, i remtihna in nichin ami kha chhiar min phalsak leh lawk la..

**DEPUTY SPEAKER** : Kha kha chu a kal tawh a, a tul tawh lo. Chair khan kan phalsak tawh a, khatilai kha chu zawhna ani tawhlo, duhtawk mai rawh. Pu Lalduhoma ilo sawm ang.

**Pu LALDUHOMA** : Pu Deputy Speaker, hemi Rural Housing Scheme hnuaiiah GCI sem hian min kan dawn niin ka hria a. Ka bial chhungah khuan rural area khaw 3 a awm a, min hmaih nia ka hriat avangin kan Minister zahawmtak hnenah hian ka han sawi a, tichuan min rawn peve a, kan lam khawp mai a, a sem tur pawh khan min rawn sawm a, a lawmawm viau a, amarawhchu khawchhung mipuite leh NGO ten a dawng tur zinga thenkhat kha awmlo an tih em avangin ka hnenah an rawn sawi a, tichuan ziakin “siamthat leh anih loh chuan tuna beneficiary list ngaiang semnaah hi chuan ka inhnawih ve lo mai ang e”, ka ti a, ka kal ta lova. Chu chu Enquiry Report an lak tir a, enquiry report a finding pawh min rawn pe leh tawh a. Khatia bialtu MLA-in thilfello a awm ani tia



ziaka ka thlen kha an endik anih rau rau chuan, englai hi nge thalo nia i hriat minrawn tih ve awm tak hi a ni a, mahse min ti miah lo. Tichuan fello engmah awmlo angin report copy hi minrawn peve tawp mai ani, Pu Deputy Speaker, fello a awm a, Congress Unit President nih vang ringawtte, V/C Treasurer nih vang ringawtte, VCP pa nih vang ringawt te a Concrete Building salai, Dawrkai leh khawkhat a in neitha ber ten an dawng ringawt hi chu khawtlang mipui an lawm miahlo ani. Helai hnaite ami ani a, zuk endik theih ani a, bialtu te pawh min hanrawn se, tute hi nge diklo nia i hriat te pawh minrawn ti se, an hmingte pawh ka lo hrih tur ania. An hming te kha a tira han ziah ngawt chu ka duh bik lova, chutiang thildiklo hnaivai te a awm pawh kan chingfel thei dawnlo anih chuan fello hle in ka hria a, roelna dik te hi kan sawi kan sawi si a. Tunah chuan an dawng tawh a, chhuh let leh chi ah chuan ka ngai lova, amahrawhchu hun lo kal zel turah bialtu MLA ten kan ngaih pawimawh hi hei aia nasa hian Official te pawh hian minrawn rawnin minrawn ngaih pawimawh sak thei deuh tawh ang em? tih kan zawt e.

**DEPUTY SPEAKER** : Zawhbelhna Pu P.P.Thawla ilo ko ang.

**Pu P.P. THAWLA** : Pu Deputy Speaker, Rural Housing Scheme kha mipakhat tan cheng engzat a hisap nge anih? Chumi chhungah chuan rangva zawng a pek vek nge anih a, a then rangva, a then pawisa tia sem nge anih? tih kha ka zawh belh a. Ka hma ami kha chu sawmnaah a tel duh lova, kei chu ka maltlat deuh baw k a, quota te peve in sem hunah pawh khan sawmve ka ni thei ang em? tih ka han zawt tel e.

**DEPUTY SPEAKER** : A chhang turin Minister zahawm tak Pu Lalzirliana i lo sawm ang

**Pu R. LALZIRLIANA, MINISTER** : Pu Deputy Speaker, Pu T.T.Zothansanga, MLA zahawm tak zawhna kha, bundle khat kha cheng (ka hre sual deuh mai thei) ₹ 3250 vel ani mai thei, ka tisual mai thei a, chutiang vel chu ani a. Bundle 12581 lei ani a, beneficiary hi 3145 thlan ani. Heng hi RD Block 36 atang a thlanchhuahte an ni a, kan MLA zahawm tak ten a pawimawh zual vantlangin In an sak sak tur te an bialchhung ami in kang leh leimin leh engemawtia natural calamities-in a tihchhiat te, khatiang anrawn sawi, an ngaih pawimawh zual lo pek tur atan khan engemaw zat reserved a ni baw k a ni tih kha ka chhanna ni se langin.

Tin, Pu Lalduhoma kha, ni e, a biala tlem azawng kan han sem ve tur te kha a thlawna rangva, silpouline pakhat inpek pawh hi a lawmawm tehlu nen rangva bundle 4 zet mai han inpek kha chu a lawmawm em a, a dik lo pahnih khat a lo awm a nih pawhin a dikte tal kha chu a lawmpui ve kan ring a, kan han sawm a, a lo tel ta lova, a vanduaithlak hle a. Tin, kan pekte hi a complain-tu emaw engemaw zawh leh ngai kan ti lova. A chhan chu kan hre vek a, thlante kha an ni a. Chuvangin, an hming pawh zawh a ngai hran lova, kan hre vek a. An zu kal a, hetiang ang hi kan MLA zahawm tak sawi dan hi a nih chuan chhuhsak leh nghal tur, cancel nghal tur ka ti a. Amaherawhchu, an zu kal a, kei ka kal ve lova, kan aiawhte an awm a. An kal a, heng dawrkai an tihte hi hawkers mai an ni a, an ina an tukverh vel leh khatiang vela

thil lo zuar te te, thil lo khai den den ang chi te an ni a, an ti a. A thente chu IAY dawng tawhte pawh an lo awm a, an ti a.

A thu hrim hrimin IAY dawng tawhte hi ₹ 48,000 vel emaw pek a ni a, new construction hi. Kha khan tunah hian chartin pakhat hi cheng 480 te a ni a, 500 te. Chuvang chuan, an sa thei dawn lo hrim hrim a. “A theih chuan IAY dawngte hi he rangva kan sem hian i tanpui chhonzawm zel ang u” kan ti nghe nghe a. Kan criteria-ah khanin an tel ve avangin khangte kha chu tih danglam ngai lovah kan ngai a ni. Concrete building nei kha chu an sawi ka hre chiah lova, a lo awm a nih chuan an hmingte han sawi se la...(interruption) .....

**Pu LALDUHOMA** : Pu Deputy Speaker, heti hian an intan tlat zel dawn a nih chuan roelna dik hi tih ngaihna a awm lo a ni mai a. A dawngte kha kan lawmpui lo a ni lo. Mahse, dawng awm zawk an awm vangin kan sawi a ni. Sairang VC chuan, “Heng hi chu mamawh zawk an awm a ni”, an ti a, an rawn complain a, thlakthleng a ni mai a ni. Sihhmui leh Sairang Dinthar VC-te erawh chuan an ti ve phal lova. A zuk kala te pawh hian anni tho an zuk zawh chuan kha tho kha an thu hawn tur chu a ni mai a. IAY dawng tawh pek loh tur tih pawh a awm lova, khangte kha chu a hriatthiam theih a. Mahse, khawtlangin awm lo an tih ngawih ngawih te hi an awm a. Bialtuten ‘Hei hi chu a dik love’ kan tihthe chu min ngai pawimawh ve bawh tur a ni dawn lo’ m ni? Mit ngei pawhin zuk kal ho ila kan hmu thei a lawm. Amaherawhchu, tih dik tum lova khatiang anga kan chhan zel dawn a nih chuanin in hote chu an rawn corrupt tual tual ang.

**Pu R. LALZIRLIANA, MINISTER** : Pu Deputy Speaker, tih dik tumin kan aiawhte an awm a. Kan aiawhte kan rin loh chuan hmana PWD-in Col. Man Singh-a, CE-a an chahchhuah khan (rambuai lai khan) amahin midum rawra chawkte leh alkatra chhuangte kha en vek mai a tum a, a hman lo tawp mai a. Sawiselna chu a na leh khawp mai a. Chuvangin, keini chuan kan aiawhte kan ring zo a. Chu mite chuan a dik an ti a, a dikah kan pawm a ni. Tin, a aia pek awm zawk an awm anih chuan hetiang ang ni lo hian tuna ka sawi kha in hria in ka ring a Member zahawm tak ten pek awm hluah hluah pek loh kan lo nei a nih chuan min hrilh ve ulang chu chu kan pe mai ang, a pe thei tute hrilh duh silova helaia han au pawr vel ringawt a kha chu a tih theih loh a ni, chu chu min hrilh sela kan pe ve em em ang tih kha kan tiam a ni. Tin, Pu Thawla zawhna kha pawisa in kan pe lo, rangva kha pawisa a chantir a ni lova pawisa a pe lovin rangva bundle 4 zelin chhungkhat kha kan pe a, hei hi a te deuh mai thei a, amaherawhchu, in lian deuh sa thei te kha chu pek ngai lo turah kan ngai deuh va, Pu Thawla kha amahin a tla tih reng reng kha kan lo hre lova, amah a tlalo, thawhpuite neiah kan lo ngai deuh va chuvangin, a khawngaih thlak em mai a, recommend te pawh rawn siam ve sela kan lo ngaihtuah dawn nia.

**DEPUTY SPEAKER** : Starred question 135-naah kan kal ang a, tuna kan sawi tawh ang khan Pu Liantlinga kha a awm lova, Pu Lalduhoma a aiawh turin a rawn ruat a, kan rem ti a. Khati laiah khan kan Member te kha in rilruah khan a dan laiah khan in lo buai deuh a ni mai thei, dan a

awm a, dan bawhchhe lovin Chair atangin dan hrulah kan kal a ni tih kha in lo hre dawn nia. Tunah starred question no. 135-na zawt turin Pu Lalduhoma i lo sawm ang.

**Pu LALDUHOMA** : Pu Deputy Speaker, ka lawm e. Soil & Water Conservation Department changtu Minister zahawm tak chhan atan Starred question no. 135-na

- (a) Hmunphiah chingtute tan khawi hmunah te nge Godown sak a ni?
- (b) Engzatnge sak tum a nih? tih a ni e.

**DEPUTY SPEAKER** : A chhang turin kan Chief Minister zahawm tak Pu Lal Thanhawla i lo sawm ang.

**Pu LAL THANHAWLA, CHIEF MINISTER** : Pu Deputy Speaker, zawhna hmasaah khan kan cheng ve lawk ang a, khawngaihin, i remtihna in. Member zahawmtak Pu Lalduhoma kha chu a vannei viau zawk a, a ziktluak lo anih pawhin a lo hre tal a, a hrilh pawh an lo hrilh a. Kan Minister zahawmtak hi, “Ka bialah hian rangva in sem ve nange”, ka ti a, “Sem tehreng mai nang phe chu kan pek hmasak ber i ni”, min ti a, kan zawh chuan an lo sem zo vek tawh a, tute nge thlang a, tute nge ti, tih kha ka hre miah lova. Chutiang chu a nia, a lehpekah chuan ka hriat ve te pawh a ngai tawh mai thei a, chuvangin, a vui thlak tehchiam lem love tih kha kan sawi duh a.

Tin, Pu Deputy Speaker, he ram mite hian roreltu tha, roreltu dik, roreltu fel kan mamawh in ka hria a, duh pawh kan duh in ka hria a, kan tawngkam chuan, amaherawhchu, kan roreltute pawh hian mipui tha, mipui rinawm, mipui dik hi an mamawh ve thovin ka ring a. Chuvangin, khatianga in lawm tawn loh kha chuan tuna kan ngaihthlak ang chi kha a awm reng dawn a. Kan hotu thenkhatin an complain avangin Fisheries lama beneficiaries te, hmanni khan chung chu kan hotu MLA zahawm takte nen khan a list kan han en a, nupa dawng tura recommend te, pafa in khat a cheng dawng tura recommend te. Tin, fish pond tur nei miah lo dawng tur te kha kha an lo awm nual mai tih kan bialtu MLA khan an sawi a, kan han zawt chiang a, verify tawh vek te kha an lo ni lehngal a, a hmunah chutiang chu a awm thei tlat mai a ni. Chuvangin han endik dawn pawh hian MLA te pawh hian kan endik vek seng chuang lo in ka ring a, tin, a mihring kha kan hre vek chuang lo a. Amaherawhchu, a theih ang tawh chinah chuan a dik thei ang bera kan kalpui theih na turin tan tlan deuh dan chu a awm in ka ring a.

Hei ration card chung chang te pawh Pu Deputy Speaker kan sawi thin a, Ration card a tam zia, heng te pawh hi kan ngaihtuah a, kan luh hlim ah khan tlawmngai pawl te kan han hmang a, a dik viau thei chuang lo a. Hmanni a kan Minister zahawmtak nen a kan sawi dun chuan MLA 40 kan awm a, kan bial theuhah hian keimahni theuh hian endik ta ila, a dik thei deuh ang em le? tih te kan ngaihtuah tawh a ni. A mangan thlak avangin, kha kha a hmasa ami nen a inzawm deuh avangin ka'n sawi duh zawk a ni.

Pu Deputy Speaker, member zahawmtak zawhna kha, hmunphiah chingtu te tan khawi hmunah nge Kudam sak a nih? tih ani a, Kudam hi kan la sa lo a ni. Tin, engzat nge sak tum a nih? tih ani a, ruahman chhin dan chuan hetiang hi a ni. Khaw khatah mi 10-in hmunphiah hi an thlan chuan kudam pakhat, a size a chu an mamawh ang zel in ani ang a, chutiang chuan 10 atanga 30-ah kudam pahnih, 30 atanga 50-ah pathum, 50 atanga 70-ah pali, 70 atanga 100 awmna khuaah panga, tin 100 atanga 130 awmna khuaah paruk, chutiang deuh chuan ruahman ani a. Tichuan tuna hmunphiah ching mek chhungkua 3900 tan hian kudam 441 emaw vel lai a ngai dawn a, chuvangin hei hi chu remchang zawk ang a ennawn a tul a ni, tih hi a titu te hnenah ka hriattir tawh a ni.

**Pu LALDUHOMA** : Pu Deputy Speaker, a zawhna hmasa chungchangah kha chuan Bhavan-ah te pawh an ang tawn tawn a, duh tawk ila, kan hlim tlang lo zawng ani ang e.

Tuna ka'n zawhbelh duh chu, hun hmasa lamah khan hmunphiah chingtu te hamthatna sawi tum khan hmun hrang hrang a an chin hi chuan a market te a buaithlak a, a lak khawm te hi. A godown hi an chin tam na hmunah hi chuan awm ve sela tih kha sawi chhuah a nih avangin eng chen nge Sorkar in hma a lak tawh? tih kha ka zawt ani mai a. Tunah hian NLUP-ah te pawh trade ah mi ten an thlang a, tin a market hi Trade & Commerce-in an lo khawih leh a, a industry hi Industry Department-in an lo khawih leh a, mahse ka zawh duh hi kan Chief Minister zahawm tak a nih avangin min chhang thei tho in ka ring a, a hmunphiah kuang a hi process theih ani a, paper siam nan te pawh a hman theih tih te sawi thar alo ni ta a, a hnah te pawh hi ranchaw atan chan sawm in tangkai takah chhuah theih ani a, hmunphiah hi chu a pumpui hian in sumah a chang thei vek ani tih te alo ni ta a, chuvang chuan a godown piah lamah hian a hmunphiah an hralh piah lamah khan a kuang te, a hnah te hi engtia sawngbawl nge sawrkar hian a tum? Engtingge hma a lak? tih kha kan zawt tel duh ani.

**DEPUTY SPEAKER** : Zawhbelhna dang a awm em ? A awm loh chuan a chhang turin Chief Minister zahawmtak ilo sawm ang.

**Pu LAL THANHAWLA CHIEF MINISTER** : Pu Speaker, hmunphiah hi kumkhatna atanga thar thei tur a beisei ani, a thar rang pawl tak ani dawn a NLUP hnuaiyah chuan. Tin, kumkhatnaah hian chhungkaw pakhatin Quintal sawm vel tal thar tura beisei ani a, chutiang chuan chhut ani. Tin, chuti anih chuan quintal khat hian a hmun space hi cubic metre hnih vel awh tur a chhut in kudam 441 vel kan beneficiary atang khan ngai tur a chhut ani. Kudam pakhatah hian cheng nuaihkhath leh singnga man vel a chhut, estimate ani a, member zahawmtak ten an hriat ve hrim hrim atan. Tichuan kudam 442 atan chuan nuai 661.5, tin, hei hi alan tamna chhan pakhat chu khaw thenkhatah beneficiary pakhat emaw pahnih emaw lek awmna te a awm ani. Hengmi te pawh hian kudam chu an mamawh ve tho dawn bawk si a, chuvang chuan hmaih mai theih an ni hran pa lova. Tin, kan han kalpui thui deuh anga kan rin dan chuan khawkhata trade pakhat emaw pahnih emaw lek awm hi a danga thlak tir te

pawh a tul mai thei a, side income atan an kal pui duh anih chuan an mahni thu ani, sawrkar thu ani lova, chuvang in cluster zawng a kal pui, cluster plantation zawnga kalpui kha an mahni tan a remchang anga, sawrkar tan pawh a rem chang ang tih hi kan ngaih dan ani a, chuvangin awmze nei zawka kalpui dan tunah hian ngaihtuah mek ani. Beneficiary tlem lutukna hmunah chuan tha leh zung leh sum a hek dawn a, chuvangin chutiang zawng chuan ngaihtuah ani a. Entirman Tripura-ah chuan Rubber plantation-ah an hlawh tling hle a, tunah chuan Kerela dawttu an ni tawh a, chutiang deuh chuan keini pawh hian rubber plantation hi kan encourage a, thlang pawh an awm nual a. Tin, Tripura ram dep khawthlang lam pang khu cluster plantation zawnga kal pui tumna a awm ani, chutiang chu tunah hian in puahchah dan ani.

Tin, a kuang tih kha hei kan nodal Minister te hian an lo analise tir vek tawh a, tha thei tur a ngaih ani a, chuvang chuan a zavai deuhthaw hian hman tangkai theih tur niawm tak ani a, chutiang chuan tunah hian sawrkar in a puah chah a, nia kan sawi duh chu khaw khatah pahnih/khat lek lek an awm khan anmahni tan pawh a harsa dawn a, chuvangin trade dang kan thlan tir a, amaherawhchu, khami hmunphiah plantation kha an la kal pui zel duh chuan kha kha chu an side income atan pawh an la kal pui thei ang, a cluster deuh zawng a kan dah loh chuan a farmers te tan leh sawrkar tan pawh a marketing thuah leh a collection thu ah te pawh harsatna a awm dawn avang in a cluster zawnga kalpui ani a, tin, a kuang leh thildang hman tangkaina tur kha sawrkarin a bawhzui zel ani.

**DEPUTY SPEAKER** : Aw le, Starred question 135 na zawt turin member zahawm tak, Col.Z.S.Zuala i lo sawm ang.

**Col.Z.S. ZUALA** : Pu Deputy Speaker, Minister, Sports and Youth Services department changtu ina khawngaih taka chhan atan ka zawhna chu Land, Revenue and Settlement office hlui, Kawltheihuan, Mission veng ami hi Sports and Youth Services Department hian engtianga sawngbawl zui nge a tum ? Tin, tuna a dinhmun enge ni ? tih kha a ni e. Ka lawm e.

**DEPUTY SPEAKER** : A chhang turin Sports and Youth Services changtu Minister zahawmtak, Pu Zodingluanga i sawm ang.

**Pu ZODINTLUANGA, MINISTER** : Pu Deputy Speaker, kan member zahawm tak Lt.Col. Z.S Zuala zawhna Starred question 136-na chhanna chu Youth Centre cum Indoor (Sports Complex) atan ruahman a ni. Hemi tihlawhtling tur hian hma lak mek a ni tih a ni a. Tunah hian land-lease buaipui mek a ni a. Hmuh thuai beisei a ni a. Tunah hian a sak na tur sum hi 12<sup>th</sup> five year plan lo awm tura Sports and Youth Services Department plan in road map-ah a sak nan vaibelchhe 20 proposed a ni tih a ni.

**DEPUTY SPEAKER** : Zawhbelhna a awm lo maw ? Zawh belhna a awm loh chuan Starred Question 137-na zawt turin member zahawmtak, Pu Joseph Lalhimpua i lo sawm ang.

**Pu JOSEPH LALHIMPUA** : Pu Deputy Speaker, ka lawm e. Sports and Youth Services minister zahawmtak min chhan atan Lunglei District chhungah thalai te tan infiamna lama hma kan sawn theih na atana hma lak mek emaw ruahmanna enge awm? tih ka zawt e.

**DEPUTY SPEAKER** : Chhang turin kan minster zahawmtak Pu Zodintluanga i sawm ang.

**Pu ZODINTLUANGA, MINISTER** : Pu Deputy Speaker, kan member zahawmtak, Pu Joseph Lalhimpua Starred question 137 chhanna chu Lunglei District chhunga hmalakna chu :-

- 1) Thuamluaia mualah artificial turf phah tum mek a ni a.
- 2) Lunglei LDFC ground No.2 ah SAI extension programme atan hengte hi ruahman mek a ni:
  - (a) Sports Hostel
  - (b) Multipurpose Indoor Hall
  - (c) Basketball court
  - (d) Volley ball Court
  - (e) Tennis Court . Heng te hi bul tan tawh vek an ni.
- 3) Construction of Electric veng Football Ground at Pandawng.
- 4) Construction of Theiriat Football Ground. Pu Deputy Speaker heng Football Ground kan tih te hi Sports and Youth Services Department leh V/C te nena tangkawpa hmalakna te an ni hlawm a ni.
- 5) Construction of Indoor Hall at Luangmual, Lunglei
- 6) Construction of Tennis court at Sethlun
- 7) Construction of Tennis court at A.P Tlang, Lunglei
- 8) Construction of Football Ground at Serkawn tih a ni a.

Tin, construction of Tennis Court at Serkawn tih hi kan manifesto a awm District tina Stadium puitling siam tur tih hi a ni a. Hmalakna mek zel Serchhipa kan siam tawh ang khan Lunglei district-ah pawh hian DPR buaipui mek a ni tih kha kan sawi duh a. Tin, SAI extension atan hian Judo, Boxing, Wrestling leh Taekwando theuhah naupang 10 theuh awm theihna tur hostel sak tum a ni bawk.

**DEPUTY SPEAKER** : Tunah Starred question No. 138-na zawt turin kan member zahawm tak Dr R.Lalthangliana zawt turin i lo sawm ang.

**Dr. R.LALTHANGLIANA** : Pu Deputy Speaker, Industries Minister chhan atan Starred question no. 138-na –

Mistiri bungrua, puanthui khawl tunhmaa subsidy a pek thin ang kha Industry Department hian a la pe chhunzawm dawn em ? tih ka zawt e.

**Pu S.HIATO, MINISTER** : Pu Deputy Speaker, zawhna 138-na chhanna chu – Mistiri bungrua, Puanthui khawl tunhmaa subsidy-a Industries Department-in a pek thin ang kha kum 2008-2009, 2009-2010 khan he scheme atan a sum ruahman a nih loh avangin mistiri bungrua leh puanthui khawl te hi pek a ni lo.

Kum 2010-2011 ah erawh chuan District hrang hrangah subsidy te hi pek chhunzawm leh a ni.

**DEPUTY SPEAKER** : Starred question no. 139-na, Pu K.Liantlianga, tih kha a ni a, a aiawh turin Pu Lalduhawma ilo sawm ang.

**Pu LALDUHOMA** : Pu Deputy Speaker, Industries changtu Minister zahawmtak chhan atan Starred question no. 139 –

- (a) Food Processing Department dinna tur a ruahmanna kal mek proposal hi Cabinet in a pawmpui tawh em ?
- (b) Food Processing Department dinna tur a draft proposal copy hi min pe thei angem ? tih a ni.

**Pu S. HIATO, MINISTER** : Pu Deputy Speaker, zawhna 139-na chhanna chu -

(a)-na Cabinet pawmpui turin Government proposal siam a la ni lo.

(b)-na, Draft proposal hi Sorkarin channel pangngai takin a la siam loh avangin draft proposal copy pek tur kan nei lova, paw ka ti hle mai.

Pu Deputy Speaker, khawngaihni, hetah hian zawh belhna a awm theih dawn avangin kan sawi phawt ang a. Chumi hnuah duh leh zawt belh sela, hemi food processing hi a hranpain Central sorkarin State tina din turin min beisei ve a. Hetia a department pawh a theih loh chuan Directorate tal hi din turin state tinte ngen an ni. Amaherawhchu Mizoramah hian Directorate emaw Department hran emaw han tih turin tunah kan sum dinhmun a harsat avangin ngaihtuah mekin a awm a. Kan Congress manifesto ah phei chuan hei hi tih tur a tih kan ni. Chu chu hria in kan MIFCO Chairman pawh hian kan Chief Minister zahawmtak hnenah hian proposal te pawh a lo siam tawh a, chung pawh chu kan enho a. Tunah hian kan harsat avangin kha kha en mekin a awm a ni. Tin, department thar han tih hian Mining te a hmingin kan han ti a, mahse, hma nasa taka han lak dawn pawn pawisa lamah harsatna kan nei a, chu chu kan harsatna ber chu a ni.

Kuminah pawh Geology & Mining ah pawh nuai sawmsarih atangin nuai sawmthum pek belh kan ni a, department hran a kan han awm takah hian in. Tunah hian nuai za in kan tan chho leh dawn a ni. ( Pu Lalduhoma a phar, zawhbelhna tur in)

**DEPUTY SPEAKER** : Zawhbelhna tur kha chhan belhna ah khan an rawn ti fel tawh emaw ka ti a. Awle, Pu Lalduhoma'n zawhbelh rawh se.

**Pu LALDUHOMA** : Pu Deputy Speaker, ni e, department thar han hawn hi chu a hautak a, han hawn pawh hian a changlung mawh hle a.

Chuvangin kan sorkar kha Food Processing Department din thuai turin kan nawr pawh ani chuang lova, amaherawhchu, Session hmasa lamah te “Department thar hawn kan tum a, cabinet-ah hei hi put luh tum ani”, a an tih avang khan eng chen nge tunah an kal tawh tih kha kan zawt mai a. Tih nghal tur hi min hrih sela, rilrua awm, tih mai loh tur kha chu min sawi hmuh lo thin se a tha in ka hria a.

Kan zawh duh a chu, a food processing hrim hrim hi kan ram development atan hian thil pawimawh tak ani dawn a, P.P.P method a kalpui tum nge ni a, Privatization a kalpui tur zawk? Food Park te pawh siam tum mek te a ni a. Eng ang nge hetilaiah hian hma kan sawn tawh dan, kan GSDP te leh kan Per Capita Income te leh employment te thleng in? Eng angin nge hei hian min rawn relief theih dawn? Sorkar hmalakna tlangpui ka'n zawt a ni.

**DEPUTY SPEAKER** : A chhang turin a changtu Minister Pu S. Hiato ilo sawm ang.

**Pu S. HIATO, MINISTER** : Pu Deputy Speaker, Food Processing Unit emaw directorate kan din tur hi a pawimawh viau ani tih hi sorkar hian a hria a. Mahse, tunah NLUP kan tan dawn a, hei hian engemaw zat thar chhuah a neih hunah chuan hei ai hian kan mamawh zual dawn a. Tunah hrih erawh chuan Central sorkarin Food Processing tur te, Mega Food Park tur te, Chief Minister-in a zuk dil angin sorkar laipuiin min rawn pe tawh a, Sub Kaul Sahai-a, Minister anih lai khan, amaherawhchu, DPR siam turin kan in ti a, zepthu a awm lova DPR tha tak a siam thiam kan lo awm lova, a hunah kan pe thei lova, Kolkatta mi te kan han ruai a, chung chuan an siam mek a, khami chung khan kan pawisa pek kha min pe thei ta lova. Tunah hian chumi nawr chhuak leh tur chuan kan ti mek a ni a, DPR pawh chak takin nawr mek a ni.

Tin, tuna kan MIFCO hi khati zawng khan lehlin mai a tha lawm ni, tih te pawh hi rawtna a awm thin a. Mahse, tuna kan dinhmunah chuan kan MIFCO ang, tunah pawh hlawh pawh kan la pek hleih theih loh kha zuk thuam belh tur chuan an tan pawh a rit lutuk ang a, pawisa a hranpa a siam anih lem loh pheih chuan chumi avanga harsatna kan tawh avanga hemi hi thleng kan ni.

**Pu LAL THANHAWLA, CHIEF MINISTER** : Department thar han hawn hi pawisa a awm loh avangin har kan ti a. Tuna kan Minister zahawmtakin a rawn sawi ang khan, MIFCO, hei kan PSU zawng zawng hi liability atan, a then pheih chu ‘White Elephant’ an ni a, chuvangin engtinngan kan tih ang tih hi kan hotuten an ngaihtuah nasa a. MIFCO bik a hi chu Simla Hills an tihte nen MOU siamin a food processing unit lam hi min enkawl sak se kan ti a, MOU an rawn draft chhin kan en mek a, chu chu an duh dawnin kan hria. A vai hian liability nen min neih sak ang a, ama'rawhchu, meat processing erawh hi chu kan chemkalna niin kan hriat loh avangin a hranpa ngaihtuah leh turin kan ti a. Food processing unit erawh hi chu an nite nen hian kal ila, MIFCO



a kan hahna Sorkar min chhawk piah lamah kan thar mek leh kan thar zel tur te, Sapthei kha hun hmasa lamah buaipui a nih angin a ching tur pawh kan hmu zo mang lova, mahse tunah chuan a hralh a tla leh dawn a, engtizawng pawhin tunah hian MOU sign turin kan inbuatsaih mek a ni.

**DEPUTY SPEAKER** : Awle, Question hour a tawp ta a. Wawiinah Pu K. Liantlinga member zahawmtak, a fanu pasal neih vangin a lo kal thei lova, Speaker chu aman a sawi ang khan CPA Conference London-a nei turin a kal a, Brig. T. Sailo a lo kal thei lo bawk a ni. Tunah chuan Financial Business kan la ang, Demand 2 kan sawi dawn a, member te pawh khan a hun kha in hre deuh dawn nia. Wawiina kan Demand lak tur hi Pu R. Lalzirliana, Minister leh Pu S. Hiato, Minister a ni a, a ruala lak leh mai kha tha kan ti em ? Pu R. Lalzirliana, Minister-in a Demand te House-ah rawn submit rawh se.

**Pu R. LALZIRLIANA, MINISTER:** Pu Deputy Speaker, on the recommendation of the Governor of Mizoram and with your permission sir, I moved that the Demand No.16, 27, 38 for rupees 654,76,59,000 only for meeting expenditure during 2011-2012 in respect of the Department Home (including Prison) – 361,75,32,000, District Councils – 180,53,27,000 Rural Development – 654,76,59,000 Total – 654,76,59,000 (six hundred fifty four crore, seventy six lakhs, fifty nine thousand) only, thank you.

**DEPUTY SPEAKER** : Tunah Pu S.Hiato, Minister zahawm takin a Demand No. 25,40,43 te hi House ah rawn submit veleh rawh se.

**Pu S.HIATO, MINISTER :** Pu Deputy Speaker, sir, on the recommendation of the Governor of Mizoram and with your permission, I move that the Demand Nos. 25, 40, 43 for ₹ 161,99,56,000 (one hundred sixty one crore, ninety nine lakhs, fifty six thousand) only for meeting expenditure during 2011-2012 in respect of the following Departments, details of the Demands – Demand No. 25 – Water Supply & Sanitation – 115,92,58,000 ; Demand No. 40 – Industries – 40,74,87,000 ; Demand No. 43 – Tourism – 5,32,11,000. Thank you, sir.

**DEPUTY SPEAKER** : Awle, tikhan kan Minister 2 ten an demand an rawn submit a, a copy kha kan nei theuh tawh a. Kan sawiho ang a, Member ten minute 10 den den ti leh mai ang aw. Tha kan ti em ? Le, tunge sawi hmasa ang, sawi tur kha chu ding vat vat ula. Nakinah khan a tawp lamah khan kan inchuh leh ang a, Pu P.P.Thawla.

**Pu P.P.THAWLA** : Pu Deputy Speaker, ka lawm e. Demand No. 16 na han sawi kai nghal ila. Mizoram State sorkara kan sipaite MRP,MAP, PSO te anmahni transfer leh posting mai bakah duty te in an zinkual nasa a, PSO te phei chu rim hlei hlei anni a. Hengho te hi ka lo hriat ve chinah chuan an TA/DA te hi an

hmu thalo hle thinin ka lo hria a. A tak tak a ni em ? Officer lian zawkte, facility tha zawk te hmang theitute chuan heng TA/DA hi an hmu regular thei tho zawk laiin. Sipaiho zawk hian an lo hmu tha thei lovin harsatna an lo tawk viau ta em tih hi kan Minister zahawm takin min lo ngaihtuah sak a, min lo enzui sak atan ka han tarlang hmasa duh a. Tin, I.R Battalion panga kan nei a, hmanni a kan ngaihtlak khan Headquarter an nei kimlo in ka hria a. Tun thlenga I.R. Bn. panga kan neih ten Hqrs. mumal nei lova an awm reng hi sum leh pai harsatna avang em ni nita ? Engnge ni a chhan ? Tin, MNF sorkar lai khan Saiha District ah I.R. Bn. Hqrs. pakhat tal dah tura kan ngen te pawh kha, a hmun hmate pawh an lo en tawh niin ka hria a. Vawiin thleng hian thawm ri va hriat ani lova, hei hi dah tum a ni ta lo em ni tun thleng a Bn. Hqrs. nei kimlo a an awm tak hi tih kha ka han sawilang leh duh a.

Tin, a dawt lehah chuan Home Guard ho kha tunah State sorkar hnuaiah hian kan hmang tangkai viauin ka hria a. Thenkhatte phe chu M.R ang lek a thawk, rim taka duty ve si te an lo ni a, thenkhat chu an service kum te a lo tawp chuan pension nei miah lo, maiparthlawn mai tur te an lo ni bawk a. An phu taw ang pension te nei thei hial turin an dinhmun hi kan siam that sak deuh thei em tih hi ka han tarlang duh a.

Tin, Pu Deputy Speaker, Lawngtlai District Jail hi function te a ni dawn tawh em ? Hei hi mi sawi ka lo hriat danin department hotute contract anih avangin an muang chang a. Chuvangin, tun thlengin function theih lohvin a awm ta reng ni tein kan lo hria a. Chu chu a dik mai palh ta em tih te ka han sawilang duh a.

Tin, District Head te hi an post transfer kual thin a ni a. Saiha district-ah ka lo hriat ve dan chuan department Officer, head of department tha deuh deuh te hi chu an awm rei lo thei khawp mai a. An transfer zung zung a, a then phe chu an tan pawh ninawm khawp hian an lo awm rei thin a tih te kha ka lo hria a. A bik takin Saiha District-a Jail Superintendent hi a awm rei hlein ka hria. Eng ang tluka tha nge thalo chu ka hre lova, ka lo hriat ve dan chuan. Sorkar hmasaah pawh vawi engemawzat ka nawr tawh a ni. Mahse, tun thlengin transfer theih lohvin a tang reng mai tih te ka lo hria a. A duh sak loh lampang vang pawh ni lovin a duh sak vang pawh a ni bawk ang a. Tin, han sawi ta mai ilangin, Staff thenkhat a hnuaia mi te chuan hrawn te pawh an hreh zia an sawi te pawh ka hre thin a. An Subordinate te pawhin leave te an la reng mai a ni tih te ka lo hria a. Hei hi tun hma chuan IG Office kan tih thin, Headquarter-a awm atan te a tha zawk lawm ni, a va awm rei tawh ve tih kha ka han tarlang duh bawk a ni.

Tin, Demand No. 27-naah kan sawi kai leh ang a, Demand 27-na Autonomous District pathumte chungchang thu tlem han sawi ka duh a. Kan hnung June ni 30 khan Peace Accord, Remna Ni vawi 25-na Silver Jubilee te kan hmang tawh a. Remna an sign lai khan ka lo hriat ve dan chuan hemi State chhunga hnam te nau zawk te ho hi ngaihsak an ni ang a. An changkan zel na tur te pawh ngaihtuah sak an ni ang tih kha ziah tel aniin ka hria. Amaherawhchu, kum 25 kan lo kal tawh a, Council te ho hianin kan inngaihdanah chuan State Sorkar duat hi kan hlawh vak lo ni tein kan inhre thin. Hei hi kan hotuten min ngaihtuah that sak deuh kan duh hle a ni. Tunah Mizoram Total Population hi 2011 census-ah chuan 10,91,014 a ni a. District

Council pathum a mi chengte hi 1,73,810 an ni. Total population atangin 15% te hi chu District pathuma mi chengte kha an niin ka hria a. Chutiang anih mek laiin Mizoram budget vaibelchhe 1700 kan pass tur atanga district council pathum te chan tur hi 3% ang vel a ni. Population thu hlaah 15% , 16% deuh thaw kan siam anih chuan he kan Plan sum hi 16% te hi district council te ho hian chang ve ta se, tun ai chuan an changtlung zawk daihin, development work te pawh, tin office administration te pawh hmun hrang hrangah tun ai chuan nasa zawkin hma an sawnin ka ring a. Chuvangin, Pu Deputy Speaker, kan Minister zahawm tak hian heng kan dinhmun heta kan auchuahpui hi ngun lehzuala min lo en sak atan ka han sawilang duh a ni.

Tin, tun laiah kan council huamchhung lamah direct funding tih ang reng te hi sawi rik a awm fova, kumin atang chuan BADP pawisa hi Council in a vai vaiin kan sem thei tawh ang ti te'n kan lo phur viau a, chutih mek laiin Council of Ministers thukhawm in a hnawl leh rih a ni tihte kan lo hria a, hei hi enggeni a dinhmun tih hi House min hrih thei sela a lawmawm hlein ka ring a ni.

Tin, Demand 38-na ah khan tunah khan housing scheme chungchang te pawh kan ngaitthla anih kha, hei BADP scheme hi border area lama cheng ho tan chuan kan lo tangkaipui em em thin a amaherawhchu, keiin ka sawi thin chu BADP atang hianin Lungdar kalkawng hi a awm tirh atanga vawiin thleng hian (kumtin deuhthaw hi a awm thin a) keimahni kutah min pe teh u, tia hotute a changtu Minister te kan han ngen viau pawhin kan hlawhtling thei ngai lova tun thleng hian. Ka bial chhungah Lungdar khaw pakhat hi motor a la thleng thei lo fo a ni. BADP sum heta thun khawm tawh zawng zawng hi chu a tam tawh viauin ka ring a ni. Chuvangin hei a hnuhnung bera BADP sum sem pawh kha K. Deposit-ah a la tang fur niin kan hria a, hengte pawh hi engtikah nge a chhuah theih ang, a supervisor turte pawhin beisei takin an lo thlir reng thin ani tih kha ka han tarlang duh baw a ni.

Tin, Pu Dy. Speaker, PHE Deptt. Demand 25-na hi chu lawmthu ka sawi duh a. Term hmasaah khan Saihaah PHE Division a awm theih ngei na turin kumtir atangin ka soal ve a, ka hlawhtlingin ka hria a. Tin, tun sorkar a lo pian veleh khan a changtu Minister in official inauguration te pawh a han nei tawh a, a lawmawm ka ti hle mai. Tin, kuminah 15<sup>th</sup> January khanin Siatlai khaw bulah khaw sarih vel intawm tur Tuisilui pump chhuah a tui sem theihna scheme kha kan Minister zahawmtakin a hawng a, lawmawm ka ti hle a, khami ni kha mumal taka hriattirna ka dawn loh avangin ka tel ve lova, mahse hriat loh avang chauh ani tih kha ka han tarlang duh a, hei hi tuna mipuite kan phur ang chiah hian chak taka hmalak chhunzawm zel nisela rei a rial hian a zuzi leh thin a, chuvang chuan chak taka hmalak ni ngei sela tih ka duh thu House-ah hian kan sawichhuak duh a ni.

Tin, Pu Dy. Speaker, Industry lamah nichina kan ngaihtlak tawh ang khan hei puanthui khawl te, mistiri bungrua te leh thil dang dangte pawh MLA hoten panga (5) te emaw quota kan lo hmu thin a, a chang chuan a thlawn liau liau te a nia a chang chuan subsidy rate te in a ni a, hetiang hi a tawp ta vang vang mai a, he sorkar tharah hian hei hi engatinge chhunzawm

anih leh loh? Tun 2011-2012 Budget kan pass tur atang hian he lampang quota hi siam leh ngei nisela a tha ka ti a, chu chu ka han tarlang duh bawka.

Tin, a dawt lehah chuan Tourism lamah, Tuipangah hianin Tourism Department ho hian quarter tha tak tak an sa a, a thawktute pawn an zo thawkhat tawh niin ka hria. Hei hi hawn anih lawk loh chuan a lo chhe vel palh anga, a lo zuzi palh ang tih a hlauhawm hlein ka hria. Chuvang chuan a hma lama hawn theih ngei nisela tih House ah hian kan sawilang duh bawka ni e, ka lawm e.

**Pu R. LALRINAWMA :** Pu Dy. Speaker ka lawm e. Demand No. 16-Home Department-ah hian kan tan anga, hei kan Home Minister chak tak leh kan House Leader zahawm tak kaihhruaina in tun Ministry-ah Dan leh Thupek kenkawhna kawnga hmasawna hi a lawmawm hlein ka hria a, Police te an lo efficient leh ta a, he House-ah ngei tun Session hun hmasa lamah khan Helho rukbo chungchangah te pawh lawmthu sawina motion te sawiho a ni tawh a. Pu Dy.Speaker, sawrkar hmasa, term hmasa maiah khan, kang hun lai kha Dan leh Thupek ken kawhnaah hian a mangan thlak hle a. Police officer rual mangang in October 2005-ah khan meeting neiin Dan keng kawh tute lo chuan tuman Dan lo lek kawh loh tur tih thuchhuah te an siam a. Tin, Ukil rualte an mangang bawka a, December 2005 ah Mizoram Bar Association chuan “Dan bawhchhetute sawrkarin Dan angin hrem rawh se”, ti tein thu chhuah anlo siam a, khatiang khan Dan mumal lo takin sawrkar hmasa huna awm kha tunah chuan mumal takin a lo awm chho ta a, Police te pawh an efficient a, lawmthu tam tak sawi tur a awm a, kan sawi seng lo anga. Dan ang taka sawrkar a kal a, tin, Pu Dy. Speaker, Dan bawhchhetute an Dan bawhchhiat anga hrem an nih te hi a tul a, chumi tur chuan mi tam takin Dan bawhchhetu, thil ti sual ni a kan hriat te an han man a, awlsam takin anlo chhuak leh mai thin tih te, sawrkar demna te leh court lampang te mawhpuh lek lek nate a awm thin a, hengah hian Dan anga hrem tur chuan Dan anga kalpui a ngai si a. Pu Dy. Speaker i hriat angin Police ten Dan bawhchhetute an han chhui a, an han man a, chungah chuan hrem tur chuan Court-ah an rawn thlena ngai a, Dan zawh tur tam tak an neia, kangah khan Court alo thlen hian kan Police fel tak tak ten tha taka an tih laiin thenkhat experience nei vak lo ten lo tih ve chang an neih hian Court-in Dan anga lo hrem kha a har ta thin a. Chuvangchuan prosecution hi tih chak a ngai khawp mai a, Directorate of Prosecution din hi a tul hle mai a, Pu Dy.Speaker i phalna in, Court of Criminal Procedure Amendment Act, 2005 hian State tina Directorate of Prosecution din tura tihna Amendment ah alo lang nghe nghe a. Tahchuan Directorate of Prosecution-ah chuan Pu Dy.Speaker i phalna in Section – 25- A, Clause – II hi kan chhiar lawk ang e. ‘A person shall be eligible to be appointed as a Director of Prosecution or a Dy.Director of Prosecution only if he has been in practice as an advocate for not less than 10 years and such appointment shall be made with the concurrence of the Chief Justice of the High Court’. Tin, Head of the Directorate of Prosecution kha, who shall function under the administrative control of the Head of the Home Department, tih a ni a, chutiang chuan Home Department hnuaiah Directorate of Prosecution din hi kan ramin a mamawh chho tawh a ni. Dan bawhchhetute hrem turin, Dan chuan misual ni a kan puh te hrem tur chuan an Dan bawhchhiatnate rinhlehna awm lo a finfiahna a ngai si a, chuvangchuan eng emaw mumal lo taka puhna/chargesheet te an rawn thehluhin, kangah khan rinhlehna alo

awm chuan Dan anga hrem theih an ni thin lo a ni, chu chu kan hriat a pawimawhin ka hria a. Tin, misual te, thiltisual te, dan bawhchhia te, Dan anga hrem tur hian mipuite pawh hian mawhphurhna kan nei a. Dan bawhchhetute a nihna anga hrem turin rinhlehna awm miah lova finfiahna a ngai a, chumi tur chuan thuhretute an ngai thin a. Mizote hi kan han pawr hluai a, a tirah chuan kan thu hriatte kan han vung pui viau a Dan anga a han kal chhoh hian a rei deuh a, thuhretute, witness-te hi Court-ah te hian kan kal tha leh peih lova, tin, Court-a kan thuhriatte chianguang lo taka kan sawi te hian Court tan Dan bawhchhetute ngeia kan hriatte pawh kha hrem ngawt theih a ni lova, Criminal Principle-ah chuan Dan bawhchhetu ni lo, misual nilo, innocent hi hrem an hlau em em a. Mifel pakhat hrem palh ai chuan misual 99 chhuah hi an duh zawk a ni. Chutiang khawp chuan, misual lo mifel innocent hi lo hrem palh hi Dan in a hlau em em a. Chuvang chuan hemi kawnga Dan leh thupekah te kan kal that mek lai hian Dan bawhchhetute anihna anga kan hrem theihna turin Directorate of Prosecution kan din chhoh hi kan ram hmabak a ni, tun rum rumah tih theih ni lo mahse, hei hi kan Minister pawhin min lo chhinchiah sak se ka duh khawp mai.

Tin, Pu Deputy Speaker, Fire & Emergency Service-ah hian hei tihchangtlun chhoh a ni a, tihphuisui chhoh a ni te hi a lawmawm a. Aizawl Nort-I tih lam pang te, East-I tih lampangah te sawn Thuampui Vengah Fire Sub-Station te saw a awmna hmun tur kan nei a ni kan ti a, Municipal Council hotute nen pawh a hmun tur te kan lo en ho ringawt tawh a, hengahte hian Fire Sub-Station hi awm thei se chu a remchang viauva. Traffic buaia heng Fire Motor han tang vel buai awm lo tur hian a lawmawm hlein ka ring a.

Tin, Demand No. 38 - Rural Development-ah hian hmalakna te a nasa a, Rangva sem te, nichinlawkah te pawh kan sawi a. Miharsa, miretheite tan a lawmawm em em a, hengte ni 100 inhlawhna kan tih mai NREGS thataka kal pui chhoh zel a ni te hi thingtlang mipuite tan a hlu em em a. Social Education hnuaiyah eng eng emaw Community Hall sak tih te, heng angte a awm chho a, hengte hi tunhma te khan rural area ni lo, khawpui chhungah te hian hma lak zauh zauh a ni thin a. Tunah chuan Urban leh Rural hi kan thliar fel deuh ta bawk a. Municipal Council te an awm a, chuvang chuan hengah hian Social Education Scheme hnuaiyah pawh hian Rural area huamchhunga awm te hian beiseina sang tak kan nei chho ani tih hi kan sawilang tel duh bawk a.

Tin, Demand No. 25-na Water Supply & Sanitation tihah hian Pu Deputy Speaker, nimin lamah ka zawhna House-a chhan hman a ni lova, Greater Aizawl Water Supply Scheme Phase II tun sorkarah hian enge hmasawna awm? tih chhanna ziaka minrawn pekah hian, hmasawna a nasa hle mai a, a lawmawm ka ti a. Sorkar hmasa lamah he Water Supply Scheme Phase II hi sawpchhiat a ni a. Contractor ten hna an thawk duh tawh lova, tawite Electric connection khawl pump tihnunna tur mai pawh ti duh lovin tikhan kawhmawh an bawl a. He Sorkar thar hian kan Minister chaktakin huaisen takin contractor te chu an ban a, High Court lamah te an khing a, amaherawhchu Sorkarin thiam a chang ta a. Tichuan, tunah hma an han la chho a, Durtlang-ah te pawh tui pe tura hmalakna-ah T.V Centre tlangah te pump chhuah alo ni ta a. Khing khi a chhak leh deuh Sihphir lamah te khian kan beiseina a rei tawh hle mai a, 'a hranpa in tui pump hi min reh sak teh u' kan tih in 'Phase-II in a huam che u' tih kan ni thin a. Tin, Sintex sem tura ruahman a ni a, an dawng dawn emaw kan tiha

kan lawm hle rualin 'Phase-II in a huam che u a, hetah chuan sem theih a nilo' an ti leh a. Hei, work programme te kan han en a, Sihphir lampangte chu a lo lang leh ta lova, Pu Deputy Speaker, minute khat lek. Hengte hi kan Sorkar chaktakah, kan Minister chaktak hmalakna hnuaiiah hian Phase-II tepawh Sihphir lam te thleng chho ngei turin leh hma min laksak turin leh Zemabawk lampang te saw a pipe line saw a te deuh a, sawngte pawh saw pipe line liana min thlaksak te kha min chhinchhiah sak turin ka'n duh a.

A tawp berah chuan Demand No.43 – Tourism hmalakna hi ka bial chhung Sakawrhmutuai tlang, tlang hmingthang tak ani a, khita tang khian thui tak a lang thei a, Cachar phai tepawh. Khing khi Tourism Department-in hma min lak sak rawh u tiin Minister zahawmtak hnenah pawh hian ka sawi thin a. Tunah hma an la tan mek a, an han en tawh a Department te pawhin, an chungah lawmthu ka'n sawi duh bawk a ni. Ka lawm e.

**DEPUTY SPEAKER** : Pu R. L. Pianmawia ilo ko ang.

**Pu R.L. PIANMAWIA** : Pu Deputy Speaker, ka lawm e. Demand No. 16 Home-ah hian ka'n tan duh a, kan Demand han thlir khan kan bial tan pawh lawmthu han sawi nghalna tur kha a awmin ka hria a. Police Department a kan sawi fo tawh, Zohmun khua-a BOP fur tuarna tlak loh inchhia siam tur kha budget-ah hian pawisa tamtak ruahman a awm a, heta tang hian siamthat theih ve ngeiin ka'n ring a. Tin, hei bakah Darlawn Khumlohrawl hmuna company headquarter tur kan sawi chhen te pawh kha heng pawisa kan pass tur atang hian a tih theih rinna ka neih avang hian a lawmawm hle in ka hre mai a. Tin, Police Outpost-a petrol an thlakhat quota pek thin hi litre 40/50 te a ni a, Aizawl vawi khat an lo kal nan haw lam kal lamah a zo nghal titih thin a, hnathawk tura kan lo beiseina ang chi kha harsatna tamtak a awm thin a. Chumi tih rehna tur pawh chuan hemi budget-a sum leh pai han thlir hian a lang tel vekin ka hria a, lawmthu ka sawi duh bawk a.

Tin, hmanrua tha zawk tur, machinery equipment atan pawh pawisa engemaw zat a awm a, hengte avangte hian lawmthu ka'n sawi nghal chawt mai a ni tih ka sawi duh a. Tin, Home Guard lam enkawl na turah tepawh tih tak takin kan ti chho zel a ni tih a lanna tamtakin kan hmu chho zel a ni tih ka hria a, a lawmawm ka ti a, chu chu lawmthu sawina lampang chu nisela. Tlema han duhthawhna kawng erawh chu Secret Service Expenditure atan hian tun aia tam hi dah theih nise chu a tha awm mang e aw tih kha ka ngaihtuah a, Secret Service Expenditure atang hian kan mawi leh mawilohna thui tak a inngatin ka hria a, heta tana sum dah hi R.E.ah te pawh la tih belhdan awmse chu a that ka ring khawp mai a, chu chu kan sawilang tel duh a. Tin, kum 2009 a Platoon Course-a awm hote Sorkar hmasa khanin mi 25 seniority in Havilder kha S.I.-ah a kaisan tir a, tichuan a bak mi 17 la awmte hi tun kan Sorkar thar chak tak hianin Havildar atang hianin S.I.ah seniority bawk hian kaisan tir ve leh selang chuanin, a hma amite tih ai hian a tlem hret na a, a lawmawm hle dawn ani tih kha, a la bang ho tan hian a rinawm a. Chuvangin hemi chungchangah DPC ti lova, a hmaah pawh sehiority a an lo tih theih chuan tunah pawh hian DPC kaltlang kherlo a, seniority a dah chhoh mai hi

an lo thawhtawh dan thlirin a duhawm awm mange tih ka'n sawilang tel duh a.

Tin, Demand No. 38-ah R.D. ah, R.D. hi thingtlang lam bialtu tan chuan kan hmathlirna tak tak a ni a, chuvangin mirethei kut hnathawktute chawikanna tura programme pawimawh tak tak kengkawh tute an ni a. Tun tunah pawh hian IWDP-ah te. IWMP-ah te, GSY, IAY, NREGS tih te, Social Education kan tihah te, rangva sem tih ang chi atana sum dah han thlir hian a lawmawm hlein ka hria a, duhtusam chu la nilo mahsela, thingtlanga miharsate, hriatna atana sum harsa tak chungah heti zat a hrang hranga min la dah theih avang hian lawmawm ka ti a. Amaherawhchu, a bik takin Social Education atan erawh hi chuan tih tam chhoh deuh deuh turah pawh a No. 1 atan a thlanawm hle ani tih kan sawilang tel duh a. A chhan chu thingtlang khaw hrang hrang tan Hall te, Zunin te, NGO hrang hrangte mamawh Library kan tih te building hrang hrang tih theihna hmanrua anih avang hian kan thlahlel tak zet ani tih kan sawilang tel duh a.

Tin, IAY bik hi kan sawilan tel duh a chu tunah hian Saitualte, Thingsulte, Sairang te, Darlawn ang te hi IAY lamah hian chang tam duh dawn pawh ni ila, min chantam tir duh pawh nisela a theihloh ani. A chhan chu BPL census-ah telh loh a ni a. UD & PA hnuai atanga District Headquarter a In mirethei tana an sak teuh teuh te hi chilthlita duah duahin kan lo thlir thin a, hemiah hian kan telve thei silova, IAY pangngai a hi kan chan theih tawk ani mai bawk si a, District Headquarter te lah chu engtik khawtikah mah kan nih hmel si lova, chuvang chuan BPL census a telh loh kan nih avanga tih leh theih dan Central lama nawrchhuah dan hi a awm a rinawm a. Tunah chuan Secretary thar kan nei leh tawh bawk a, pension mai tur ai chuan la pension mai lo tur chuanin Delhi tlanga nawr dan tur chu a ngaihtuah peih deuh ang chu maw ka'n ti thla rawk a. Chuvang chuan, hemi kawngah pawh hian hma lak deuh chu ni thei ta se la. Hengho tan hian hma nasa takin lak theih a ni dawn a ni tih ka sawi duh a. Tin, State matching share hi duh anga kan pek hma theih loh thin avang hian harsatna kan tawk nasa em em a. Mirethei tena kan chhawr em em kawng hrang hrangte pawh hi hemi avang hian kan tlai phah thin a, kan hmu that loh phah thin a. A paw em em a. Chuvangin, hemi chungchangah hian chak leh zuala hma lak theih ni ta se a duhawm ka ti a.

Tin, Demand No. 25-na PHE chungchangah hian PHE Department hi kan bial tanah chuan an ti lawmawm hle mai a. Minister leh a thawktute hi lawmthu sawi nana an bianga han fawh chawk chawk hi chakawm tak a ni. Hna an thawk tha hle a ni tih kha ka sawi duh a. Chuvangin, hetiang khawpa min thawhsaktute an nih avang hian a lawmawm ka ti a. Amaherawhchu, hmabak erawh chu a la awm a. Mihring kan ni a, la dam ve zel tur kan nih a rinawm a. Zohmun khua atana tuizem min siamsak tur ang chi te kha Budget bu vel te kan en a khatiang lampang hawi awm kha ka hmu thiam lova. Ka mit a vai emaw ni dawn ni ka ti a, innuai pawhin ka hmu si lova. Kha kha telh chi a ni lo nge ni? Ka hrethiam lova.

Pu Deputy Speaker, min pek belh teuh la ka'n dil che a ni. Tichuan, Darlawn khian tui a kham tawh lova. Chuvangin, augmentation scheme te min buatsaihsak rawh u te kan ti a. Khangte pawh kha min tih puitlinsak a va duhawm em! Tin, kan scheme lian ve ber, a tlangdung huapin Tuivawl tui Kepran Tlanga pump chhoh a, Khawruhlian atanga New Vervek thlenga chawm thei tur scheme pui tham deuh hlek min buatsaihsak rawh u kan tiha te pawh kha enge ni kan thlen chin tawh a,

khangte kha min tih puitlinsak phei chuanin kokia chhuan vaw vaw tlak in ni dawn tih ka'n sawi lang tel duh bawk a.

Tin, 43-na Tourism lamah khan, Tourist Lodge te kan nei ve thliah thliah a. A kawng lampang enkawlna tur, kawng siamna tur hi a awm thei lova. Chuvangin, ralkhata kan lo hriat ve dan chuan kawng siamna tur te pawh hi kan sorkar thar hian ngaihtuah dan in hre tawh ni awmin kan hre deuh hlek a. Chungte pawh chu kan bialah kan nei ve a. Khing kawngte pawh hi blacktop-a min siam sak turin ka'n ngen che u a.

Tin, Industry lamah a hmaa mite pawhin an sawi tawh kha, Silpouline Pu Nihara'n quota a sem a, kan lawm tlang ang khan khawl leh mistiri bungrua tih ang vel kha han sem ve diat diat ni ta se la chuan a lawmawm ngawt ang tih ka'n sawi duh a ni. Chu chu ni mai se la, ka lawm e.

**DEPUTY SPEAKER** : Pu Lalduhoma ilo ko ang.

**Pu LALDUHOMA** : Pu Deputy Speaker, Industry atang hian ka'n tan duh a. Hei Economic Survey 2011 atanga kan lo hmuh dan hian kum 2009 thlengin Handloom hi unit 750 neiin an hnuaiah hian mi 4700 velin eizawna an lo nei ve tawh a, tin, Weaving and Handloom Society kan tih hi 182 lai a awm bawk niin a lang a. Handloom Training Centre 3 kan nei a, heta tanga kan training chhuah te hi Indian Handloom hnuaia zir chhuak an ni a, Indian Handloom hi kan hmang mang silova Burma Handloom, Modified Zoloom kan tih hi a tha zawk daih a, an puan tah chhuah pawh a quality a tha zawk fe a, a market pawh a tha zawk a. Chu chu kan hman avangin kan handloom ah hian Mizo te hi chhawr hleih theih an ni tlat lo mai a, chuvang chuan, khawchhak lampang mi hnamdang an chhawr a ngai teuh mai tih hi kan hria in ka ring a. Tun hma deuh kha chuan North East pumpui a Handloom market hi Mizoram hian a capture fel der tawh a ni, ram pawn a an thawn chhuah te hi crore 5 te a lo tling ve tawh a, kum khatah.

Khatianga kan ram development atana beiseiawm tak a nih lai khan vanduaithlak takin Vancy Hotel-ah khan pawngsual a lo awm a, khatah khan a puan tahtute kha hnawhchhuah an lo ni ta vak mai a, tin, a Zoloom nen lam khan kan hnawhchhuahho te kha Manipur lamah an trip phei ta vak mai a, chuta tang chuan set back nasa tak a thleng a, tunah hian State pawn a kan dehchhuah hi crore 3 pawh a tling leh tawh mang lova, kan tlak hniam phah em em a ni tih hi a chiang a. Chuvangin, tun thleng hian a khat tawkin Kawl ho hi kan um darh reng mai a, Mizoram a awm hi nuam an ti miah lova ni. Foreigners te hnawhchhuah kan ti anih pawhin kan ram economy atana pawimawh tak mi tam tak eizawna siamtu ani tih hi hria a Sorkar te, Police te, NGO te pawhin hemi sector a hnathawktute hi chu ngaihnathiamna thui tak kan neih hi pawimawh ka ti hle mai a, chu chu kan rama employment kan generate-na tur leh sum kan lak luhna tur pawimawh tak anih avangin thahnem ngai takin kan rawt duh a ni.



Tin, Geology & Mining hi kan sawi thin a Department thar a ni a, a la changtlung lo hle a. Thudik la ding reng mai chu sum hi an rawn chhunglut tha em em mai a ni, kum engemaw zat kalta atanga an rawn chhunluh en hian crore 10 chuang hi an chhung lut tawh a ni, nakin deuhah pheih chuan kan ram revenue source tha ber tur a la ni mai thei a. Amaherawhchu, kumin a budget allocation kan han pek hi chu han en ila a tlem em em mai a, a changtu Minister pawh hi a lawm vak lovin kan ring deuh a, kan nawr pui deuh a ni. Tunah drilling operation te an han ti tan chhova, exploration te pawh kan hnaih ve tawh in a lang a, khatiang a lo nih chuan royalty ah tam lehzuah kan hmu dawn a, a han tih velna turin motor fahran pawh kan nei lova, kan thum lo lutuk hi a pawh ka ti a. Kan ram leihnuai hausakna hi nakin deuh a haichhuah tur a ni tih, tute emaw mihlim hote hian an sawi an sawi ve a, mikhuah kuta dah chi hi ani ngang lo emaw ni ka ti a, heti em em a kan hlam chhiah hi. Tin, exploration kan tih tak tak hunah hi chuan hnamdang vek kan chhawr dawn tih hi ka chiang a. Pu Deputy Speaker, mi 2000 emaw vel tal semi – skilled, high skilled te pawh lo training lawk te pawh hi a ngai lutuk a ni. Inpuahchah na kan neih lova, hnamdang an rawn luh hum hum chuan Sorkar tho tho hi mipui in min mawhpuh tur chu kan ni, churang chuan tun atanga hma kan lo lak hi a tha a, tualchhung mi kan theih ang ang training kan lo pek te a ngai a. Heng te avang hian he Department thar hi Sorkar in sum tam zawk peih hei ai hian ngaihsak zawk se tih hi ka'n sawi duh a.

Tin, Lungalhthei (coal) hi kan State quota hi engemaw zat a awm ve reng tih kan hria a, hengte hian kan ram leilung hi a rawn dai lo niin kan hria a ni. Engzah te nge kan quota hi ni a? Engzah te nge kan lift? Engzah ten nge kan hralh? (Kan hralh a nih chuan) Engzah nge sum kan hmuh? Chu sum chu khawiah nge a luh tih te thleng hian nakinah wind-up naah min rawn hrilhfiyah thei se ka duh a ni.

Tin, Tourism-ah hian kan kal leh ang a. Hei economic survey ah bawh khan a lo lang a. 2009 – 2010 inkarah hian Domestic Tourist hi 57639 kan hmu a, Foreign tourist-ah 675 chauh kan nei a ni. Eng vang nge kan tih chuan an tan rawn kal a chakawm loh a, ralmuanna te nei mah ila, an chenna tur tha te a awm lova, an duh zawng chaw te kan la siam thiam lova. CSS 100% funding te pawhin hei Tourist circuit and destination te pawh kan han siam a, sum lam hi chu min pe mai thei zel in a lang a. Tunah hian kan Sorkar hian tour operator 3 - Serow Tours & Travels tih leh Blue Bell Tour & Travels tih leh 3 Dimensions tih te hi a thawhpui mek niin ka hria a, hengte hi eng ang a tangkai nge kan tan an nih? Engnge kan thawh ho dan thuthlung te hi? Sum te kan seng em? Engzah nge? A man em? tih te kan hrechiang duh a. Tin, State Institute of Hotel Management, Bungbangla a kan neih saw, hei pawh hi Ministry of Tourism atanga funding kan hmuh ani a, Diploma course-te, Degree course-te la neih theih ve na tur ani a. Engtikah nge a puitlin ang? A va nghah hlelh awm ve maw le! Hengte hi employment generate tu tur a nih avangin. Tuna kan dinhmun eng nge ni a? A function theih hun tur engtik nge ni ang? tih te hriat a chakawm in ka hria a. Tin, Tuirial-ah khuan Aerosport sawi ani ve thin a Pu Deputy Speaker, para- gliding atan te, power hang glider atan te leh hot air balloon atan te khan sawi rik ve ani a, tunah khu chuan eng atan mah kan hmang lo ni te hian a lang a, nula leh

tlangval bike nen hian an zuk kal leh ngawt thin ani deuh mai a. Hmun kan nei tha a, foreign pilot te pawhin an rawn test tawh a, laktlak ani an ti niin ka hria a, heng te hi kan thalai te tan pawimawh tak ani a, kan Youth Commission te pawn an ngaihven tur a niin ka hria a. Pu Deputy Speaker, Youth Commission Budget tur lah kha nimin khan hei kan tih hmaih te kha an ti mai mai a, kan thalai te hian kawng an zawh mai ang tih ka hlau a, an ngaihsak lo lutuk a, chuvang in heng ang aero-sport leh a dangte hi Mizo nula tlangvalte thiam zawng tak tur ani a, an phur hle ang ka ring, eizawn nan, Sport-a kal chhoh zel nan te pawh an hmang thei in ka ring a, hei hi chak takin min han kalpui se, hmalakna te pawh min han hriattir thei se ka duh a.

Tin, NEC Project, hman nia kan sawrkarin priority list a theh luh Zanlawn vel an thlen a an kohkir leh tak a kha, an theh luh leh te pawh kha a copy kan nei ve zela, Tourism lam hawi kha pakhat chiah a awm ani. Vantawngkhawthla Project tih chiah a awm a. Kan CM zahawm tak hoin Tourism Board din ani a,keini pawh memberah min dah ve a, kan phur teh reng nen, priority DPR thehluh zingah pakhat chiah a tel ve a, kohkir leh hma kha chuan mimal ta an awm ve a, mahse drop ani leh tawh a tunah chuan. Khatianga mi ram nei tha Hotel industry-a kal tum te pawh kan pui duh lova kan drop zel anih chuan engtin nge maw Hotel Industry-ah, Tourism-ah te hma kan sawn theih ang le? Chuvang in a paw hle in ka hre mai a. Hemi kan Project pawimawh zingah Tourism lam pakhat chauh mai kan han ti hi, Tourism a kan hmasawn na tur hi kan ngaihtuah tawk lo niin ka hria ani.

Tin, Tourism Board hi nikuma din a ni a vawkhat chiah ka la thu a, Krismas hmam i thu leh ang aw, kan ti a, kan phur em em a, a reh leh vang vang mai a, hei pawh hi Nghavawk theihngihl ang deuh bawk kha ani leh tawh ani. Kum khat a vawikhat te kan thut chuanin thui hi kan thleng lovang, nakum ani a, kumleh inthlan ani leh tawh mai a, khalam pang sawi chuan thenkhat kan lung a leng dawn tlat zel a, sawi lo mai ang. Kan Draft Tourism Policy te kha la approve loh ani a, uluk taka la thlir ho pawh ala awm lova, abul kan tan a, Master plan te pawh siam angai a, Consultant ruai tur te pawh in mi tu tu te emaw tirh chhuah niin ka hria a, Farm pawimawh tak tak te pawh an zu dawr niin ka hria a, kan ngawihsan leh vang vang chuan kan tirh a te tan pawh khan a zahthlak dawn, a kal te pawh kha an phur lovang tih te pawh a hlauhawm a, chuvangin hei ang lo deuh hian Tourism-ah hian i kal ang u, kan ram potential kan neih that em em na ani a, ram dang laka kan in show ve theih na te pawh anih avangin hei hi chu tih tak taka kan beih tlan a tul hle in ka hria ani.

Tin, Handicraft lam hi kan sawi leh daih ang a, industry kan tih neuh neuh reng reng hi tunah hian register unit hi eng zat nge kan neih a, in register lem lo te hi engzat nge kan neih tih te kan hre duh a. Tin, Bamboo chipping unit pakua kan nei ka tih ve fo te hi an function em? eizawn nan an hmang tak tak em? tih te hriat a chakawm bawkin ka hria a.

Tin, Water Supply-ah hian, hei road cutting hi angai lo thei lova, connection han tih dawn hian, hman nia ka sawi ang kha ani a, mimal ten a repair leh na tur kan thawh zel a, min chawi tir ziah bawk si a, PHE Department hian kha mi sum kha thildang atan in hmang mai mai ta nge ni a, engati nge ni repair lohva veng tinah a awm mai le? Kawngpui tha lai kan lai chat a, a kum a kumin siam leh lohvin a awm a, a siamna tur sum sorkar in kan neilo tih theih a nilo. Mimalin a sum chu kan

pe vek a ni. Chuvangin hengte pawh hi a Department mawhphurhna a nihna lai thui tak a awmin ka hria a.

Tin, ka bial chhung kan lut ve lawk anga, Central Jail ah Hand pump kan dil ve a. Hand pump kumkhat chhungin kanin dil chhuak thei lova. Session ah te kan sawi a. Hand pump te ringawt te hi chu min pe ve thui thui tawh teh u, private connection te pawh kan la ti ve thei silova. Central jail ah khuan kan mamawh a, min endik sak vek tawh a. Kan kual kan kual, he lamah a office lamah te, Zuangtui lamah te, kan khawtlang hruiute pawh an vir kual hah tawh khawp mai a. Hei hi chu kan minister in min lo hriat sak hram hram se atha ka ti a.

Tin, Sairang water supply scheme central a thehluk kha a rei ta hle mai. Khulai area zawng zawng tana rintlak tur, scheme lian deuh hlek kha a ni a. Hei hi tun dinhmunah hian enge a thlen chin tih kan hre duh a.

Pu Deputy Speaker, a tawp nan Home-ah hian kan kai zawk anga. PTC, Thenzawl bawh hi sorkar hmasain vaibelchhia 31 hmanga tihpuitlin tura tih kha a ni a. Hetah hian Quarter 360, School 3, Barrack 20, Golf course 1, Auditorium 1, Lecture Hall, Computer Hall, Swimming Pool 2, Tennis Court 2, Club, Hostel, Guest House tih zawng zawng hi tih tur ania. A eng a bar mah a awm lova, tisawn kan in hnawh pheii ta chu a ni a. sorkar hmasa khan thui tak mawh an phur ang tih ka ring a. Hemi 31 crore hian engchen nge a daih dawn ? Estimate ang hian kan zo thei dawn em? Nge revise a ngai dawn, nge revise a ni tawh zawk? Engtingge a hna hrim hrim a hi a kal ? PTC tha tak leh changlung tak kan nei dawn em ? tih kan hre duh a.

Tin, sawlaia training a va kal ten thlatin cheng 70 an hlawh atangin electric bill an chawi thin tih te sawi a ni a. Engatinge trainee tena electric bill te an pek ve tak zel mai? Hei hi tihdan ngai a ni em mawni le? Enge a awmzia? tihte pawh hriat a tha hle in ka hria a.

Tin, Zokhawsang hi kan sawi fova, Assam Rifle te hianin quarterly report an pe lut tur ani tih a ni a. Kan sorkar hian engchen nge a hriatpui ? A hun dik takah an insawn thei dawn em tih te a tawp nan kan hmang duh a ni. Ka lawm e.

**DEPUTY SPEAKER** : Pu Lalthansanga ilo sawm ang.

**Pu LALTHANSANGA** : Pu Deputy Speaker, hei nikum tun ang hunah bawh khanin i chair-na hnuaiah kan Home Minister Demand leh Kan PHE Minister Demand te, Pu Zira Demand te kan han sawi kha a ni a. Kuminah kan han sawi leh chiah mai a. Nikum nen khan a inang mange aw ka ti a. A hmasa berin demand no 16 hi hmannah khan Pu Deputy speaker, ka'n phar ve thina min rawn en tawh mang silova, ka sawi ve ta lova, Police te chawimawi tih a kha chawimawi phu te chawmawi te, lawmte lawmpui hi Mizo hian kan ze tharah hian awm se a tha in ka hria a, a lawmawm hle in ka hria a. Amaherawhchu, hetia kan ram chhungah hian kan ram mi leh kan ram mi ni lovin buaina an rawn siam ziah mai hi engeni a chhan tih laia kha a ni a. Kan Home Minister hian halpuah hal a tih khan kan hal vak mai a, hal loh tur a tih khan kan hal lo leh mai a, Mizo mipui hi chuan a thu hi chu kan awih a ni.

Engatinge ram dang atang hian a thu hi kan awih vak loh aw, tih ka rilruah a awm deuh hlek a, keini Legislators ho hi kan tanho hle ngaiin ka hria a.

Hei kan ramri chungchangah te pawh hian, Boundary Commissione kan han din leh ta niin ka hria a. Tin, keimahni ram chhung a kan ngaih, Vairengte ram chhungah te pawh in an rawn sa leh thluah tawh mai a. Khami chungchangah khan District Collector level ah te, D.C. level ah te pawh khan sawi a ni a. Assam inthlan zawhah chhonzawm ni se, tihte pawh an han sawi a. Hei, inthlan te a zo tawh a, engtinge an sawi aw? tihte kha Pu Deputy Speaker, kan sawi duh deuh hlek a. Hemi chhungah phei hi chuan kan Congress unaute nen hian 1994 vel a kan han thawhho khan khutilai ramri buaiyah khuan nasa takin kan zuk inbei viau mai a. 1994 February ni 6 khan buaina kan han nei a, Chief Secretary level ah khan 1994 February ni 15 ah khan sawi a ni ta a. Khami an han sawi viau hnuah khan Chief Minister level ah khan sawi nise tiin May ni 31, 1994-ah khan ruat a ni chhin ta a. Kha kha Nghavawk dah sawi ang maiin a reh ta vung vung mai a. Khatih lai khan policy pawh thuhmunin, induh tawnin kan thawhho lai a ni a. In partner te tan hian lehlamah chuan a hrilhhaithlak hlein ka hria a, Kan thawhhona rahah te pawh khan boundary fel tak kan nei dawn tih laiin Nghavawk dah ang khan a reh ta vung vung a. Khatiangte pawh kha chhonzawm theih nite pawhin ka'n ngai deuh hlek a. Vawiin nia hetia Boundary Commission kan han din thar leh takah chuan Pu Deputy Speaker, heti lampang te pawh hi kan ngaihtuahnaah han kal deuh sela. Hetiang vang hi emaw ni, keimahni ram chhung ni chiah lo a mi te leh keimahni ram chhung a lawi tha duh loten min rawn tibuai fo mai te hi rilruah a awm a. Hei hian keimahni internal security hi a insecure tir a ni tih hi vawiin niah kan hriat tlan a tha hle a ni tihte kan sawi duh a.

Hei, Police te kan thuam tha e, kan han tih hian modernization scheme atang chauh mai hian kan han thuam tha thin a. Kan police te hi kan chawimawi tak tak a nih chuan kan Plan Fund atang pawh hian anmahni thuam thatna turte pawh hi dah ve ila. Hetilaia kan dah lo lutuk hi kan police te hi an intelligency-ah te hian an chak ta lo emaw ni, an security system te hi a that loh phah emaw ni tih tur te, tin, chu bakah chuan kan police te pawh hi ASI te, SI te pawh, an luh tirth atang a an post ngaia awm hi tam tak an awm a. Vawiin niah hian training te leh exam te, an tan a tih ve rem lo, kum tam tak post ngaia lo awm tawhte tan hian promotion, an service seniority atang te pawha pek ni ve thei se a tha hlein ka ring a. Hemite hi kan politic zia leh kan Mizo zia hre tak tak te an nih avang hian duhsakna awm ve deuh se, tihte kan sawi duh a. 13<sup>th</sup> Commission hian a recommend naah hi chuanin ₹ 20 crore lai hi Fire & Emergancy-ah hian a ti a, Aizawl hmun hrang hrangah te hian hemi hi han dah tum a ni a. ITI Venga han dah an tum te pawh khu engnge ni a buaina aw? Khu khu buai lova chinfel theih nisela vawiinniah hian. Y.M.A leh a Local Bodies te khu an in tai deuh tih te ka lo hria a. Tin, chubakah chuanin 13<sup>th</sup> Finance Commission in a rawn recommend tho mai, hemi Police Outpost leh Station te border area a mi tih that tur tihah khanin, hei kan Home Minister zahawm tak hi Pu Deputy Speaker, hmanni a ka bial a a kal pawhin a hmunah te a han en a, a lawmawm in ka hria a, hei hi tih ngei turah te pawh ka ngai a, min han sawi sak niin ka hria a, a chungah pawh kan lawm tak meuh meuh a, bial mipui aiawh pawhin a chungah hian lawmthu ka'n sawi duh a. Chumiah chuan Vanlaiphai, tuna Police Quarter vel khi 1982-ah P.C sorkar laia sak kha a ni a, tichuan MNF sorkarin 2007-ah sak leh a ni a, kan Congress sorkar sulhnu hi kan duh ve hle mai a, hmanhmawh deuhvin min han tih ve ula tih kha ka'n thlen duh a ni.

Tin, Rural Development ah hian ka'n lut leh ang a Pu Deputy Speaker, a tam vak lova hun hi; thin a, mahse, kan Speaker hian min pe tam deuh thin a, kan thenawmpa i ni bawk a min pe tam ve deuh turah ka'n ngai deuhva. Rural Development hi kan ramah hian a pawimawh em em mai a. Hemi NREGS tih te pawh hi hei tunah hianin in hlawh na hi, ni za inhlawhna kan tih mai, hming tam tak nei a hi vawiinniah hianin mipui hian inhlawhna an han nei lova, inthlan dawn avanga inhlawh emaw ni aw tih tur lek lek te hianin vawiinniah ngaihnan te pawh hi an awm a. Hemi atan te pawh hian pawisa hi 2010-2011 ah hianin ₹ 32.23 lakh hi a awm a. Matching share te pawh hi pek vek tawh ni si a hi, hetiang ang te pawh hi a hun taka an thawh loh avangin mipui hi an mangang em em a. Hetiang ang te pawh hi tun aia tha zawk a kalpui te pawh hi ni se tih hi ka'n sawi duh a.

Tin, IWDP kan han tih hemi scheme te pawh hi 2010-ah khan project 52 lai kan han nei a, chutiang angah te pawh chuanin central hianin cheng nuai sanghnih zahnih sawmkua pahnih hi min han pe a, State Matching Share pawh hi cheng nuai zahnih sawmruk pakhat lai hi kan han nei a. Tin, chubakah chuan IWMP Scheme te pawh hi a rawn awm chho a, he project atan pawh hian pawisa hi dah ani hmem hle mai a, nuai singriat sangli zahnih pariat lai hi kan han nei ta a ni a. Hetiang ang atan pawh hian project hi 170 an han dah a, chumi ah te pawh chuan 16 te pawh hi tunah hian alo kal ta a. He project hi Projective and Strategic Plan angin an han kalpui a. Hetiang ang khawp a pawisa tamnaah hianin vawiin niah hian IDAP-ah leh IWMP angah te hianin Pu Deputy Speaker, lawmthu sawina hi khawi atang mah hian kan hre vak lova; project kal puina hrang hrangte hi House-ah hian mi hrilh thei se chu keini MLA heti laia lo thu ve tan pawh hian engemaw chen hi chu hma pawh a lakpui theihin ka ring a ni. Ka bialah phei chuan inthlanna an neihah khan chumiah pawh chuan an term hma deuh hlek khan an tidanglam a, an inthlan leh pawh khan a ngai a te kha an tling ta lo a ni a.

Vawiina kan Budget tlangpuih hian Pu Deputy Speaker, District Council-ah te pawh hian kan budget hi a lo tlahniam hle mai a, District Council LADC, MADC ah te pawh hian an budget hi a tlahniam vek mai a, a vaia tlakhniamna hi cheng nuai 734.32 vel hian kuminah hian a tlahniam a ni. LADC 11%, MADC-ah, 17%, CADC ah hian 45.1 a ni. Direct funding te kan han ti a, a hma khan kan han pe tam deuh a, an ngawi ta deuh a, kan pe tlem ta nge, a chhante hetiangna kan han tih leh takah hian boruak tharte hi a lo awm leh mai ang tih te Pu Deputy Speaker, heti laite pawh hi ka han sawi lang duh a ni.

Tin, Industry-ah hian RTI hmanga an tihna Integrate Handloom Scheme ah hian Central atang hian cheng nuai 447.11 hmuh a ni a, hemi chungchang hmanga RTI an han dilna hi a tuk lawkah hian a dik loh thute he pawisa hi K. Deposit-a dah a ni an tih te, a ni leh lo tih te, he pawisa hman dan hi a chiang ta lo nuaih mai a. Kan Minister hian hemi chungchangah te pawh hian beneficiary thleng ngei tur leh material leina lampangah te pawh hian an duh thawh mah mah em aw, hei ai hian anmahni hian material pawh lei ve theiin anmahniah mawhphurhna pawh pe tam thei ila, tih kha Industry-ah hian ka sawi duh a, Tourist ho han hipna atana vawiin nia Tourist Center

an siam turah te pawh hian thiam takin, thlalak nena mawihnai tak maia an lo awm hian kal te pawh a chak a. Hemi Tracking Route tih te pawh hi khawiah hian nge aw an siam tawh tih ka han zawt duh a. Helai House a kan sawi tawh te eng nge ni progress a awm tih hi Pu Deputy Speaker, kha kha a tlangpui a ka sawibelh duh chu a ni e. Hun min pek belh avangin ka lawm e.

**Pu HMINGDAILOVA KHIANGTE :** Pu Deputy Speaker, kan Minister zahawmtak pahnihte Demand kan sawi dawn a. Chumi rual chuan lawmthu han sawina turte ka neih rualin bengverh deuh leh ngaihtuah zawngte pawh kan Minister zahawmtak pahnihte ngaihtuah zui atan hian han sawitel turte pawh ka nei bawk a. Tin, chulo lehah chuan nimin khan ka sawi hmaih a, nimin a kan Minister 3 te demand kan sawilai khan kan subject kha thingtlanga kan zin a, kan haw hnuah Tour Note kan siam thin te hna tam ber anih avangin Official te hi khawngaih a min lo hrilh a, kan Tour Note te hi uluk taka min lo attend sak turin min hrilh sak ang che u, tih kha ka tum a, chu chu vawiinah hian ka sawi nisela. Theihtawp leh thiam tawkin kan han ti ve a, chhanna engmah kan hmulo hi chu a hahthlak deuh ani tih kha kan sawiduh a.

A hmasa berin Demand No. 16 - Home hi han sawi ila. Sawi tur a tam lutuk a, ka'n kaitawi thiam a ngem maw chu. Kan Home Minister zahawmtak Pu R.Lalzirliana hnuaih hian Law & Order hi kan sorkarna kan han tan tirh te atang khan kan hriat ang khan Krismas kha chu a laklawh deuh a, kan han phalrai a. Kan hriat ang khan kum thar atang leh vawiin ni thleng hi chuan halpuah hal a awm ta lova. Chu chu a lawmawm em em a. Halpuah hal tak loh avang a dam rei hi an awmin ka ring a, hriat theih nisela a lawmawm hlein ka ring. Engpawh nise Law & Order ah lung a awi tih kha ka han sawiduh a. Tin, tunhnai maiah khan ABCI hotute an man a, Bairabi kawnga awm te. Ni 10 chhungin kan Mizoram Police uisathiam ten an chhanchhuak thei a. An chhanchhuah dan kimchang vawiinah sawina hun a awm lo ang a. Mahni nunna pawh thap ngamin an zawngchhuak a, chu chu a lawmawm em em a. Chumi dawt lehah chuan Bairabi bomb puakdarh vek tura SMS thawntu, Bairabi ti zam a, tithlabartu kha kar loah an manchhuak bawk a. Hei baka efficient Police hi an awm chuang dawn em ni tih ka ngaihtuah a ni. Tin, niminpih lawkah S.Vanlaiphaiah AK Rifle zuartu an man nghal bawk a. Man lo ta se pawl a khawih dan tur kha kan ngaihtuah chhuak thiam lo awm e.

Tin, tunlai hian Aizawl-ah Motor a tam a, two wheeler lah a tam nasa a, traffic jam kan tih hi kan buaipui nasa hle mai a. Chutih laiin kan Home Minister zahawmtak Pu Lalzirliana ho hian hneh takin he khawpui hi min enkawl a. A dik tak chuan ar vena ven kan ngai tawh a. Chumi anih loh chuan a harsa em em a ni. Amaherawhchu, heti khawpa traffic a tam chung pawha harsa lutuk lova min enkawl hi an chungah lawmawm ka ti a. Chu chu a hnenah ka han sawi duh a. Chutih laiin mamawh ka sawi tawh kha kan Minister zahawmtakin a hria ang a. Tuirial bial tawp hmar tlangdung, ka bial tawp Bukpuih sawn Outpost hawn tumna a awm niin kan hria a. Hei pawh hi kan lawm khawp a. A chhan kha manpower indaihloh vange niin kan hria. Amaherawhchu, Armed Batallion lam atangin MRP lamah te 300, 400 dawn lai kha an transfer ta bawk a. A tih theih tawh lawm ni? tih te hi kan sawi nawn duh a. Min ngaihtuah zel tho ang tih ka ring a, lawmthu kan sawi lawk a ni.

Tin, a dawt lehah chuan Rural Development, a hming pawh hi rural a ni a. Thingtlang a bik taka awm hote an khawngaih thlakin an rethei tih hriain kan Central Sorkar hotuten he NREGS hi an rawn tichhuak anih kha. Tichuan Mizoram sum harsatna nasa tak nei chung pawhin a pawimawhzia hriain kan hotuten Matching grant hi an pe hram hram a ni a, kan mi leh sa te rethei khawngaihna avangin. Chutah chuan sawi duh ka nei a. Chuti khawpa rethei te hmangaihtu an awm lai chuan an hmangaiha te hian kan dinhmun hi kan hrelo emawni chu aw tih hi kan sawitel duh a. Biak Inah te Kristian kan ni vek a, Pathian thu kan ngaithla a. Community Hall-ah kan hotuten nungchangtha te, nungchang mawi tha tinreng min zirtir a. A tukah ni 100 chhung inhlawhfaknaah kan kal a. Mahse, Pu Deputy Speaker, dar 10-ah pawh kan thleng mang lova. Chubakah chawhnu dar 2-ah hmuh tur kan awm leh manglo a. Tlai lamah chuan V/C President te kawtah hlawh lak tumin kan intlar leh tho si hi Pu Deputy Speaker, kan House Leader te leh kan Minister zahawmtakte pawh hian an ti thei mai bikin ka ring lova. An remtihain kan sakhaw hotute leh kan NGO hotute zawng zawng pawh hi he thil pawimawh tak ngaihtuaha a tifel tur hian kan sawm a ni, Pu Dy. Speaker. Tichuan he NREGS hi kan hmang tangkai a, Hall nei tha lo te, community hall nei tha lo te pawhin NREGS hian min sak sak a, kan lawm hle a ni, a pawimawh zia kan sawi nasat lutuk chuan a dang kan thleng zo lovang e.

Tin, Pu S. Hiato-a Demand no. 25-na hi han kai ila, Water Supply leh Sanitation hi tlem han sawi ilangin. Nia, kan hriat angina kan sorkar thar tirh khan sorkar hmasa ina an kalsan kan chhawm GAWSS Phase-II a kha hrehawm tak leh hautak tak a hmachhawn kha a khawngaihtlak awm hle a, chuti chung chuan hna nasa tak a thawk ani tih kan hria a, a chungah lawmthu sawi hi kan ba in ka hria a.

Tin, mahni bial lamte han thleng leh ila, nikum khan Thingdawl khua khuan Tuitun Lui pump chhuah khan a thleng tha ve hleithei loh avangin Thingdawl-ah khuan tuizem min siam sak a, kan sa zo tawh a, amaherawhchu, gravity hmang a nih avang khan thlen theih loh chin a lo nei reng mai a Thingdawl khua khu a sei hrep mai a, a khaw tawp lam hmar lamah khuan In 90 zet ala awm a, khumi khu a thleng ve thei ta lova, khumite veng tlangsang ah khuan tuizem te min han dah sak leh sela chuan a lawmawm hle ang tih hi ka sawi duh bawka a ni.

Tin, thil pakhat leh chu Raj Dali Mizo pawh chen lohna Meidum atanga ke a darkar khat leh a chanve kalna hmunah hian tunah hian water supply scheme min tihputlin sak dawn a, a chungah lawmthu ka sawi duh bawka a. Tin, Serkhan ah khuan a awm nel nual tak na a, water supply scheme hi, thalah hian an harsa a intake lo awmsa te khuan a tawng deuh a niang, chungte chu tha zawka min siamsak leh a tum avangin kan lawm bawka a ni.

Tin, a dawt lehah chuan Industry-ah kan kal lawk teh ang, tuna kan Finance Minister zahawmtakin Budget a sawi lai khan Industry atang hian sum dehchhuah a lo awm ve tlat mai a chumi chu sum siamna pakhat te zinga mi a lo ni hi lawmawm ka ti a, kan ngaihtuah vang vangin PSU thenkhat te a nih a rinawm. Amaherawhchu, chutih lai chuan PSU panga laiah

hian an vai chuan earning profit, an dek chhuak lem lo tih a chiang a, chung dek chhuak lo te pawh chuan theihtawpin tun atang chuan tan an lak thar ka beisei bawk a ni tih kha kan sawi duh a.

Tin, Tourism hi tlem han sawi ka duh a, khulai Tuirial bialah khuan kan hriat angin Thingdawl khuaah Highway Restaurant a awm a, a tangkai hle a, amaherawhchu a khawpui ber Kawnpui ah khuan kan khawsa tam viau mai a, khulaia kan riah ve na ber PWD IB khu PWD highway in an luah tlat a, chu chu kan ui ngam hauh lo a, an hna kha tul leh tha kan tih bawk avang ani. Chuvangchuan riahna kan neita lo a, a chang chuan Police Officer hlui te ka ni bawk a, 1<sup>st</sup> I.R ah te ka va tlanche nual a , mut dawn te hian, chuvang chuan kan Tourism Minister zahawmtak Pu S.Hiato hian min hriat sak sela. Hmanah pawh Kawnpuia kan hotuten an dawr tawh che kha, hmun pawh kan pe thei che a, “Tourist Lodge hi min sak sak ve teh”, tia an rawn sawm che kha kan remind leh duh che a, khulai khuan thlengtu kan thahnem viau ang tih ka ringa, min sak sak thei a nih chuan a khawhar lutuk chu ka ringlo a ni, Pu Dy Speaker. Tin, mita kan hmuh ngei chhim lam leh khawimaw laiah te pawh, lun lo ram lek lek te pawh kan hmu ve tho a, khangte han ngaituah khan khulai khu chu a lun ve thoin ka ring. Tichuan kan minister zahawmtak pahnihin Demand an rawn siam hi han thlir vang vang hian pass pui tlak a ni tih Pu Dy.Speaker, ka rawn sawi a ni e. Ka lawm e.

**DEPUTY SPEAKER :** Pu B.Lalthlengliana ilo sawm ang.

**Pu B.LALTHLENGLIANA :** Pu Dy.Speaker, Demand No – 16, Home leh Prison ah hian kan tan anga, kan Home Minister hi fakna lai tur leh lawmthu sawina lai tur a awm nuala, chulai chu ka sawi lutuk lo anga. A bik takin ka bial chhungah Police Station nghet min pe dawn a, hetah hian lawmthu ka sawi duh a. Thil danga achievement ropui tak tak te chu sawilang kher lo ila, ka bial Police Station hi thil pawimawh tak a ni a, Aizawla bike ru ho reng rengin an tlan tlangna ani a, tunah hian a nghet loin Police an awm a, khi ringawt pawh khian a veng nasa viau a, Police Station nghet a term chhunga min siam sak a, achievement ropui tak ka bial chhungah han nei se, a biktakin ka ngen duh a. Pu Dy.Speaker ka sawi duh tak zawk chu, Tripura a Bru raltlan Mizorama lakluhah hian thil diklo tam tak Repatriation benefit a double a dawng tam tak an awm a, hei hi kan fimkhur loh vang niin ka hria a, a lo lut zinga chhungkaw pakhat atanga pathum pali dawng bakah Tripura leh Cachar ram mi Tuikuk ral tlan anga rawn lut ve, fimkhur lo tak maia Roll leh thildanga kan dah avanga dawng eng emaw zat an awm bawk a. Pu Dy.Speaker hetah hianin hei an hming nen, Electoral roll number nen, an hmuh zat nen ka nei vek a, amaherawh chu sawi vek a ngailo anga. Entirnan Naisingpara camp atanga a double a la ho chu chhungkaw 28 ah mi 65 in an dawnga, chhungkaw 28 kha 2-ah te 3-ah te an inthen a, chutiang chuanin Repatriation pawisa kha an dawng a ni. Hamsapara atang hian Ration Card tidanglam a dawng te, chhungkaw 7 atangin mi 15 in an dawng bawk a. Tin, Hazarichera atangin chhungkaw 4 atangin mi 8 in an dawnga hei hi chu example atana kan han tih chauh a nia, eng emaw zat an awm a, hun kal zel turah hian kan fimkhur na turin vawiinah hian kan sawilang duh a. Hemi Hazaricherra atanga chhungkaw pali atanga mi pariat dawng hi chu Mizoram mi pawh ni lo an ni a, an hming te pawh han sawi ila - Lalnunsiana, a Bru hming chu Chanboria, a pa chu Lalthlamuana hi Assam Hailakandi District, Sonapara



Delkhata P.O. Khalicherra a awm a ni a. Hei hi raltlan angin a lo lut a, tunah hian Sihthiang khuaah a awm a.

Tin, a pahnihnaah chuan Brumainjoi Torki, a pa chu Lopiham, hei hi apa tak tak a nilova, a puzawn ani. A pa tak tak chu Triluchon a ni a, a ni pawh hi a puzawn pa, paa hmangin E. Roll-ah khung a ni a. Hei pawh hi Damcherra, Tripurra a awm a ni. Chutiang chuan E.Roll kan siam lai leh heng kan han lakluh dawn pawisa sen a nih dawn lai hian kan fimkhur tawk lo em em a ni tih a hriat a.

Tin, Mizoram sorkar in kan zu biak deuh ber thin Mizoram Bru Displace People Forum-ah hruaitu fel tak tak an awmlai a, chumi ni lo, hruaitu nih duh vanga chhuk, a hming pawh sawi mai ila Elvis Chorky an tih hi Mizoram sorkarin a ring tlat mai a, hei hian thil diklo tam tak hi a khawih niin a lang a, chuvang chuanin Pu Deputy Speaker he Elvis Chorky hi a tira refugee pawh nilo Sihthiang atanga tlaikhawhnua lut a ni a. Amaheawhchu, mifel tak a nih avangin Bru raltlan hotuah a zu intat lut a, chuta tang chuan heng Tripura atang leh Assam ram atanga refugee te lo fintu tam tak Roll a thun chungchangah te, tin, repatriation pawisa dawn tur chungchangah te mi engemaw zat hi President a nih laia khungin, thudawnaah chuan chung ho atang chuan pawisa engemawzat a la ve thin nia hriat a ni a. He thil hi han ngaihtuah vang vang hian kan hnam kal zel tur atan hian paw kan khawih nasa dawn niin ka hria a. Home Minister-in engemawzat lak luh loh la awm an ti khawmuang te pawh hi hun remchangah hmangin fimkhur taka a awm chhunte hi chu kan tih thain ka hria a. Heng thil lo thlenna chhan ber nia lang chu kum 2001 May ni 27-a Political Party hrang hrang leh NGO te kal khawmin Tuikuk raltlante lak let leh ngei a ngai dawn si a, chumi a nih chuan khulamah an lo inpawlh sawp nuai tawh dawn si a, eng Electoral Roll hmangin nge kan lakluh ang tia ngaihtuah a nih khan, kan himna ber tur nia ngaih kum base ah hmanga chinfel nise tia thutlukna siam a ni a. Amaherawhchu, lak luh dawn tak takah khan 2009 Roll hman a ni leh tlat mei hi anni tan chuan hun remchang a in hawng a, chance zawngin hetiang hian chhungkaw pakhat/chhungkaw hnih/thumah te insiamin, tin, Cachar leh Assam leh Tripura atanga mi engemawzat kan ram chhungah Electoral Roll-a khungin kan hruai lut mek niin a lang a. Helaiyah hian Home Minister hi a hmalak lehzeln turah fimkhur deuh the se, a lo fimkhur viau tawh a nih pawhin fimkhur lehzual sela a tha in ka hria a. A chhan chu, thang leh thar lo awm zel te chuan tuna kan kal dan phungah hi chuan min dem lutuk dawn niin ka hria a. Kan sawi ..... phei hi chuan chhungkaw 1000 vel Sihthiangah dah luh hi a policy a ni ru a, tunah kuan chhungkaw 400 vel an awm tawh a, lakluh leh torah a dang dah belh leh a nih chuan MLA a din te pawh hi a tum ve ani maithei. A dinglo a nih pawhin khulai bial tan chuan a deciding factor chu a ni hrim hrim dawn a. Chuvang chuan, Pu Deputy Speaker, Party hengah hian kan sawi a hun lova, hnam anga kan tan a pawimawh a, vawiina thil kan tih dikloh hian tun atanga kum sawmah chuan a let engemaw zatin a tipung dawn si a, chutak chu nakina kan problem tur anih avangin helai hi kan zavaia kan fimkhur tlan a tulin ka hria a, chu chu ka'n sawi duh a ni.

Tin, a dawt lelah chuan Pu Deputy Speaker, Ni 23.12.2010 a Pukpui YMA in zu um 500 an man, case neilova vawiin thlenga a awm hi a dik theiin ka hre lova. Zawhna-ah khan Excise Department-ah a lut a ni maithei, MLTP

Act hnuaiiah hian zalenna pek an awm bik em ni? tih ka zawt a, ‘chutiang a awm love’ tih a ni a. Vawiina Home Department a ka sawi duh chhan chu he zu hi Police Station-a pek vek a ni a, he thil hi a mak angreng khawp a, Aizawl atanga Lunglei lam hotu thenkhat a ni maithei, tute nge annih ka hre lova, chu chuan zu thawn an duh a, Assam Rifle Motor kal tur kha a remchang ber dawna an hriat avangin Assam Rifle an ngen a, anni pawhin thil phurh lutuk an lo neih loh avangin um 500 hi an phurh sak a. Amaherawhchu, vanduai thlak takin Saza Bangla bulah an Motor a chhe ta tlat a, an Motor a chhiat avangin Lunglei an thlenpui thei ta lova. LDCC General Secretary, Motor Scorpio MZ-02/7822 hmangin Lunglawn khua atangin a zu la ta a, report an dawn avangin YMA hian lo changin an lo check a, um 500 hi an lo man sak ta a ni. He zu hi Pukpui YMA te hian Lunglei Police Thanaah an thehlut vek a, Thanna lam chhuitu ni lovin, DSP-in a chhui a, Assam Rifle mi 2 ta angin a chhui a, an ti a. Chutiang chuan he zu phur an man hi a la awm ta a. Hetiang hi a nih avangin he Sorkarah hian Police hnung khirh lova insawi te, Police hi in khirh ve ta em ni? Dan bawhchhetu hian Police hnung in khirh sak a, in phelh sak leh mai mai dawn em ni? tih hi Minister hian khawngaih takin min chhang sela.

Demand No. 38 Rural Development-ah hian NREGS pawisa hman chungchangah hian Mizoram VC hi an corrupt ta viau niin a lang a. A bik takin material component awm hian a ti corrupt lehzualin a hriat a, mipui inhlawhna tur awmve lovin V/C te hian khawtinah material component work hi an khawih fai vek niin a lang a, he thil hi chu kan Minister te pawh hian min ensak sela a thain ka hria a. Tin, ka bialah BADP hmangin nasa takin hna min thawhsak a, lawmthu ka sawi duh a.

Pu Deputy Speaker, thil laklawh deuh mai Demand No. 40 Industries-ah hianin thil pakhat sawi lawk ka duh a, Export Promotion Industrial Park (EPIP) Lengte a Steel Industry Mizoram (ISPAT) industry awmtur khu Vat leh CST Registration pawh tunah hian neihfel vek tawh ani a, he Industry lo awm tur hi a thalo zawng a sawi tum ka ni lova, amaherawhchu, he Industry hi a len dawn em avangin environment nasa takin a khawihbuai thei dawn niin a lang a. Chumi avang chuan Ministry of Environment and Forest hnuaiiah Central Polution Control Board, Zonal Officer, North East-a Zonal Head Dr. Zawlthanglian Changsen, Scientist DM tih hianin a hmunah a rawn endik a. Ani hmuh danah leh Mizoram Polution Control Board hmuh danah chuanin Environment nasa taka ti chhe thei niin an ngai a, Chutiang a nih avang chuan Sorkar hian Environment Polution a khawih nasat dawn avangin ngaihtuahna tih tak zeta hman a thain ka hria a, Environment Polution a ti chhe lutuklo anih chuan heng Industry hian kan ram chhunga lo lut hi kan welcome tur niin ka hria a. Amaherawhchu pollution ber kha a tih chhiat chuan nakinah kan ram tan a tha dawnloun ka hria a.

He Steel Rolling Industry lo awm tur hian raw material khu ram pawnlam atanga lakluh a nih bakah Mizoram chhunga thirchhia zawng zawng hi a ring nghal dawn niin a lang. Pu Deputy Speaker, Industry atanga subsidy a thil kan hmuh thin, Minister zahawm tak khan kum 2010-2011 atang khan kan pe leh ta e ati a. Amaherawhchu, kan la hmu ve miah lova, thilmak ang reng deuh mai chu, ka bial Hruaikawnah khian Congress pa, pakhat chauhin thirdenna a nei a, MNF pa ho leh Party dang tuthlawh leh thildang kha a chhersak ve duh tlatlo mai a. Hmanni ka

han kalin an lo sawi a, ava mak bawk ve mawle, inthenawm/khawvanna thilah pawh chuti em em te chu ani thei dawn emaw ni le, khu lamah chuan kan han in au chiam naa inhuat nan kan hmang lova, kan inkuah leh mai mai a, thingpui kan inkhawm leh mai mai a, engahnge maw chutiang taka inlo awm leh thin le ka ti a. Lo chhukthla ula ka lo lei sak mai ang che u ka ti a, Industry-ah hmuh theih dan a awm lawmni tiin ka va zawt a, a lo awm silova, an lo chhuk hunah ka lo leisak dawn niawm tak ani.

**DEPUTY SPEAKER** : Dar khat a ri a, i sawi turte hrual mum rawh le.

**Pu B. LALTHLENGLIANA** : Minister zahawm tak hian pek tur a nei anih chuan, an lo thlen hma ngei hian min pe thei sela, mahni sum a lei ai chuan subsidy-a lo pek kha a that ka ring a, chu chu kan sawilang duh a. Min pek duh loh chuan ka lei leh mai ang. Tin, Tourism-ah hian Demand No. 43-ah hian Minister zahawmtak khan Farkawn leh Khawbung a Toursit Lodge saksa hawng turin hma kan la mek a, reilo teah kan hawng dawn e atih avang khan lawmawm ka ti a. Kum hmasa lamah khan ka zawt tawh a, “kan tum e” a ti a, mahse, vawiin thlengin la hawn loh anih avangin tuntum hi chu a tak taka hawn tawh ngei nise, tiin minister hi ka ngen duh a ni. Ka lawm e.

**DEPUTY SPEAKER** : Awle, khi darkhat a ri a, kan chawl ang a, dar hnihah kan tan leh dawn nia. Kan sawihona kan chhunzawm leh nghal ang a. Chawhma lam khan Member pasarihin an sawi tawh a. Chawhnu lamah hian tunge sawi hmasa ber ang? Pu K. Lalrinthanga.

**Pu K. LALRINTHANGA** : Pu Deputy Speaker, ka lawm e. Vawiina kan Demand sawi turah hian Demand No. 38-na Rural Development chungchang te, Home Department Demand No. 16-na te leh Demand No. 25, 40 leh 43 ah te hian tlem han tarlan ve ka duh a. Rural Development-ah hian hun kal tawh te kan thlirin hmasawna tam tak kan hmuin ka hria. Department hian Object Head No. 53-ah hian major work atan cheng nuai 4,235 zet kumin hian kan nei a ni tih Demand-ah hianin a intar lang a. Helai atang hian kan sorkar leh kan Minister zahawmtak ruahmanna hi lawmawm hlein ka hria. Thingtlang mipuiten hmasawna nasa takin an hmuh belh leh dawn niin ka hria a.

Hun kal tawhah NREGS atangte'n kan mipuiten inhlawhna tam tak an hmu a. Chutianga an inhlawhna atang chuan ei leh bar turte an hmuh phah a. Chutah chuan ka han sawi lan duha chu thingtlanga NREGS a inhlawhnaah hian pawisa kan inpe tha a. Sorkar chuan a tih tur tha takin a ti a. Thingtlanga kan inhlawhnaah hian mi tam takin hna kan thawhna hmunah hian kan thawk tam tawk lovin ka hria a. Bial fangin kan zin thin a. Inhlawh tura kalte zing dar 9:30, dar 10:00 vela kal del del, bawngtuthlawh leh chem kenga kal chhuak chauh te kan hmu thin a. Tin, dar 3:00 ah te, dar 3:30 tih velah te, dar 2:00 tih velah te an haw lam ni awm tak hmuh tur a awm thin a. Helai ah hian kan Minister mai ni lovin keini helai Pathianin rorel tura min dahte hi kan tanrual a thain ka hria a. Kan mipuite hnenah hna hi thawh tur kan nei a

nih chuan nasa taka thawk turin kan inzirtir thain ka hria a. Hmun thenkhatah chuan hnathawktute thu bawra, titi ta mai mai a, hna thawk mang lova haw ta mai mai te pawh hi sawi tur an awm a. Helaiiah hian tute pawhin zirtirna kan pek that hi a tulin ka hria a. Central sorkar scheme atangin Mizoram sorkarin matching share te a pe a. Ni 100 inhlawh turah za ah za te an inhlawh theih a lawmawm em em rual hian thatchhiat kan in zirtir ang, thawk mang lovin hlawh hmu turin kan in thawh tir palh ang e, tih hi a hlauhawm deuhin ka hria a. Chulaiah chuan tute pawh helai a thute hi kan tanrual tha in ka hria a, chu chu ka han tarlang duh a.

Chutih rual chuan, ka han sawi leh duh a chu Home Department-ah hian, ka hma a midangten an han sawi ang khan hmasawwna nasa tak kan hmu a, hun kal tawhah chuan kan Police hnathawktute hi khuahkhirh an niin kan hria a, churang chuan, sualna eng engemaw lo thleng te hi man chhuah lohvin an awm thin a. Nikum khan Saiphai atang leh Phainuam atangin kan miten min rawn phone a. Chuta an rawn sawi a chu, “Ramhnuai hel a kalten in surrender an duh a, ruahmanna min siam sak thei em, khawtlang nun pangngai a kan nun ve theih nan, engtingge hma min laksak ang”, tiin min rawn phone a. Kan Home Minister te kan han phone a. Annin ruahmanna te an han siam a. Anni chu Aizawl ahte rawn kalin an in surrender a, nunphung pangngaiiah an nung veleh ta a. Chung tena an sawi a chu, “2008 kum inthlan hma khan inhlawhfa turin sawm kan ni a, chutia min sawm ang chuan thlakhatah ₹ 5000/- hlawh turin min tiam a, chuan kan kal ta a, motor-ah kan chuang a zanahte kan kal a, kan kalna te kan hre lova. Amaherawhchu, chutiang anga inhlawhfa tura min sawmna chu hel tur atana min la a lo ni reng a. Khawchhakah Burma ramri ah kan training a, inthlan dawnah inthlanna buaipui turin rawn kal tura tih kan ni a, amaherawhchu, inthlan hunah kan rawn kal dawn khan thenkhatin min lo dal a, kan rawn chhuk thla thei ta lova”, tiin ka hnenah an report a ni. Chu chuan a entir a chu khang hun lai khanin hel a in siam a, Mizoram ah buaina chawhchhuah tum an lo awm reng a ni tih kha chiang takin a lantir a ni. Tun hunah chuan harsatna eng eng emaw te a lo thleng a, tuna kan Home Minister-in a thusawi ka hriat reng a chu, hmanni a Meidum a mi ABCI mi leh sa te hel pawlin an man khan, Police hnathawktute order a pek dan ka ngaithla a. “Man lo chuan rawn haw tawh suh u kan in ti a”, a ti a ni. “In zuk boral anih pawhin in chhungte a theih ang angin kan chhawmdawl ang”, tih a sawi dan min hrilh a. Chutiang chuan kan Police ten chutiang ang a instruction fel tak an dawn chuanin awlsam takin an thiamna leh finna te hmangin an rawn man chhuak ta a ni a. Chutiang ang zelin hun kal tawhah khan khu ta Pu Lalrinmawia bial chhunga inthah na te kha awlsam takin man chhuah ani a. Chutiang a nih chuan tun hunah hian Mizoram mipui te chu thlamuang takin kan awm chho thei ta a nih tih hi ka tarlang duh a. Lawmawm ka ti tak zet zet a ni. Pu Deputy Speaker, midang te kha hun i pek belh nual in ka hria a, minute 2 aia tam deuh hlek hun min pe la khawngaih takin, sawi tur hi a tam ang reng riau a, rin aiin. Hei Pu Zuala’n “ka sawi ai i sawi dawn nia” min ti a, min phalsak thei em? khawngaih takin chutiang chuan ka’n dil nghal che a ni.

Hei Water Supply & Sanitation chung chang hi sawi leh ta ila kan Minister zahawmtak hi a tang ve hle mai a. Kan bialah chuan a tan dan hi kan hre chiang a. Tun hunah hian khung Bilkhawthlir tui hmu mumal lo,

Kolasib atanga chawm, an hmuh theih na turin pawisa te pawh Central lam atangin min lo dil chhuah sak ve leh ta a, lawmawm ka ti takzet a, lawmthu han sawi ka duh a. Chutih rual chuan Vairengte, hmanlaia khawchhung a tui sem na tur atana siam tawh, tuiek nasa lutuk, hun kalta a enkawl that mang loh a kha siam thatna tur atan hma min lakpui chho zel ani tih ka hria a, lawmthu ka sawi ve reng reng duh a ni.

Tin, Tourist Department lampangah hian hma nasa takin a la bawk a. “Khulai, Builum hmunah te khuan Tourist Destination engtin nge kan siam thei ang em?” tiin Chief Minister zahawmtak ruahmanna te nen a ngaihtuah na siam kawpin a hmun ah te a kal a. A kum upat tawh dan te ka ngaihtuahin, kan han kal dun a ni a, ka khawngaih ang reng khawp mai. A biangah thlan tui luang zawih zawihin hah takin a hmunah te min ensak a, a lawmawm ka ti a a hmalakna te hi heng Demand a siam atang te hian hlawhtling se ka tih pui em em a, chu chu ka tarlang duh a. Hmun hran hranah ruahmanna hetiang hian a siam ani a.

Ka sawi duh a chu Industrial Department Demand No. 40-naah hian. Pu Deputy Speaker, reilo te hemi chauh hi ka sawi min phalsak turin ka ngen che a. Hemi Demand-ah hian pawisa avaiin ₹ 40,74,87,000/- a awm a. Hlawh atanah ringawt hian nuai 2003.10 a awm a ni. Chutah chuan grant - in - aid, general (non salary) ah hian nuai 389.79 leh salary-ah hian nuai 843 a awm a, a vaiin nuaih 1232, a awm ani a, hei thildang dang han en hianin Mizoram mipui te tana hnathawh tur a hi atam lo ang reng riau a, hlawh atan hian nuaih 2003 zet mai a awm bawk si a, hetah hian pawisa hi a kal ral nasa mange aw tih ngaituahna mi neih tir a. Tin, chu tih rual chuan in helai object head of account tihah hian in grant-in-aid general Non - Salary-ah hian  $207.80+181.92=389.72$ - a awm bawk a, hemi hi kum dangah chuan 2009-2010-11 leh (hun kal tawh chu ka hre lova) ... inkarah hian a awm ngai lova. Hei hi thil thar ani a. hemi atang hian thingtlang lamin industry an mamawh ang chi tanpuina te hi min pek sak ve theih tawh dawn ni awm in a lang a. Chutih ruala ka sawi duh a chu nikum lam pang khan subsidy ten hmanrua te pek an ni tih te kan hria a. Amaherawh chu kan ngaihthlak ang in keini bial lam atang chuan (hei kan thiante pawh ka han zawt a) Member ten tuman an lo hre vak lo alo ni a. Khatiang kha alo awm anih chuan inhriattir ve dan kha awm sela, mi pawimawh, tanpui ngai tak tak, industry din duh ve si a te pekve dan kawng kha kan ngaihtuahpui thei in ka ring a. Chutiang chuan Demand hrang hrang a waviin nia kan han sawi te hi pass ngei nise thain ka hria a ka han tarlang ve ani e. Ka lawm e.

**DEPUTY SPEAKER** : Minutes sawmah aw, kan ti a, aw in ti thap a, in bawhpelh leh vek si a, sawi zar zar rawh u le. Pu K.S Thanga.

**Pu K.S. THANGA** : Pu Deputy speaker, ka lawm e. Hei change kan hmu zela, sawrkar hmasaah khan mipui lamah hian sum leh pai a luang chhuak vak lova milian te hnenah sum a lut a, tunah chuan mipui hnenah sum leh pai a luang lut tup tup mai a, chuvang chuan change hengah hian a in siam mek ani tih waviinah hian a hriat theih hle in ka hria a. Pu Deputy Speaker, kan sawi hmasak duh chu Demand No 38-na RD department hi (tawi te te in hun a rei silova) kan sawi duh a chu thingtlang mipui te tunah hian hmuntin maiah hmaswnna in a tuam a, an hlim ani. Hei

khaw then khatah te phei chuan hlawhfa te pawh hi contractor te hian an hmuh loh na hmun te a awm a, a chhan chu NREGS- te hi sawrkar hmasa kaltaah te kha chuanin material component kan tih te hi Department in an thawk zo vek mai ani. Tichuan thil ti thei dang te nen khan engtin nge, hnungzang thak an in hiat thin em ni? ka hre lova, vawiinah hian sawiselna te han awm thin mahsela tunah hian azavai hian mipui te kutah aluta thingtlang mipui ten material component te an han khawih ve ta a, an khuah kawng an laia, tuizem an siama, chutiang chuanin thil chitin mai kha khawchhung step te a tul ang zawng zawng kha an thawk thei ta ani. Chuvang chuan nasa takin hmasawna alo lut ta a, tin IAY te hengah te pawh hian awmze neiin, zuankhum awm lovin, heta a khai chhuah tura te khai chhuak in khatiing khan hmalakna hi a kal a, hei tunah hian IWDP hi a hlawhtling nasa vak lova, kei ka bialah phei chuan sorkar hmasa a hmalakna kha kohhran upa te telna ngei ngei pawh hi han enzui tlak vak lutuk loh te pawh hi a awm a ni. Mahse tunah hian IWMPI a scheme tha zawk in ruahmanna a rawn kal zel a, heng hi chak zawka kalpui anih phei chuan zokhaw mipui tamtak NLUP te nen a converse hunah phei chuan nasa takin dawmkan an ni ang tih ka ringa, lawmawm ka ti hle a.

Abik takin ka sawi ang khan NREGS leh IAY te hman that danah hian kan minister te ruahmanna hi a lawmawm ka ti a. Kan sawi duh a, chutih rual erawh chuan keini ang bial te hi, (bial te sawi loh theih loh a ni a.) Pu Deputy Speaker, BADP tih te kan nei ve lova, border kan ni lova, BREGF backward area ah min lo dah bawk silova, mahse mamawh leh harsatna kan ngah ve tho sia. Chuvang chuan, entirnan plan fund atanga kan sum han neih ang chi, Community Hall han tih ang chi te, khang atanga min tihsak theih kha chuan kan minister zahawmtak hian min lo duhsak deuh sela, min lo duhsak tawh a. Kan sawi te min ngaipawimawh thina, kha kha kan dinhmun a kha, mi chan ang kha kan chang ve lo a ni tih kha min hriatsak reng sela, kan duh a ni.

Tin, lawmawm ka tih em em chu rangva sem chungchang hi change diktak niin ka hria a. Hei tun 2010-2011 ah khan nuaih 400 in chhungkaw 2544 pek an ni a, tunah hian khami pawisa la bang khan chhungkaw 590 pek an ni leh a, tichuan, a vaiin chhungkaw 3140 pek an ni dawn a. Keini bialah te pawh an damchhunga engtikah nge rangva hi an chih ve ang tih pawh hriat loh, hmeitheih chhumchhia tak tak te, dinhmun chhe tak tak te chhungkaw 80 in an han dawng a. A lawmawm em em mai a. Chhungkaw sang tel ina an han tihah hi chuan khawimaw laiah lo mam lo deuh 2/1 te hi chu lo awm deuh mahsela a pumpuia thlir hi chuan a percent a hi a tha a ni. A thatna hi a sang em em a ni tih ka sawi duh a. Hei tunah pawh hian nuaih 400 bawk dahin chhungkaw 3000 chuang kumin ah te hian an la ti leh dawn a ni a. Hetiang ang hi Congress sorkar alo lan loh hi chuan a awm ngai lo. A reh in a reh vawng vawng mai a ni. Chuvang chuan mipuite ta mipuiten anmahni tana an thlan anih avangin vawiinah hian alo lang leh thina, hei hi change niin ka hria a, a lawmawm ka ti em em a ni. Mirethei dinhmun chhe zawk te aiawhin lawmthu kan sawi ve a ni. Minister chungah.

Tin, Home department hi sawi tur a tam hle a, law and order ah kan Minister-in chak tak maia kawng chitin a harsatna a su kiang thina hi, tunhma a sum leh pai senga, helho te sum khawna, mi an kidnap chi zawng zawng hi vawiinah chuan siki pawh an dawn loh avangin an tui lo tulh tulh ang tih pawh a rinawm a. Chutiang chuan Dan leh dun, thupek kenkawhna kawngah hian nasa takin change a thlengin ka hria a, a ropui ka ti a. Mizo mipuite pawh an thlamuang sawt hle a ni. Chutih lai erawh chuan hei IR batallion 3 ngawt mai sum eng ang a pek tur nge, tih

awm lova infrastructure tlemte, a bul tanna, battalion khatah crore 8 emaw chauh kan hmu a, chu chu la re-imburse loh a la ni leh nghal a. Khati chung a sipai 3000 rual leh officer za tel ruahman lawkna awm lova enkawl chung a, vawiinni thleng a kan sorkar a la kal zel thei te pawh hi ropui ka tiin lawmawm ka ti tak meuh meuh a ni.

Tin, ‘change’ pakhat a ka ngaih ve chu, hei, Fire ah hian, tunhma chuan Fire hi an ding mai mai thin a, kang a lo awm hian, an han thlen hi chuan an lo thelh zo tawh emaw, a lo kang zo tawh emaw a ni tlangpui a. Tunah erawh chuan ruahmanna chi hrang hrang siamin station te an han hawn belh a. Tunah hi chuan Fire Department hi mipuiin kan beiseina leh kan ngaihndan a lo danglam ta a. Anmahniah hian thlamuanna/security awmin kan hria a, mipui kan hlim ta a ni. Chu chu vawiinah he Sorkar thar hma lakna chak takah hian Fire te hi nuihzabur a awm lek lek tawh thin kha, Minister chak tak mai, awmze neia enkawltu kan han nei ta hi a lawmawm hle mai tih ka sawi duh a ni.

Tin, Pu Deputy Speaker, Demand No. 25-na, PHE, lawmthu han sawi duh ka nei a, nakinah lawmthu lo deuhte pawh ka sawi duh tho bawk a. A hmasa berin, saw, ka bial chhung Hlimenah te, Melthumah te sawn, Aizawl khawpui lo ni ve reng si hian PHE tuidawt atang hian tui hi an hmu ve ngai lo reng reng a. PHE Minister zahawm tak hian Hlimen khuaah te min rawn tlawhin, in 500 te, in 300 te an ni, chungho harsatna a hmunah min rawn hmu a, plan leh project te siamin vawiin niah chuan anmahni khuaah tui a lo tling ta a, tui a lo haw ta a. Amaherawhchu, tunah chuan public point a ni a, house connection an mamawh hle a, rang takin min bawhzui sak zel ang tih ka ring a. Chu chu Minister hnenah pawh kan ngen nghal duh a ni.

Tin, hemi Muallungthu leh Hualngo inkar leh helam Samtlang khaw 8 ah hian, Pu Deputy Speaker, water supply hi ruahman mek a ni a, Falkawn lam hi chu Aizawl water supply hian a huam a. Heta ka’n sawi duh hi, khaw tina pawisa an dah tam ang ai hian water storage, tui dahna tur hi, a man hi a tlem a, cheng nuai 3 te, cheng nuai 3 tling mang lote, khuaa in 200, nakin lawka in 300 chuang chuang ni tur khua saw a ni vek mai a, a thang dawn a, sorkarin hma te a lak dawn avangin. Chuvang chuan tuizem lamah department lam hian an duhthawh lo deuh hlek a, pipe lamah hian an ti a, a chuang leh nghek mai thin a. Khawi khawiah emaw officer te induhsak kual in an inhlan kual te hi ka hre ve a ni keipawh hian. Chuvang chuan pipe lam ni lovin tuizem lam te pawh hi tilian ve deuh se tih ka’n ngen duh a. Hei, Minister in kan biala an tuizem rawn dah saw a tlem hlawm lutuk deuh a ni. Pu Deputy Speaker, Tlawng tui pump chungchang hi, tin, niminah khan ka sawi lo lehngal a, tlem min boksik la, Tlawng hi tui an pump a tunah hian cent percent (Phase-II hi a pawimawh zual) a hi zawh ani tawh a. Hetah hian sawi rik ka’n duh chu he House-ah hian, Aizawl a kan naupang tete, lu tuak nasa lutuk te, heng cancer te, pumpui na tam lutuk te hi mithiam tam tak ten “kan tui hi enkawl chian deuh leh zir chhian deuh a ngai ani lo maw” ti pawl te pawh hi an awm ve a, helam hi engang in nge anih dan kei ka hre chiah lova, chu chu vawiinnah hian han sawi rik hi a tha in ka hria a.

Industry lamah hian ZIDCO-ah te, MIFCO te ruahmanna lian pui pui an siam a, chung te pawh chu ram hmasawmna, vawiina hlep chu sawi loh, hloh a kan kal a, ruahmanna an siam a te, Pu Deputy Speaker, kan sawi hman lova, engpawhnisela hun tha tak mai min pe a, ka lawm a. Tichuan khang ang kha vawiinnah hian kan bial mipuite aiawh a lawmthu ka sawi duh chu,

khang ang khan sawng tlangdung te hmasawna in a thlen ve ngai loh leh beisei pawh an beisei phak loh na tunah sawn Falkawn Hospital te pawh sorkar hmasaah khan inhmun an tla hniam leh duai duai a, tunah chuan inhmun pakhat hi cheng nuai sawmhnih/sawmthum a ni a, Aizawl miliante hian chutiang ang chu an va lei nual tawh a ni. Chung chu he sorkar atanga hmasanna in a mipui te malsawmna a rawn thlen a ni a, a bik takin a bial neitu kan nih ve na ang pawh in sawng ang saw lawmawm kan ti em em a ni tih kha ka'n sawi ve a ni. Ka lawm e.

**DEPUTY SPEAKER** : Pu C. Ramhluna kan ko ang a, chumi dawtah Pu Robiaka, chumi dawt lehah Pu Chawngtinthanga.

**Pu C. RAMHLUNA** : Pu Deputy Speaker, ka lawm e. A hmasa ber a ka'n sawi duh chu Industry Department Demand No. 40 hi a ni a, hemiah hian thil sawi tur tam tak a awm laiin ka ngaih pawimawh deuh pahnih/khat han sawi ka duh a. He Department hi an promotional scope hi a chau em em mai a, Director hi IAS an nei a, tichuan Additional Director pakhat an nei a, Joint Director pahnih an nei a, tichuan functional manager post hi 10 an nei a, chumi atan chuan tunah hianin vacancy 8 an nei a ni a, hemi hi hnawh khat turin Assistant Director te, SDIO te 25 % promotion a ni a. Tin, direct recruit atan khan 25% ani a, tin, Departmental exam atan hian 50% a ni a, chumi chu Additional Director leh Assistant Director te leh IPO te, EO te, khang mite ho khan an in chuh tur a ni a. Helaiah hianin problem an nei ta a, a chhan chu a hnuai lampang ho EO te hianin exam an duh a, an chak rualin a chung lampang ho hian an huphurh si a, a chhan chu an upa tawh deuh a, an kum te. Chuvang chuan helaiah hian problem an nei lian em em mai a, chuvangin he post 8 hi an fill up thei lo a ni, helai hi sut kian sak an ngai in ka hria a.

Ka rilru a thil awm pakhat chu an R.R ah khan en ta ilangin Power of Relaxation kha an nei a, one time relaxation a kha dil sak ta sela, niminah pawh khan Education Minister zahawm tak pawh khanin khatiang ang Power of relaxation ang khan post thenkhat kha a fill up thei dawn ni khan a in sawi a, khatiang ang line khan kal sak theih ni ta ang se. Hemi post 8 lo awm a hi vawikhat chu one time promotion in kai ta ni sela, helai hi kan Minister zahawm tak hian a lo hriatpui a tan a thain ka hria a, ka rilru a lo awm leh pakhat chu he Deptt. hi a lian hle Addl. Director pakhat an nei a, Jt. Director post pakhat, Handloom leh Handicraft-ah hian a ruakin a awm a, he post hi upgrade ta ang nise, Addl. Director-ah khan post 2 nei ta ila, pakhat Administration ah pakhat Technical-ah ni ta ang sela, chu chuan PSU pawh enkawl ta ang sela, chutiang anga an kal chuan a fuh mai ka ring deuh a ni. Tin, PSU enkawl danah hian tun hma atanga tih sual a awmin ka hria a, Chairman hi political post-ah kan ngai deuh tlat mai a, hemi leh Minister inkar hi a in hriat pawh lo ve thei tlat a, chuvangin anni ho khi thang hlei thei lovin an ding niin ka hria a ni.

Tin, SDIO ho a hi hmun hrang hrangah kan post ve a heng ho hi an function mumal lova chuvang chuan helai hi a lo enchian deuh atan a tha in ka hria a ni.



Tin, Tourism hi an thang chak khawp mai in ka hria a, a lawmawm pawh ka ti a, chumi rual chuan kan sawi duh chu Tawipui Wayside Restaurant hi kan kal apiang hian chawlh ka tum thin a, an khar deuh reng mai a, hei hi min lo hriat pui sela a tha in ka hria a, kan Minister kawng pawh a ni vo tho mai a, chuvangin tha taka function theih nan min lo ngaihtuah pui se ka duh khawp a ni. Tourist Lodge tam tak an nei a henga thawk tute hi MR deuh vek an nih avangin a nghet a dah dan tur a awm thei lawm ni tih ka han sawi duh a ni. Department hian civil works tam tak an nei a hemi enkawl tur hian engineer an mamawh in kan hria a AE emaw nei thei sela tih chu kan sawi tel duh bawk a. Tin, Bungtlang Tourist Center a kha min han pe kha a ni, a hna hi an la tan lo ni khan ka hria a, min tan hma sak thei deuh se a tha in ka hria a. Tin, Vaseikai lamah te khuan Tourist Lodge te pawh min dah sak ve sela.

Demand No.5 ah khan Water Supply and Sanitation-ah khan lawmthu sawi duhna ka neih chu ka bial chhungah ₹ 633400 lai man M. Kawnpui tui lak min lo tum sak reng a ni a. Hei hi tunhma atanga kan dil thin fo kha ani a. Kuminah hian Work Programme ah hian alo tel a ka han thlir a, a lawmawm ka ti khawp mai a. A khaw mipuite pawh an lawm dawn niin ka hria a. An tui lak hi a hlui tawh a, a pipe te a chhe tawh a. Tin, a hla zawkah tui tam zawk lak tur a awm a. Chu chu min demand ve reng kha a ni a. Hei min tihhlawhtlin sak dawn niin ka hria a, ka lawm khawp mai. Chumi rual chuan Lawngtlai Water Supply Scheme atan khan nuai 905 kha pawisa release a ni tawh tih kan lo hria a. Hetah pawh hian hna an lo thawk viau tawh a, kawngte pawh an lo lai tawh a, a lawmawm hlein ka hria a. Kan sawiduh chu nuai 65/70 man vel kawnglah tender lo a tute emaw thawh tir ringawt a khi a fel lo deuh mange aw tih kha ka rilruah a awm deuh a. A chhan chu kan sorkar hian thildik tih kan tum anih chuan Engineer nei deptt., tena cheng nuai 10 te 15 te tling mang lo thlenga an thawh theih laia deptt., ina hetiang an lo thawh tir ta mai tih hi rilruah a awm a, kan sawichhuak duh bawk a.

Tin, Demand No. 16 – Home ah hian kal ila. Helaiyah hian sawitur a tam hle a, mahse hun kan nei tam lova. Kan Starred question chhannaah khan kum 2009-2010 leh June, 2011 inkarah khan Mizoram chhungah hian Murder case te, Rape case te, Theft case te engzatnge kan neih tih ka zawhna min chhannaah khan Murder case hi 86 lai kan lo nei alo ni a. Tin, Rape case hi 199 record alo ni a, Rukruk case hi 1807 a ni a. Hetiang zawng hian han chhut ta ni ila, Murder case hi ni 14 dan zelah pakhat Mizoramah hian a awm niin ka hria a. Tin, pawngsual case hi ni 5 ni 6 danah hian pakhat a awm tlat a ni. Chu chu kan dinhmun a ni a. Tin, ruk ruk case phei hi chu ni 1 ah hian 2 awm zel ang a ni a. Chuvang chuan Law&Order lamah hian kan Home Minister hi a fakawm viauin ka hria a, theihpatawp pawh a chhuah a. A thute pawh hi nichina sawi tak ang khan kan awih viau a. Krismas dawnah te halpuah hal suh u tih kha chuan kan reh duk mai a ni a. Tualte pawh that tawh suh u, tiin han au tam deuh sela chuan thu hi kan awi deuh mai thei a ni. Chuvang chuan hetiang lamah hian tan han la deuh sela a tha lawm ni aw tihte rilruah a awm a.

Tin, hei Chhim lampangah Police hote Bungtlang ‘S’ ah leh Vaseikaiah te Out-post an han dah ve a. Hengte pawh hi min thawmthat sak dawn niin kan hria a, kan lawm khawp mai a. A chungah hian lawmthu ka sawi a. Chumi rual chuan Chawnhuah khian Assam Rifles hi an dah dawn ni a hriatna kan nei a.

Chawnhu mipui khi an lawm lutuk lo deuh a, an huphurh deuh hlek a. Chuti anih rau rau chuan an ram khi a tha bawk si a. Nichina Pu P.P.Thawla sawi ang deuh khan sawlamah sawn I.R. Bn. te hi min han dahsak thei ta se, Chawnhu tlangte hi hmun nuam a ni a. Chuvang chuan khingte khi remchang deuh hlekah kan ngai a. Chungte chu ka han present duh bawk a.

Tin, Lawngtlai Jail min hawnsak a ka lawm hle a. Mahse lehlahmah chuan kan Minister zahawm tak hi a vanduai riau in ka hria a. A hawn apiang mai hi a chhe viau zel maiin ka hria a. A Jail hawn lah hi a chhe hlein a hawng a, tunah pawh an awm hlei thei lo a ni a, siamthat leh a ngai a. Tin, khutah Chamdur leh Mautlang a zu hawng a, chu kawng pawh chu kal hleih theih mang loh a zu ni leh a. Khatiang khan tun chinah chuan a hawng leh dawn anih chuan a tha deuh hlek te min hawn sak tawh sela a thain ka hria a. Chu chu ka han sawi duh bawk a.

Tin, thil pakhat kan sawi duh chu sawi chakawm lo tak, sawi nuam loh tak a ni a. Police Motor hianin Zu a phur thin a ni tih ka hria a. Amah chu ka sawi lovang a, chu chu khawngaih takin min lo en sak se thain ka hria a.

R.D. lamah hian tawngkam hnih khat lek han sawi ka duh a, Pu Deputy Speaker. A chungah hian lawmthu ka sawi duh nachhan a awm a. Hemi Saibawh lui leh Chikhur lui leimin dawhkai sak a, BRGF leh BADP pawisain. Tin, chubakah chuan Rangva te pawh min han pe ve a, ka lawm khawp mai a, a chungah lawmthu ka sawi a. Tin, chutih rual chuan Pu Deputy Speaker, ka sawi a, ka sawi thin a, a ning viau a. BRGF hi a nihna ang takin in function tir a ni a tih rual hian vawiinniah hian BRGF hnuaiia hnathawkho hi sawlam pang mi saw an awm ngailo reng reng tih tur a ni a. Helam panga mi hi an tam hle mai a, BRGF nihna tak hi kan manlo deuh niin ka hria a. Helai tak hi kan Minister zahawm takin min enpui deuh se thain ka hria a.

Tin, minute hnih khat lek Pu Deputy Speaker, District Council-ah hian budget lo tlahniam ta hi pawl ka ti khawp mai a. LADC-ah 697 in a tlahniam a nikum aiin MADC-ah 963-in a tlahniam a, CADC-ah 470-in a tlahniam ta a. Hei hi chu a dik lo hle niin ka hria, District Council tan hian. Hei hi chu khawngaih takin min lo en sak leh se thain ka hria a.

Hei tun laia kan buaipui em em mai BADP pawisa direct-in kan hmu dawn an ti a, an lo au an lo au a, kha kan Council of Minister thukhawm khan an phal leh lo deuh nia hriatna kan nei. Hei hi chu khawngaih takin min lo en sak leh sela a thain ka hria a, chu chu ka ngen duh a ni e. Pu Deputy Speaker, ka lawm e.

**DEPUTY SPEAKER** : Pu Lalrobiaka ilo ko ang.

**Pu LALROBIKA** : Pu Deputy Speaker ka lawm e. Hei vawiinah Demand te kan han sawiho a. A chipchiarin kan sawi hman lo ang a. Amaherawhchu, kan demand te thil chi hrang hrang han en khan a lawmawm thawkhat hlein ka hria a.

Home atang hian han tan ıla, hei Home Demand ah hian vaibelchhe 361 nuai 75 sing 3 sang 2 kan hmu a. Hei hi a thlamuanthlak hlein ka hria a, heti zozai kan han neih hian sawi tur tam tak a awmin ka hria a. A hmasaa kan sawi duh chu hei Ministry hrang hrangte hian tum dan te pawh a in anglo khawp mai a. Chhun leh zan, zingte pawh ti ıla a dik thovin ka ring a. Chutiang chuan kan kal pui dan te pawh a inanglo fo va. Hei vawiinniah chuan kan Lal Isua leia a lo kal nachhan remna leh muanna kha a ni a. Remna kan neih loh avangin, muanna kan neih loh avangin a lo kal kha a lo ngai a lo ni a. Chutiang deuh hlek chuanin vawiinniah hian kan Sorkar chak tak a lo pian atangin nasa takin Dan leh thupekah mipui an zalen a ni, chuvang chuan mipui pawh hian nasa taka lawmthu kan sawi pawh ngaiin ka hria, kei ngei pawh hian lawmthu kan Home Minister chak tak leh kan House Leader chungah hian kan sawi duh a ni.

Nia, lehlamah chuan kan sorkar hmasa te kha kan hria a, kan hmu a, lehlamah chuan a mawilo lam nilo sela ramhnuaiyah te leh thil chi hrang hrang tawh thang anni a, engngemaw incident a lo awm hian mak tihna leh rilru a pawh tih viau na an nei lem lo emaw ni chu aw tih tur khawp hian kan ngainep emaw tih tur a nia, chutiang chu ani a, kan hriat angin kidnap han tih chungchang te pawh hi kan ngai neih ani deuh ber mai a, sorkar hmasaah khan, chuvang chuan tum 67 lai mai in kidnap a awm a ni. Chung kidnap reng reng chu chhanchhuah nilovin puanhnuai thil leh an pek chu kan zuk hmu lo na a, chutiang deuh roh a in lakchhuah chu ani deuh vek a ni, hetiang hi anih avangin vawiinniah mipui an lo zalen ta te, an duh duh an han sawi thei ta te, zalenna kan han nei ta hi kan vannei hle ani tih kan sawi duh a.

Tin, kan Police-te hnungkhirh lova hetiang kan hotute atanga instruction tha tak tak mai an han hmuh chinah hi chuan kidnap anih pawhin khawi hmunah pawh Mumbai-ah ani emaw, human trafficking pawh nisela, Cachar-ah ani emaw, khawiah pawh kan Police te hi an tha tawh a. A kengtute, a vawngtute azir hian kan Police te pawh hi an tha in an tha lo mai ani zawk a ni. Chutiang chu anih avangin vawiniah hianin mipuite an vannei a, tin, a bik takin mipuite pawhin kan Law & Order kengkawhtute kan Police te hi an chungah lawmthu kan sawi ngawih ngawih a ngai ani tih hi kan sawi duh a.

Tin, Police modernization chungchang te han sawi leh zawk ka duh a, kan hun kal tawhah khan Police modernization ah hian Ek In kalthei te kan lei a, kan dah tawl a, a tawpah thirchhe hralhin kan hralh leh ringawt a, chutiangte chu kan dinhmun kha ani a. Sum tam tak a luangral ringawt mai kha ram hmangaihtute tana tih awm loh tak ni si, amaherawhchu, kan tih tlat si anih avangin tute hi nge he ram hmangaihtu ni a, tute hi nge a tak taka thawk thin tih hi mipuiten an hria a ni. Chutiangte chu a ni a, hei vawiinni thlengin kal chhoh pui zel ani a, chung atanga hlawkna tam tak kan neih te awm mahsela thil diklo tak takte Mawza to tak taka han lei te, tin, Kel pal han lei teuh mai te tam tak a awm a ni, khang zawng zawng kha he huntharah hi chuan a awm lo ani tih kha kan sawi duh a. Tin, a bik takin kan Home Minister chak takina hetiang taka kan Police te an kaihruai thei te, tin, kan Police te pawh an lo duai lo, an kal na apiangah chhawr tlak tak tak

vek anni a ni. Fiamthu in an sawi thin a, MNF hunlai chuan Police ho chuan cement proportion chawh dan an thiam an ti a, Congress hunah chuan silai kah an thiam an ti ve leh thung a ni. Chutiang te chu a nia, fiamthu tute thawh nge ni, chutiang te chu ani a vawiinah hian kan vannei a ni.

Tichuan Demand No.38-na, Rural Development hi han pakai leh ila, vaibelchhe 112, nuai 48 lai mai kan han nei a, hei a bik takin thingtlang bialtu te kan ni a, Rural Development ah hian a zawng zawng deuh thaw hi kan in nghat a ni mai a, thil chi hrang hrang nichina zawhna ah te kan ngaihthlak tak ang khan, inchung atangin an lo neih thlengin kan inngat tak meuh meuh a ni a, IWDP kan tih te IWMP kan tih te, Water Shed Development tih te leh Wasteland Development tih te sawi tur a tam hle a, IAY thlengin, floods control and irrigation te leh BRGF, BADP te, khatiang khan kan in nghat nasa em em a, hei hi thingtlang pawhin kan chhawr tangkai nasa em em a ni. Chutiang chu a nih avangin nasa zawkin kan scheme te hi, chianguang zawkin department hian minrawn enpui thei sela a tha awm mang e aw, tih kan ngaihtuah a, a bik takin mipuite kan dinhmun te a inang vek lo a, kan dinhmun te avangin a then te chu sum leh pai kan hmuh duh avanga sum lam chauh mai ngaihtuah a, kan thawh ve tur lam ngaihtuah lo te pawh a awm theih a, chung kawngah te chuan nasa zawkin kan department hian minrawn enpui sela athain ka hria tih kha kan sawi duh a.

Tin, IAY bikah hian han sawibelh kan duha chu waiting list kan tih laia hi kan ram te nen hian a inmil lo mang e aw, kan ti a, a chhan chu zankhat thil thuah vanneihnate hmu thut theite, tin, chumai nilovin phai vai anga angai renga awm chi kan ni lova, chu chuan nasa takin kan dinhmun te pawh a ti danglam dawrh dawrh thei kha a ni a. Vawiinah Congress sawrkar an lo pianga, a leh pekah eng nge lo piang ang kan hrela a, khatiang khan a inthlak a mipuite pawh inthlak ve mai ka nih avangin waiting list han tih laia hi engtin emaw tih that dan awm sela a tha awm mang e aw, tih kha, kan sawi duh bawk a ni. Tin, nichin a kan sawi ang khan IWDP kan tih ang chi leh khatiang hrang hrang te kha PIA kut piah lamah hian department hian nasa zawka, check a enfiah hi nitheise a thain ka hria a, tih kha kan sawi duh a ni.

Tichuan Demand No. 25-naah Water Supply & Sanitation-ah hian han lut leh zawk ila PHE kan tihah hian vaibelchhe 115, nuai 92 sing 5 leh sang 8 kan nei a ni a, a thlamuan thlak hlein ka hria, an ni hi department ah chuan department active tak mai an ni a, khaw tinah a bik takin tun ah phei hi chuan, state fund atangin a ni emaw NABARD atangin a ni emaw, tin, NLCPR atang te pawhin sum tam tak hai luh ani a, chungte chu a ropui hlein ka hria a, kei a bik takin Phaileng water pump vawiin niah hian min han tih sak thei a, hengte hi a lawmawm hlein ka hria a, vaibelchhe 995.19 lai maia kan han pawthla thei mai te hi a ropui ka ti hle a PHE thawktute leh Minister chak tak zarah hetiang hi kan nei theih avangin abial aiawh pawhin lawmthu ka'n sawi duh a.

Tin, Industry ah hian vaibelchhe 40,74,87,000/- lai kan nei a, hei hi heta Budget speech a kan hmuh ang khan Agriculture... Pu Deputy Speaker, tawite Industry sector-ah khan thanna kan hmu a ni tih kan Minister khan arawn tarlang a, vawiinniah hian lawmawm hlein ka hria a. Chutihruah chuan thingtlang khua te nen engtinngge hnaivai zawka kan inngheh theih anga, engtinngge thingtlangah nasa zawka kan chhawr tangkai theih ang tih hi Industry a kan hotuten lo ngaihtuah sela ka ti a. Chutihruah chuan Carpentry bungrua sem tur

ang chi lo awm leh te pawh kha a vanneih thlak hlein ka hria a, kan bialah pawh tam tak kan mamawhin ka hria a, min pe theiturah kan beisei a, wawiinniah kan Minister khan. Kan Demand-te hi lungrual taka kan pass theih ka beisei e. Ka lawm e.

**Pu CHAWNGTINTHANGA** : Pu Deputy Speaker, i veilama mite hian an budget chhiar dan hi ka hriatthiam loh zawng tak a ni mai a! Revise Estimate leh Budget Estimate an compare deuh tlat thin a. Budget to Budget hi compare tur a ni a, Budget chhiar dan pangngaiiah chuan Revise Estimate leh Budget an compare chuan a dik thei lovang. Department hrang hrangah hian tlem tlemin a pung hret hret a, tam tak chuan a pung thei lo Financial constrain a nasat avangin tih kan hria a, a lawmawm hle nghe nghe a ni. Hetianga harsa tak chung pawha Department hrang hrang enkawl na tura kan sorkar hruaituten an la tipung thei hram hram hi an fakawm a, an hnenah lawmthu kan sawi a ngai zawkin ka hria a.

Kei chuan tawitein rawntih ka tum anga, wawiinah hian kan Home Minister zahawmtak Pu Lalzirliana leh kan Minister zahawmtak Pu S.Hiato te Demand kan sawi dawn a nia. A vai hian ka cover hman lo ang a. Amaherawhchu, avai hian pass turin ka'n support a ni tih ka sawi duh a ni.

Home Department chungchang hi tlem han sawi ila a thain ka ring a. Tun hma chuan harsatna tam tak kan nei thin a, rambuai hnuaiah kan awm a, thlaphang reng rengin kan awm a, chumi hnuaiah pawh remna kan nei e kan tih hnuaiah pawh muanna nei lovin reitak kan awm a ni tih a hailo tute vek kan ni tih kan zavaiin kan hria a. Tichuan, muanna hi a pawimawh em em mai a, tunah chuan muanna kan Home Minister chak tak leh huaisen tak leh kan Chief Minister tum ruh tak, Mizo mipuite hnena muanna pek tum tlat kaihhruaina hnuaiah muanna duhawm tak Zoram hian kan nei mek a ni a. Hetiang hian ka ngaihtuaha a lawmawm em em in ka hria. Kuminah phei chuan School result tha nei tamtakin a lawmna-ah kal ve tura min sawm hian ka kal ve fo thin a. Ka ngaihtuahna a kual a kual a, Home Department-ah hian heng zawng zawng kan vanneihna School lampanga kan development te, Department hrang hranga development te tobul chu Home Department hi a lo ni zawk a lawm mawle tih ngaihtuahna ka nei a. Chutiang chuan in chhut ve emaw.

Dik tak chuan khatiang hun harsa karah khan nu leh pa te thinphu dep depin kan awm a, kan fate lehkhah zirna tur ngaihtuah theilo leh an lehkhah zirna tur atana sum leh pai pawh thawk chhuak thei lovin kan awm a. Chumai bakah naupangte pawhin thinphu dep depin School kalna tur an hre lova, zirtirtu pawh kan nei hleithei lova, naupang ten lehkhah an zir thei lo. Hetiang taka Law and Order feltak kan nei hnu-ah chuan nu leh pa ten thlamuang takin hna an thawk thei a, an fate tana an lehkhah zirna tur sum leh pai dek chhuak turin hna an thawk a. Tin, an fate thiamna turin an rilru an seng thei a, zirtirtu te pawhin boruak muanawm hnuaiah thlamuang takin naupangte lehkhah an zirtir thei a. Tin, naupangte pawhin thinphu dep dep lovin, zan khaw tairek thleng pawhin tih takzeta thahnemngaiin lehkhah an zir theih avangin result tha kan lo nei thei a ni a. Chuvangin, Zoram nu leh pa leh naupang zawng zawng leh thalai te hian kan Sorkar, hetiang taka law and order, muanna feltak min pe tute, Home Minister remhre tak leh huaisen tak leh kan Chief Minister tumruh tak te hnenah hian

lawmna chang kan hriat hi a ngai a ni tih hi vawiinah hian uar takin ka han sawi duh a.

A dawt lehah chuan hetiang muanna kan neih hi venhim a ngai, a venghim turin enge kan tih ang. Nichinah khan Member zahawmtak Pu Thlenga khan khilai a bialah ramri hrulah Police Station Permanent min pe dawn a, a lawmawm a ti a, keipawh ka lawmpui. Helai Headquarter Aizawl-ah hian Police Administration feltak leh thatak kan neih mai hi a tawkin ka ring lova. Chuvangin, harsatna kan Zorama lo lut reng reng min ti buai thin tute hi, across the border a lolut hi a tam em em a, chu chu veng turin a vengtute hi kan siamthat a ngai a, kan cheibawl that a ngai em em a ni tih hi ka ngaihtuahna-ah a lo awm a. Tichuan, chungte pawh chu kan Home Minister chaktak hian remhriatna leh ngaihtuahna fing takin a hrethiam em em a, chutiang chuan hma a la mek a ni tih kan hria, a hnenah lawmthu kan sawi nghe nghe a.

Mahni bial lamah han kal ila, khilai ka bial chhungah Vanbawng-ah pawh I.R inkhuarna tur, in tha an neih lohna hmunah nuai 18 zet senga an chenna barrack sa turin sum leh pai min pe a. Tunah khian he construction hi a kal chho zel a, kan lawm em em a ni. Tin, a chhak lamah, tlangdung hranah khian Khawlian-ah IR Station kan nei leh a, ka kal apiangin ka tlawh thin a, khimi hmunah khian rap in hlui em em maiah kan sipai te khi an la awm reng a. Kan Home Minister hnenah ngei pawh tawngkamin ka sawi tawh a, ani pawhin remchang hmasa berah kan ngaihtuah dawn nia, min tih sak a, ka lawm hle a, hei hi a rang thei ang bera khi barack khi siamtha turin leh min sak sak turin, min chhinchhiah sak turin ka han ngen nghe nghe bawk ani e.

A dawt lehah chuan hei Rural Development hi a pawimawh khawp mai, ka hma a sawitu ten an sawi tawhang khan an hma lakna hi a tam khawp mai Indira Awaz Yojona tih ang rengte , mirethei lam hawi vek. Integrated Water Management Programme te, tin, SGSY tih te, tin, Bubakam National Rural Livelihood Mission kan tih te North East Rural Livelihood Project tih ang rengte a awm a, tin, Backward Area Grant Fund tih ang reng te Border Area Development Fund tih te, NLCPR atang te in hma an la a. Tin, chumai bakah Social Education te, Rural Housing tih ang rengah te hma an la a. Hei hi hmanni a General Discussion a ka sawi tawh ang khan, keini BADP in a tuam ve theihloh te leh Border Backward Grant Fund-in a tuamve theih loh ho chu kan inngahna a ni mai a. Social Education atanga development min rawn tih sakte hi kan inchuh leh lai lai dawn ani a. Duhthu fund hian ala samlo deuh mange aw ti chungin kan Minister hian khing bial harsate khi uluk taka min chhinchhiah sak turin ka han ngen duh bawk ani.

A dawt lehah chuan Tourism Department Demand No. 43-ah hian kan kal mai ang a, Pu Deputy Speaker zawh hman hram ka tum ang e, Tourism Department hi a dik chiah chuan kan ram atan hian a promising em em ani tih hi sawi ngailoin kan hre theuh mai ani. Hma a sawn chak em em a, tunah pawh hian an hmalakna tur Tourist destination, Chakhangte, Tourist destination Niawhtlang te, Tourist destination Chawngte, Palak te, Maubawk te, Chahleitla te, Tourist Lodge Serchhip te leh Serlui Lake destination te leh Aizawl Tut lui destination te an hmalakna tur ani a. An lawmpui awm em em a ni. Ka han sawi duh chu ka bial chhungah khian kan Chief Minister chak tak hmalakna avangin Hydrel Project siam tur ani a, Tuivai khi khuah tur ani, Mega watt 210 lai produce theih ani. Phuaibuang

ramah khian Hriangmualltang an verh tlang ang a, Power Station a awm rup mai dawn a, nakinah chuan Inland Water Transport te pawh Manipur nen khi lui Tuivai a kuahtlin atang khian kan lo nei thei dawn a. Speedboat-in Kangkap dai thlengin kan tawlh chho zel zel mai dawn a. Chutih hun atan chuan tourist destination hi khilalah khian a pawimawh em em. Mizoram chhim leh chhak, hmar leh thlang ka kal kual velnaah Zorama kham mawi ber Mawmrang Tlang chu Phullen khaw chhak maiah khian a awm a. A ang chiaha kham mawi Phuaibuang ramah an tui khuahna tur bulah khian, power station a awmna tur bulah khian Hriangmual kham a awm leh nghal a. Khingte khi tourist hip em em theitu tur an ni tih a chiang em em a. Chuvang chuan, khilalah khian kan Minister zahawmtak hian min lo chhinchhiahsak se, tourist destination hi min lo buatsaihsak lawk se ka ti a ni. Ka lawm e.

**DEPUTY SPEAKER** : Pu Nirupam Chakma ilo ko ang.

**Pu NIRUPAM CHAKMA** : Pu Deputy Speaker, ka lawm e. Hei, sawi tur tam tak a awm a, amaherawhchu, minute 10 chauh a ni a, tam tak ka sawi hman dawn lova. Minister zahawmtak pahnih Pu R. Lalziriana, kan Home Minister leh Pu S. Hiato, Minister for PHE and Industries te Demand - Home te, District Councils, Rural Development, Water Supply & Sanitation, Industries, Tourism, Department paruk atan. Sawisel tur em em chu a awm lova. Tin, MLA zahawm tak takte thusawi atang pawhin a lang chiang a ni. Minister-te an performance hi House-ah an sawi thin a ni a. Chuvangin, kan sawi atang reng rengin an performance hi hei, kum hnih leh a chanve kan hmang tawh a ni a, a tha viau niin ka hria.

A bik takin Home Department chungchangah khan, Demand No. 16-ah khan major law and order problem chu a lo awm lo a ni. Murder case te, rukruk case te chu sorkarin hei hi chu control a harsa, engtik nge a awm dawn an hre si lova. Amaherawhchu, major law and order problem tun thlengin a awm lo hi he sorkar vanneihna a ni. Tin, Mizoram mipui vanneihna a ni. Chutah chuan sorkar ringawt fak emaw Department, Police official leh personnel ringawt fak emaw a ni lova, Mizoram pumpui mipuite chu fak tlak kan ni. Mipui hian cooperate lo se chuan law and order problem a awm ang a, sorkar tan a buaithlak ang a, ram tan a pawl dawn a ni.

Amaherawhchu, Pu Deputy Speaker, Home Department chungchanga ka sawi duh chu sap tawngin 'premonition of impending danger' an ti a. Thil tha a awm rual rual hian thil tha lo pawh kha a awm thin a. Keini Border Trade te, Kolodyne Multi-modal Project te tuna siam mek leh Tlabung lamah Border Trade te, Champhai Zokhawthar lamah Border Trade te tunah a awm nek a ni a. Tin, rail kawng te .....chumi atan chuan tun atang chuan kan Sorkar in siam a ngai. Tin, kan Police personnel te pawh Home Department te leh department hrang hrang te, chutiang dinhmun compare turin, meet turin kan in buatsaih a ngai. Chu chu tun budget ah hian a tel lova, mahse, nakin zel atan preparation kan neih kha a tul a. Lawmthu ka sawi duh a, Chawngte Police Station hi building lianpui min siam sak mek a, tin, Borapansuri ahte pawh min siam sak dawnin kan hria a kan lawm lutuk a, quarters erawh chu engemaw zat sak belh a ngai a ni, chu chu min hriatsak sela.

Tin, inkalpawhna lamah a harsat avangin inland water transport hi a tha si a, chuvangin, fur laia inkalpawhna turin transport remchang a ni a, Speed boat Police Station tinah min pek sak thei sela chuan a bik takin khawthlang lamah, a man pawh a tam vak lo nuaih 1 in an hmu thei tho, chuvang chuan, Police Station tinah, entirnan - Vaseikhai-ah te, Vaseitlang ahte, Borapansuri ahte, Tlabung ahte pawh, Chawngteah te, Marpara lamahte pek theih chuan Police tan a sawt viau ang.

Pu Deputy Speaker, District Council chungchangah thil pakhat ka sawi duh chu District Council administration hi nasa takin an upgrade tawh a ni, kan hriat dan chuan an administration pawh a tha, tunah anmahni .....siam an tum a ni internal administration te, financial management chungchangahte, a chhan chu India Sorkarin a phut si a. Direct Finance an duh anih chuan eng emaw an siam that a ngai a, chumi kawngah chuan nasa takin hmalak a ni a. Tin, Village Council administration te pawh tun aia changtlung zawkin kalpui an tum a, entirnan, Village Council dan te amendment an tum a, Lai Council chu an amendment tawh a, DC term te pawh 5 years ni turin an ti a. Tin, Election reng reng hi tun hmian anmahnin an conduct thin a, tunah chuan Mizoram State Election Commission entrust turin Lai Council chuan bill a pass daih tawh a, an dan te pawh an siam tawh a, tin, Lai leh Mara te pawhin siam an tum niin ka hria a thil lawmawm tak a ni. Hun hmasaah kha chuanin political .....avangin District Council hmasawna daltu pakhat a ni, chuvang chuan tunah political stability an nei, District Council Administration mumal takin kal a nih avangin scheme implementation chung changah pawh nasa takin hma a sawn a ni. Mizoram Sorkar mai ni lo, India Sorkar pawhin an hria ani. Tin, tunhma bad impression District Council pawisa hman mai mai thin kha tunah chuan a awm lo tluk ani a, amaherawhchu, alarming chu hei District Council Budget han en hian tunah pawh Demand for grants-ah pawh kan hmuh theih chu a tam zawk hi salary ani a. Non salary a tan tlemte hi a alarming lutuk a chuvang chuan revenue expenditure hi tih tlem theih dan a awm em tih kha ngaihtuah zel sela, chumi rualin development sum tih pun theih dan lo ngaituah sela ka duh a. Tin, BADP chung changah India Sorkar in direct a pek a tum tih lekhka pawh kan dawng tawh a, hei hi Minister zahawmtakin a ngaihtuah thiam ang chu ka ti mai a, sawi tur tam tak chu a awm lo.

Tin, Rural Development hei Pu Deputy Speaker, sawi tur tam tak ala awm a, lawmthu sawi tur hliir kan nei a nia, kan bialah chungkaw 100 hnenah rangva te kan sem thei a, mahse hei hi tihpun theih dan a awm em ka ti a ni. MNF te pawh kan pe tho a, pakhat chu a zak a keimah ngei in ka sem a, MNF a nih avangin a zak a, midang kha kal turin ati a ni. New Land Use Policy pawh khatiang tho kha ani a, eligible family zawng zawng chu kan pe vek a khua zawng zawngah Saizawh khua hi Congress aiin MNF tam na khua ani a kan pe vek a ni. Pu Deputy Speaker, tawng lamah a harsa a chuvangin hun tlem min pek belh thei la ka lawm khawp ang.

Industry chung changah khan PMEGP hi Prime Minister Employment Generation Programme hi tunah kan mamawh viau niin ka hria. Kan bial lam atangin kumtin diltu an tam si a, loan hi. Tun hmian an hre lo a, he scheme hi, nikum atang chauh in an hre tan a, ni kumah pahnih in an



dil a, an hmu ve ve a, kuminah 70 in an dil a ni. A hmu tur chu 2/3 nge eng zat nge ka hre chiah lo a, a hmu tur chin hi tih pun theih dan a awm lawm ni? ka ti a, un-employment solve nan a tha viau in ka hria a he scheme hi. Chuvangin India Sorkar atang pawhin tam deuha dil theih dan a awm lawm ni. Tin, Industry chung changah ka sawi duh chu, Chawngte-ah khan Sub-Divisional Industry kan hawng a, kan sawrkar hmasa khan, Congress sawrkar hmasa khan, amaherawhchu khawiah nge office kha tih tunah zawn a ngai tawh ani. Buiding pawh sak tawh ani a kumsawm kal ta chhungah Chawngteah khan, sawrkar hmasa MNF sawrkar lai khan engmah an ti lova, chuvangin, khawngaih takin tunah kan sawrkar tawh si a, min zawn sak sela. Tin, chhimlamah District Council-a Backward area anih avang in industrial estate pathum Lai, Mara, Chakma-ah khan siam theih dan min lo ngaihtuah sak sela ka duh a. Pakhat chiah Pu Deputy Speaker, Tourism chung changah pakhat chiah ka sawi duh. Tourism hi kan sawi a prospect pawh a tha, kei pawh tourism depts enkawl tawh ka ni a, ka hre chiang lutuk, a harsa ber chu Zu awm loh vang in ani. Zu awm lohna ramah chuan tourist kal duh tawh lo, chuvangin Tourist kan promote duh chuan zu kha kan zuar a ngai, chu ti lo chuan beisei a awm lo, pawisa sen pawh engmah awm zia a awm lo.

**Pu T.T ZOTHANSANGA :** Pu Deputy Speaker, ka lawm e. Hei tukin zing chanchinbuah khan ka rilrua thil pakhat awm reng a awm a, party pakhat senior Vice President khan in, “Tuna kan ram hrui te zingah Mizoramin zalenna a sual lai a ramhnuai a zankhat pawh riak peih lo, vai sipai hlauh vanga rampawna chhuak te”, tih te kha a rawn lang a, atir chuan kan la na deuh dawn a, “Tute a sawina nge ni ang” tih ngaihtuah a, Assembly chhunga an party member te hi an lo ni chiah mai a, an party inkar thil sawi anih avang in ka rilru a dam leh ta deuh a.

Hei, Pu Deputy Speaker, nikum khan ka rawn sawi tawh a, Mizoramah tui thianghlim kan mamawh a, kan PHE Minister in theihtawpin, rimtakin an thawk chho zel a, tichuan, hmun hrang hrangah lawmthu hliir kha kan sawi kan sawi anih kha. Kan minister a fakawm ka ti a, chutih rualin ka rilru a thil awm fo a chu, tui thianghlim in tur khua leh a mipui tana kan han lak hian a remchang a piang kan la mai lo thei lova, chumi tui kan intur a chu nasa takin tihthianghlim a ngai thin ani ti khan ka sawi a, chuta ka sawi naah chuan tui ti thianghlim tu hi BSc chemist chauh mai hi kan nei reng mai a, khawvel thiamna te a pung a Microbiologist te, environmental scientist te, limnologist te, kan Mizo zingah mi thiam tak tak an chhuak an chhuak ta si a, “Hengho te Recruitment rules-ah an luh theihna dan hi i siam thei lawm ni”, ti khan nikum khan ka zawt a, ‘kan ti mai thei turah ka ngai’ tih kha min chhan dan kha ani a, recruitment rules hi kan siam tawh em? Khangho tel theihna tur khan, an leng thei dawn ta em tih kha nakinah min rawnsawi fiah sak se ka duh khawp mai a. Sangha vuak te kan uar a, tur hrai te, tur kan han hrai phei hi chuan tunlai kan kal danah hianin ni 2/3 te tui paih kang a ngai kan ti a. Khatianga paih kang ngai kher lova a treatment ti thei mithiam hi kan nei tawhin ka hria a. Chuvang chuan khalam zawn a kan rilru kan put kha tha ka ti a. Tin, hei khawchhak lam atangin plastic sarang rawng nei chi te alo kal ta a. Hetiang rawng hi tuia han chiah hian a zawp vek mai a. Hetah tuiah khan thliarhran hleih theih tawh loh in a awm thin a. A

dik tak chuan tunlai hianin zuk leh hmuam kan fight nasat ang tluk hianin tui tihthianglimna kawngah hianin tan kan lak a ngaiin ka hria.

Doctor thiam te leh kan mithiam tena an sawi dan chuan kan natna tam zawk hi water borne diseases deuh vek mai alo ni a. Chuvang chuanin tui tamtak nei tura kan hma lakna kawngah hian tui thianglim nei tura tan kan lak a ngai lehzualin ka hria a. Hei keini ho hi chuan diktakin sawi ila, a bottle in kan va leia, kan in mai thina. Amaherawhchu, zokhua a kan mipui tam zawk te, bottle pawh la hmu ngai reng reng lo, in pawh in pha lote an tama, hetiang tena tui thianglim, awm hmunah, thut hmunah an lo neih ve theihna turin, a tui tihthianglimna kawnga mithiam kan rawih theihna turin recruitment rules a kha an ti ngei turah ka ngai a. An tidanglam anih phei chuan a copy pawh kha min pe thei hram se tih kha kan sawi duh a ni.

Tin, Hnahlanah khian kum 2008 khan SDO post siam a ni a, tunthleng in a hmel kan la hmu lova. Kha kha a theih hram chuanin min rawn pek theih dan leh harsatna te a awm anih chuan min rawn react thei se kan duh bawk a. Tin, chutih rualin Khawbung bialah khian Pu Thlenga khan a sawi ta chiah lo na a, Samthang tlangah khianin tuikhuah tur tha deuh mai a awm a. Khaw 10 vel chawm thei tur. Tlemlai deuh khan an khaw hotute nen kan han survey vek a, PHE hotute nen. Kha kha la rawn kalpui kan tum a ni a. Khi khi atha khawp mai a, min lo hriatpui se kan duh bawk a ni.

Tin, Pu Deputy Speaker, Geology and Mining Industry hnuai mi kha rawn sawi tel kan duh bawk a. Hei hi kan ram tan hian a paw ka ti khawp mai. Remna leh Muanna chungchangah hian kan inhnial nasa a, chumi rawn hawn a ni, chutiang khatieng a ni tih vel eng eng emaw inhnialna tawp thei lo hi kan nei reng dawn ni hian ka hria a.

Chutih laia kar thil paw tak mai awm chu Special category state kan ni kan ti a, hei, helaiah hianin Pu Deputy Speaker, i phalna in Article 371-A-naah Nagaland chungchangah chuan, anni chuanin ‘ownership and transfer of land and its resources’ tih kha a tel a ni. Tichuan Mizoramah ve thung chuan 371G-ah khan ‘special provision in respect to the state of Mizoram’ a rawn tia. Heta a rawn sawi na kan chan tawkah chuan ‘ownership and transfer of land’ tih kha a ni ta a ni. ‘And its resources’ hi kan hotuten an rawn hawn ve lo reng reng. Hei hi paw ka ti khawp mai. Mizoram resources hi an sacrifice a ni, kan khawih theih loh turin an dah a ni. Hei hi thil paw tak mai a ni. Hei hi constitution a ni a, Parliament-ah zuk ti danglam leh dawn ila, a theih loh reng reng.

Hei, Khasi ram te kan hria a, hmun dang dangte kan en chuanin a ram neitu nihna an nei, Khasi ramah chuan “In ram hi engtia thuk nge in neih” kan tih chuan, “He kan chenna lei centre thleng hi kan zuk nei a ni”, an ti ani. Keini erawh chuan hetia kan hmuh theihah hian thu kan nei a. Oil te pawh kan han ti a, kan han extract tak tak dawna, engang chin nge kan thuneihna hi a hriat miah loh a ni. Khalaiyah khanin hei kan mithiam Pu Ramhluna te, Pu Thangtea te phei hi chu inremna lai khan lo awm seng chuan hetiang hi chuan an rawn hawn duh miahin ka ring lo a ni. A paw ka ti khawp maia, kan ram natural resources hi kan thu lovin a awm a ni a, hei hi a paw ka ti a. Hei India ram constitution kan han en chuanin, Pu Deputy Speaker, i remtihna in hei keinin a 7<sup>th</sup> Schedule a rawn lannaah chuanin a tam mai a. Oil fields and mineral resources tih te petroleum and petroleum products, other

liquid and substances tihte, mines and mineral developments, heng zawng zawng hi Union List a ni a. Amaherawhchu, inremna tak tak an duhna hmun leh an duhsakna hmun Nagaland te angah hi chuan heng hi an pe chuak pawp pawp mai a ni. Keiniah chuan pakhatmah kan nei ve lo. Hei hi thil pawl tak niin ka hria a. Kan ram, kan hnam kan hmangaih kan ti a, a nuam kan ti, dawt kan sawi lem lo. Amaherawhchu, a neitu nihna tak tak hi kan lo chelh chiah lo a nih hi mawle, ka ti a. Chuvang chuan Zoology & Mining ah pawh hian theihtawpin tan kan la ang a, kan hotuten hma an han la ang a. Tunah hian, ka hriat sual loh chuan, Deed of agreement te pawh kan siam tawh niin ka hria a. Chanchinbua a lan dan chuan a oil han zawn hna te pawh zaa 58 kan zo tawh niawm takin ka hria a, chanchinbuah khan a rawn lang a. Kan deed of agreement te kha nakin zela thangthar fing ten min dem mai lohna turin a theih hram chuan khang copy te kha lo hmuh ve ka duh khawp mai a. Nakin zela thil pawl turte a lo awm a nih chuan, tuna a siam that theih hun lai hian siam that tha in ka hria a, kha kha ka ha hawlh zawng tak mai a ni.

Tunah hian Mizoram hi Pathian pawl thinte leh Pathian miten leilung zawng zawng hi Petroleum oil and Natural gas chungah kan thu a ni an ti thin a. Hei hi tak tak a lo nih phei chuan kan ram hausakna tak tak tur, Pathianin mal min sawm tak takna, a hring a hran a lo lang tur a ni. Helaiiah hian engzatnge share kan neih ve dawn tih kha sawi chian a ngaiin ka hria a. Hei, Power kan han siam chuan, chuti zat chu kan chang dawn tih kan hre mai a. Amaherawhchu, natural resources ah chuan a awm sa a nih avangin kan hauh hnem pawh a ngai ang. Assam ramah tha deuh mai an nei a, khutah Barauni-ah, Bihar-ah an zu dah daih mai a. Khami avang khan Assam Student Union te pawh an lungawi thei lova, Assam buaina tam tak pawh khu a ni ve bawk a ni. Chuvang chuan kan ram revenue hnar tur ber si hi a theih hram chuan kan uluk a, kan fimkhur a ngai a ni.

Tin, chu bakah Pu Deputy Speaker, 58 percent an tih zawh tawhnaah hian hlawm 4-ah then a ni a, Vairengte to Aizawl - sq km 5340 bial, Thenzawl to Lunglei - 3213, Saiha to Lawngtlai to Lunglei - 3690, North Hlimen leh a chheh vel - Km 255 bial te an ni a. Khaw chhak lam khi a tlai leh a fualah hian kan tang ve deuh ziah mai a, an rawn survey ve hram thei em tih ka rawn sawi tel duh a ni. Chu chu Geology & Mining bikah chuan ni sela.

Tin, Pu Speaker, Home-ah hian, khaw chhak tlang dung khi Mizoramah chuan State ralmuang kan nih tawh hnuah harsatna kan tawh tamna pawl a ni a. Khaw chhak lamah Burma Sorkar, democracy awm lohna ram, ram mawl ve tak kha kan nghan chhan a ni a. Khilai karah khian helte khian min rawn tlawh pawh ve reng mai si a, BADP te awm lo phei se chuan khilai khi ro ve ngawih ngawih tur kan ni a. Chutih lai karah harsatna hrang hrang, Manipur lam atang te leh hmun dang atangten kan nei ve thin a. Chuvang chuan Champhaiah khian Police, a company leh engemaw khi a awm ve si lova, hetah Khawzawl a mi daihin min rawn bial mai si a, chuvang chuan Hnahlan leh Dungtlang ang velah khi chuan engemaw thu/hla han awm pawha han che vat thei tur Police hi neih ve tha ka ti khawp mai a. kha kha kan hotuten min lo hriatthiampui se tih kan duh tel bawk a ni.

Tin, Tourism hi khaw chhak tlangdung lamin kan en ber a ni a. NLUP te kan han ti a, khaw chhak tlang dungah khian thil tha a tam khawp mai a. Pipu sulhnu hmun hlui, luruh hmun te, Thasiama se no neihna tlang te, khilai hmun te reuh te te khi kan ram tan NLUP-ah i siam ang u kan ti duh a, khilai te khi kan reserve ang a, kan hum halh ang a. Tunah hian mihring finna te a sang tawh a, a

hlawm hlawm in han in kal chhawk te kan ching tawh a ni. Chungah chuan Vaphai hmunah te, Dungtlangah te, Khuangleng hmun angah te khian Tourist thlenna ang em em ni kher lo, tlawm tak a an thlen theih na tur hall lian deuh, mi sawmhnih sawmthum vel thlen theihna tur BADP hmang angte pawh hian min han sak sak thei selang chuanin kan Historians hote leh khilai thil hlui ngaisang tu te ho tan hian a tangkai awm mang e, tih kha ka'n ngaihtuah a, kan hotuten min lo ngaihven sak se a tha awm e.

A tawp berah chuan ka rilru a thil awm pakhat niminah khan ka sawi ve hman leh ta lova, kih hnawh kan han ti kan han ti a, inthlan dawn a sorkar hmasain an han kih hnawh kan han tih tak kha, khalaiia sum involve kha tukinah ka keu fuh hlauh mai a. Khatia sum a awm nge awm lo, Financeah pawh a tih theih leh theih loh tih pawh thlir miah lova sum involve tur a School 337-a han upgrade thut mai khanin kum khata kan sum sen tur a hi ₹1662.16 lakhs (nuai sangkhat zaruk sawmruk pahnih leh point sawm paruk) zet mai kha alo ni a, kha kha an dah hnawh hle a ni tih kha kan sawi duh a. Khami avang khanin harsatna kan tawh a ni.

Tin, tunah hian vanneih deuhna pakhat kan neih leh a chu, kan manifesto hi a vai vai a tihlawhtling turah hian min ngai a, an keu an keu a, nakinah pawh an la rawn keu leh in ka ring a. Kan manifesto hi tunah hian a vai vaiin kan ti hlawhtling thei chiah lova, a step in kan kal chho zel a, hmabak kan la nei a, kha kan hmabak a kha kan hmabak zel a ni a. An la rawn sawi leh anih chuan ngaihthlak dan min lo thiam rawh u tih kha ka han sawi duh a ni. Tichuan, kan Demand hi ka thlawp e.

**DEPUTY SPEAKER** : Tunah Pu John Siamkunga, chumi zawhah Pu R. Selthuama.

**Pu JOHN SIAMKUNGA** : Pu Deputy Speaker, ka lawm e. Tam tak ka sawi lo ang a. Hei kan hriat angin kan House Leader leh kan Chief Minister zahawmtak kaihhruaina hnuaiiah he sorkar hi tha tak a kal in, Demand kan sawiho a piangin a khawi lam lam ami paw'n lawmthu kan sawi tlangpui a, chumi awmzia chu kan sorkar kal danah hian kan la lungawi a, kan sorkar kal dan hi tha kan ti tlangpui a ni tih alangin ka hria.

A hmasa berah chuan Demand No. 16-na Home chungchangah hian kan hriat angin Ministry hmasaah khan, tute nge hlauh tur? Khawi lamah nge ral an awm? tih pawh hre mang lovin mipui kan chi ai thin a, engtiang anga nun tur nge tih pawh kan hre mang lo a ni, khawilamah nge hlauhawm lo thleng thei tih pawh kan hre bawh lova, mipui kan ti hle a ni. Vawiinah erawh hi chuan khang zawng zawng kha alo reh tawh a, nun a ralmuang a, mipui kan thlamuang tawh a, heng atang ringawt pawh hian he sorkarin sorkar tha dinna atana mipuite ralmuanna a thlen hi a ropui hle in ka hria.

Tin, he Department-in hna a thawhna hrang hrang tam tak sawi tur awm, mahse ka sawi lovang a. Vawiina kan hriat lar tur zingah chuan Fire & Emergencies-te Director hona hnuaiiah dah alo ni tawh a, hemi atang hian

helam pawh hi an changlung hle turah a ngaih theih a. Tin, Anti-Corruption Branch te pawh kha S.P-in a awp thin a kha DIG hnuaiah dah anih atang hian chhungril tak zuk sawi a ngai lo, a chiang mai a ni. Tin, chutiang ang bawkin Traffic te pawh hi S.P hran alo ni a, hengah te pawh hian thui tak zuk sawi ngai lovin chiang takin an hnathawh hi a tha ani tih a chiang a, awmze nei taka Sorkar Department kaihhrui a nih takah hian hma pawh an sawn hle niin a lang a ni. Chutih lai chuan Thingsaiah khian Police Station pakhat a awm a, check gate kan dil a, Burma nen kan inkal pawhna a ni si a, kan ti a. Kan Home Minister-in min lo ngaihsak a, phalna min pe a, kan hawng ta a, amaherawhchu, a lem ang reng hle a, sum te a awm rih loh avang khan; mahse mi in luahin hawn chu a ni ta tho tho a. Thil ruk kal chhohna ber a nih avang khan check gate pawh a reh phah hlein ka hria a ni; mimal in an luah a, VC ten a luah man an la tum a ni a. Chuvangin thuam thata tihchanglung dan min ngaihtuah sak se kan ti khawp mai.

Tin, Hnathial Police Station saw tunhma khan SDPO dah thin a ni a, tunah a awm tawh lova, min dah sak leh thei ang em? South Vanlaiphai Police Out Post pawh hi tlema min tih phuisui sak kan duh a.

Tin, PHE chungchangah hian kan member zahawmtak takten an thil tih ropui tak takte an lo sawi tawh a. Chung zinga kan sawilan duh chu Rural Water Supply Scheme hnuaiah hian 2008-2011-ah khan mihring singkua leh sangthum chuang tui intur an pe thei tawh a, an hnathawh a tha hle niin a lang a ni. Tin, hetih lai hian keini bialah pawh sawn Hnathial pawh tui min pump sak dawn a, vaibelchhe 7 chuang daih senna tur a ni a. Tin, Cherhlun khi tui min pump sak dawn bawk a, lawmthu ka sawi nghal a ni.

Tin, Industry-ah hian Handloom and Handicraft hi Luangmualah a awm a, Mining pan naah a ni a, hmeichhe Hostel a awm a, hmun nuam lai takah a ni a awm. MNF hun lai khan General Secretary pakhatin helai hmun hi a LSC an ti a, hei hi kan Minister-in min enzui sak sela, Sorkar ram mimalin kan chuh fo hi a tha lova, chik zawka min lo en sak ka duh a ni. Tin, R.D. depts.-ah BADP-ah he sorkar hian hna a thawk tha a. A ti mai mai lova, tih takzeta a tih avangin, abikin keini bialah te pheih chuan Field puitling tur pahnih kan siam a. Pakhat chu kan zo tawh a, pakhat khi tlemin kan la zo lo deuh a. Tin, khaw tinah khian field tha tak tak kan laih sak a. Community Hall hi 5 vel hawn theih deuh thaw tawhin kan buatsaih tawh a, hall neih lohna hmun khi a awm tawh mang lo a ni. Tin, Auditorium te kan sa a, kawng pawh hi 10 Kms chuang kan lai tawh a ni. Chubakah School building te kan sa a, engemaw zat kan sa tawh a. Tin, Sub-centre building te pawh kan sa a. Khilala mipuite pawhin Congress sorkarin tih takzeta hmasawna hna a thawhzia an hmu a, lawmthu sorkar chungah hian an sawi thin a ni.

Tin, IAY chungchangah hian kan strict deuh hlek a. In tha nei na na hi chu pek loh ni se, in neilo lamah i kal ang kan ti a. Za a za thei lo mahila chutilam hawi chuan kan kal hram hram a. A bu kan siam a, kan BDO in a bute alo buatsaih a. Anmahni in kawtah kan dintir a, thla kan la thin a ni. Chumi chu a bu hi ka kawl ve zel a. Tunah pawh a hnunung bera hi an rawn dah thla a, sorkarah pawh an la rawn pelut ang a, khatiang khan hma kan la a. Tin, NREGS chungchangah pawh hian thla kan la zel a, a theih ang tawka tha a thawh sorkarin a tum a. Helamah pawh hian nasa takin hma kan sawn a ni tih kha kan sawiduh a. Tin, a enkawltu, a Minister pawh hian

heti lamah hian tha taka enkawl tura instruction a pek reng avang hian a chungah lawmthu kan sawi a.

A tawp berah chuan Tourism chungchangah. Tourist Lodge hi hmanni a kan Minister zahawmtakin zawhna chhanna a pekah khan tam tak hawn tur a awm ve ni. Chungah chuan kan bialah khian South Vanlaiphaiah leh Darzoah khian a awm ve a. Chung pawh min hawnsak thuai turah ka ngai a. Ka sawiduh lai taka chu kan Mizo thawn thuah khan Tiau leh Chhimtuipui insuala kha kan chhiar thin a ni. Tun ang fur hunlaiah pheih chuan tiau a rawn lian a, Chhimtuipui a rawn lian bawh a. An han intawh chu a insu na khawp a, an inbuan thual thual a, an inkeuh thual thual tiin kan Mizo thawnthuah khan kan hmu a. Miin hmuhawm an ti a, haw nachang an hrelo a, eirelna chang an hrelo a. Nupa tuak 7 lai an inthen phah a ni tihte pawh kan hmu a ni. Chuvangin khilai khi Tourist ho hip tur ber niin ka ring a. Tourist destination atana hmuntha anih ka ring a. Kan Tourist Minister hian khawngaihin min lo chhinchhiah sak sela. Khilai hmun khi kan siamthat chuan sorkar sum hnar tha tak anih ka ring a. Mizo tawh phawt chuan tun ang furah hian, Tourism deptt., hian han siamtha se chuan en tuma kan tlan deuh vek duh hi ka ring a. Khilalah khian nasa taka hma min laksak turin kan ngen bawh a ni e.Le, a pumpui thuin he budget hi tha ka ti a. General discussion-ah kan luhchilh tawh a. Vawiih erawh chuan luhchilh ngaiin ka hrelo. A tha tlangpui niin ka hria a, ka lawm e, Pu Deputy Speaker.

**DEPUTY SPEAKER** : Pu R.Selthuama, a dawtah Col.Sangzuala, Pu Zothangliana.

**Pu R. SELTHUAMA** : Pu Deputy Speaker, ka lawm e. A hmasa berin Demand No. 16 na hi sawi ka duh a. Kan hotupa boral ta Pu Lalsangzuala khan, 'Mizote hi hruih tha hnuaiiah chuan hruih nuam tak kan ni e' tiin a sawi thin a. Kha kha a dikna alo lang ta niin ka hria a. Hei Home Minister hotu tha tak, fel tak kan nei a. Ani kaihhruih hnuaiiah hian Mizo ten thu kan awih theih zia kan tilangin ka hria a. Tun hma zawng khan Krismas leh Kumthar bawh velah halpuah khap a ni thin a. Tuna kan Chief Secretary ni lai Aizawl D.C. a a awm lai ngei te pawh khan an khap a. Aizawl khawpui te pawh kha a round a ni. Mahse, khanglai khan an khap thei lova. Tunah kan Home Minister-in khapna thu a han pek takah chuan a reh duk mai a ni. Thehmeh chu ring zawte a ni. Khang khan Mizo mipuite hi hotu tha hnuaiiah chuan hruih nuam tak kan ni tih hi a rawn tilangin ka hria a, a lawmawm hle a ni.

Tin, kan hriat theuh angin hun hmasa lamah khan Aizawl khawpui hi kan ralmuang lo hle a. Khawilai hmunah emaw chuan Hel an awm a. An awm mai pawh ni lovin training te an nei a, chulai hmunah chuan an train tih te kha a awm kha kan hre thin a. Tunah chuan khatiang kha a awm ta lova, thlamuang takin kan awm a ni. Amaherawhchu, khanglai hun khan kidnap te kha a awm thin a. Khang kidnap awmte kha tun anga chhanchhuah hi an awm ngai lova. Pawisa an phut a, Sorkar hian pawisa a pe e tiin khatih hunlaia opposition-a awm tuna kan Home Minister ni ta hian a sawi thin a. Chung avang te chuan thubuai te pawh a neih phah tih kan hria a. Tichuan, hun a lo kal a, Home Minister a rawn ni ve ta ngei mai a. A hunah chuan vanduaithlak takin kidnap a lo awm ve ta a ni. Mipuite chuanin tun hmaa

pawisain in tlan thin ti tu te khanin hei kidnap a han tawng ve ta a, engtingge a tih dawn tiin kan lo thlir thup mai a nih kha. Tichuan a ni chuanin, Police te hnenah, “In chhanchhuak ngei ngei tur ani, hemi te chhanchhuak lo hi chuan lo haw suh u” tiin thu a han pe ta a. Hetiang ang hi kan la tawng ngai love an ti nghe nghe a Police te pawhin. Tichuan, kidnap a nih atanga ni 11 chhung lek mai khan kan Police huaisen tak mai te chuan theihtawp chhuahin zan pawh mu lovin an han bei a. An kidnap te chu an chhanchhuak ta a ni. Hengte kan han ngaihtuah hian kan hmanraw neih thatloh dan te, kan Motor neih thatloh dan te zuk ngaihtuah chuan USA Navy Seal tena Bin Laden an va that a, an va tih ang te leh hmana Israel hovina Entebbe Airport a Hostages te an chhan chhuah ai khan tuna kan Police-te thiltih hi a nep chuanglo a ni, a ropui zawk mah a ni tih hi ka sawi duh a. Kan Police huaisen tak te hi kan chhuang a, anmahni vangin keini Mizote pawh hi kan hawi sang a, hawi vel te pawh hi nuam kan ti a ni tih kan sawi duh a.

Tin, chutih lai chuan Indopui -II lai khan British Commando ho kha hmelma hmunpui tichhe turin an tir a. Tichuan, hlawhtling takin an va tichhia a. An va tihchhiat, an va kalna report kha an thehltut a Prime Minister Churchill-a hnenah. Chutah a nin a lo chhiar a a hnuai lehkhah a rawn ziahah chuan, “Heng kan mihuaisen tak te tan hian engnge kan tih ve le?”, tiin a rawn ziaak a ni, chu chu vawiinah ka rilruah hian a lo lang a. Heng kan police huaisen takte tan hian kan sorkar hian engnge a tih ve le? tih hi kan zawt duh a. Lawmman engngemaw, reward ropui tak an phu tawh hi chu an pe ve ngei turin kan beisei a, he House leh nangmah kaltlang hian Pu Dy. Speaker kan dil pui nghe nghe a ni.

Tin, thil hote anga lang mahse tangkai em em mai chu Fire chungchangah hian, tunhma khan kan hria a. Fire ho chu an motor hmun khatah an dah a, mahse, Aizawl khawpui a lo chep tawh a, kangthelh chungchangah pawh hian an kal zung zung thei lo a ni. Tunah chuan kan hotute remhriatnain hmun hrang hrangah an han dah a, chhim lam tan pawh helai mai Sectt. tualah hian an dah a, chuvang chuan thal laia kang a awm te pawhin chulaiyah chuan chu chu a kang a, amaherawhchu, kangthelh motor te a hun takah an lo kal a, thil pawh a khawih hman lo tih ang te kha kan hmu tam a, chuvang chuan thil awmsa remhre taka an han ti hi a lawmawm ka ti tak tak a, hetiang ang hian ti zel turin ka duh a ni.

Tin, chutih rual chuan kan Police-te kha nichinah khan kan han sawi a, Police-te hi hawihhawm zui zel sela, hawihhawm tak hian awm sela, India ramah, a bik takin keini Mizoramah chuan Police te hi nau tap tihthaih nan kan hmang a, “Tap suh, Police in an man ang che”, kan ti thin a, sap ramah chuan, “Harsatna i neih chuan Police hnenah kal rawh, tanpui turin sawm rawh”, an ti thin a. Chutiang ang dinhmun a din ve chu a chakawm tawh a, chuvang chuan hotu fel tak kan neih lai hian kan Police hotu fel tak takte pawh hian an naute hi chutiang anga zirtir a, keini, a mipuite pawh hian Police te pawh hi Mizo mipuite tan inngahna tlak, harsatna kan neih pawha kan pan tur an ni tih hria a, “Harsatna i neih chuan Police hnenah kal rawh”, tih kan inzirtir theihna turin kan Police te hian hawihhawm te hi chhuah chhonzawm zel turin ka’n ngen duh bawh a ni.

Tichuan, Demand no. 38-naah kan kal leh anga, Rangva sem, Rural Housing chungchangah hian. Tunhma khan hotute zarah rangva sem pawlah RD-ah hian ka awm ve thin a, khatih hunlaia rangva an semah khan he House ngeiah hian Pu Biakzuala ex-Minister khan a sawichhuah ka hria a. “Ka bial chhungah chuan nu pakhatin rangva a han dawng ve a, a tap a tap mai a, engatinge i tah an tih chuan “Kan pa damlai khan Di In chhe deuh, far tluah tluah thinah kan cheng thin a. Tunah chuan hei rangva inhnuaiyah ka awm ta a, lo dam se han hmu ve sela nuam a ti dawn em a, ka tia ka lung a chhia a ni”, a ti e, an ti a. Chutiang chuan thingtlang a kan miretheite hi chuan rangva chung neih te hi an lawm a. Chutiang anih laiin sorkar hmasain kum sawm zet rangva a sem tawh lova. Tichuan, tuna kan sorkar thar, kan Minister viak tha tak mai kaihhrainaah hian rangva an han sem leh thei te hi a lawmawm ka ti a, thingtlang mipuite tan chuan a lawmawm lehzuah a ni. Tin, Aizawl khawpuiah hian thingtlang a mirethei ai maha rethei hi kan awm ve ani tih hi kan hotupa hian min hriat sak sela ka duh a, thingtlangah a tam zawk za a sawmkua leh tih hi an sem a, Aizawla kan miharsa zualte hian an mamawh ve a ni. An rawn dil chuanin pek ve ngei tur an ni tih hi minlo hriat sak sela tih hi waviinah he House through hian kan sawi duh a ni.

Tin, Social Education chungchangah hian, RD ah hian, Hall sakna te min pe thin a, nichinah thenkhat chuan kan bial chhungah BADP hnuaiyah Hall kan sa a, ‘Kan khua ah, kan bialah chuan Hall awmlohna pawh a awm tawh lo e,’ an ti a, Aizawl khawpuiah hian Hall awmlohna kan la nei tlat mai hi a zahthlak kan ti dawn em ni aw, kan ti a. Ka bialah hiang veng 2 in Hall anla neilo a, Nursery leh Maubawkin. Chuta tan chuan hei kan Minister zahawmtak hnenah hian dilna ka siam ve a, ani pawhin ‘Plan Fund atangin a theih chuan lo dah rawh u,’ ti khan a ziak a, RD lama kan hotute pawh kha ka va phone a, min dah sak ngei kan beisei a. Tun ang hun tawhah, mi thlaa an inkah kai hun tawh a, han kalkhawmna tur Hall pawh neilo Aizawl khawpui, City han tih ve a Hall pawh neilo han nih kha a zahthlak a, chuang chuan hmun dang atang hmuhna kan nei si lova, hei hi min hriat saka, a neilo na na hi chu min duhsak zual deuh tur hian kan ngen duh bawk a ni. Tichuan hei hun a tam lo bawk a, kan kal zung zung mai ang e.

Demand No – 25 na Water Supply chungchangah hian, Water Supply hi hma kan sawn viau a, hei tunah pawh hian kartin kan la hmu zat zatin ka hria a, chuang chuan a tha khat hlein ka hria, kan hotute thawh rimna te pawh hi a lang thei niin ka hria. Tichuan hei ka bial chhungah sawn a tui lakna lam hnaih kan ni a, tunhma phei chuan an harsa ngai vak lo a, mahse hei tunhnaihah hian khua alo thang a, Secretariat bulah mai Bungkawng Vengtharah te khuan tlemte han chhun zawm a, extension tlem han siam a, a vengin a tangkaipui ve mai tur hi a awm a, chu chu kan Minister zahawmtak hi kan dil tawh a, tha takin minlo ziak saka, Engineer-in-Chief pawh ka bia a, ani pawhin ‘kan tihsak dawn che u’ a ti a, chu chu kan lawm hle a, lawmthu han sawi ka duh a. Amaherawhchu, ‘dawn’ chhung hi a rei mai palh ang tih ka hlau a, a tuartu tan chuanin ni hnih khat lek tui ngei pawh hi a hrehawm tehlu nen, chuang chuanin min tih ran sak thei turin kan dil nghal bawk a ni.

Tichuan, Industry sector ah kan kal leh ang a, Demand No – 40 na, hetah hian hei kan hriat angin tun Session chhung ringawtah pawh hian Mizoram sawrkarin kan mamawh chu Revenue tih pun a ni kan ti a, thil hrang hrangah Revenue tih pun tur te pawh kan sawi ta a, chuangin Industry a bik takin Geology & Mining,



nichin a kan thianpa in a rawn sawi tawh ang khan, an ni through hianin Revenue tam tak hi a lak theih dawn a. Chuvang chuanin tunah Gas kan tih ang te pawh hi a awma, a awm ngei ang, kan lai chhuak thei dawn ani an ti a, mahse an laih chhuah theih hun tur han ngaituah hian kum khat/kum hnih vel nghah ngai te hi a ni a, heng ang te hi a nawr chak theih deuh dan a awm lawm ni aw, tih hi ka rilruah a awm a. Kan hotu, kan Minister zahawmtak te hianin a Company te leh a thawktute pawh hi uluk deuhin han nawr sela, tan han la deuh turin ti ta sela, Gas a harsa a, hei i veilama mite phei chuanin Gas harsat thute pawh hi an sawi uar deuh a, chuvang chuanin Mizoramah hian hnianghnar taka kan neih theihna tur leh Mizoram mai pawh nilo kan thenawm State te pawh hi kan chawm ve theihna tura hma laa han tang turin ka ngen a. Chutiang anih theihna tur chuanin khami atanga kan revenue hmuh tur pawh kha tam tham tak a awm ang a, tuna Gas bur khata cheng hnih vel chhiah kan han lak belh ringawt ai hi chuanin a hlawk bawk ang tih kan beisei a ni. Tichuan, Pu Deputy Speaker, ka hun ka hmanng vek lo ang a, vawiina kan Demand sawi hi a tha a, tichuanin kan zavaia lungrual taka pass pui turin ka han ngen che u a ni e, ka lawm e.

**DEPUTY SPEAKER** : Col. Z.S. Zuala ilo sawm ang.

**Lt. Col. Z.S.ZUALA** : Ka lawm e. Ka hun kha a kal tawh emaw ka ti a, mahse, min ko leha ka lawm khawp mai.

A hmasaberin Home Department-a Sainik Welfare chungchang hi han sawi ka duh a. Sainik Welfare hi Ex-Servicemen family, Mizorama population hmun khat leh a chenve deuhthaw enkawltu department hi Department upa deuh mai a ni a. Tunhma khanin District tina Office hawng turin Committee-ah kan pulut thin a, Rajya Sainik Board-ah te, kan hlawhtling thei lova, Sorkar tharah hian kan Home Minister leh Chief Minister hian District Office thar hmanni lawk khan min hawn sak a. Pakhat Champhaiah kan Chief Minister zahawmtak hian a hawn sak a, tin, pakhat dang chu Kolasib-ah kan Home Minister hian a hawn sak a, hengte hi tun sorkar a hemi Department ina hlawkna nasa tak an hmuhte zinga mi a ni.

Tin, chulo leha chuan 2<sup>nd</sup> Assam Regiment, tunhmaa kan naupan deuh lai khan kan hria anga. 2<sup>nd</sup> Assam kha an ti tawp a, sipai ho kha “an hel e” an ti a, an ban tir a, a then chu Court Martial-te an ni a, khang ho kha sukha discharge an tih, an ban tawp mai a, tun thleng hian engmah pension leh an service tlem anga zawng an neih pawh kha hlawkna nei miah lovin an awm a. Heng ho tan hian tuna kan sorkar hian Fianancial Assistant, Second World War Veteran ho in Financial Assistant an hmuh ang hi hmu ve rawh se an ti a, hei hi a lawmawm em em mai a. Tunhmain hengho hian harsa takin pawisa te an khawn khawm a, Ukil te an ruai a, Delhi thleng thleng tein an kal a, mahse, an hlawh tling lova, atawpah kan sorkar tuna Pu Lal Thanhawla kaihhruai sorkar hian a khawngaih a, Financial Assistance an lo pe dawn ta a. Hengte hi a lawmawm hle mai.

Tin, hemi Department tan hian Deputy Director, hmanni lawk khan appointment tunah hian Deputy Director post ruak pakhat a la awm a, hnawhkhah thuai turah kan ngai a.

Tin, a dawt lehah chuan Police, nichinah khan Pu Selthuama kan member zahawmtak khanin “harsatna i neih chuan Police hnenah kal rawh” a tih ang deuh khanin Police lamah hian ka'n kal lawk ang e.

Hmanni lawk khanin Hel lakah mi an chhanchhuah kha kan hria a, khami hnuah khan hei UDL in mi thah an nei leh hlauh mai a. Kan lo hriat danin hmanna hostage an chhanchhuah nana information lo passed tu kha a ni awm mang e tih thawm te a ri a. Hetianga keimahni informer emaw, min lo support-tute emaw hian hetiang thihna an lo tuar hi a pawia, hetiang ho hi a theih chuan security pek hram nise. Chutilo chu nakin lawkah min support tu emaw, informer emaw tha kan nei lo ang tih kha a hlauhawm a. Kan Police ten hna an thawh hah tehlu nena khatianga mi an lo that leh mai kha soft target, mahni inveng thei miah lo khatianga an lo that kha thil pawia tak a ni. Chuvangin, kan Police Department hian nasa zawka kan lamtang te Security uluk zawka an ven theih chuan a lawmawm khawpin ka ring a.

Tin, hel beihna a thi chhungte chhawmdawl na hi, Police huaisen tak takte hel beihna-ah an nunna an chan a, an chhungte kha an eizawna tur kan zawn sak ngei ngei tur a ni. Defence Service-ah hi chuan policy a ni a. Hmanni deuh khan zawhna ka zawt a, chuta ka zawhna chhanna chu Home Minister zahawmtak hian tihian a chhang a ‘Hel beihna a kan Police thi te chhung chu 13 lai mai appointment pek theih loh an la awm a, a chhan chu compassionate appointment quota a awm tawh rihloh vang a ni’ tih a ni a. Hei hi a dik khawp mai a, anmahni Police Department chhungah hian compassionate appointment vacancy a awm lo maithai a. Amaherawhchu, Sorkar hnuai a Department hrang hrang atang pawhin hei hi siam hram nise a lawmawm khawp ang. Hmanah khanin Sri Lanka a indona a thi nupui war widow 2 kan Governor hnenah ka hruai a, an interview a, ani khan an pasal te indona a thi anni tih a hriat khan a Secretary a ko a, ‘Tunah hian IV Grade 2 chawlhtir (leave) la, hemite 2 hi naktuk atangin an lo kal ang’ a ti a. A lawmawm hle mai a, khangte khan an thawk zui a, tunhnu thleng hian permanent employment an nei chho a. Khatiang deuh thawa drastic measure lak a, hel beihna a thi na na na chu first priority kan Sorkar hian pe thei se a lawmawm khawpin ka ring.

Tin, Demand No.16, Non-Plan-ah hian CRP chhawrna nuai 18 pekna a lang a. Home Department hnuai ah hian. MAP Battalion 3 kan nei a, IR Battalion 5 kan nei a, hengho hian an hna, security hna te hi an thawk thei mai lawm ni. Tin, Airport-a duty khu CRP kher a ngai em? Keimahni Police te hian an ti thei em? hengte hi a theih chuan Police hi kan neitam ang reng viau hian kan hria a. Heng aiah hian kan Police te hian thawk ta se, hetiang pawisa hi a save theih mai awm mange tih hi ka rilruah hian a lo awm a.

Tin, Fire Sub-Station hi ka bialchhung ITI-ah khuanin siam tumna a awm a, kan Home Minister zahawm tak hianin a lo zuk fang a, hmuntha awm lai deuh te pawh an lo en a, a lawmawm hlein ka hria a, khuti laia Fire Station kan neih chuan chhuahlam pang ho zawng zawng Mualpui, Salem atanga Bethlehem thlengin rang zawkin an service a hmuh theih dawn niin a lang a. A dawt lehah chuan hmanna a ka zawhna baw AR Zokhawsanga sawn hi bawhzui nise tih kha, hei hna pawh a chhannaah khan 82.8% hna zawh tawh ani a. Tin, ni 31 March, 2012 ah insawn tura beisei ani tih kha a ni a, hei hi Home Department lam atang hian nasa zawkin

bawhzui ta ang se, chuan hetilai Aizawla kan Congestion, Traffic tawt-ah mai lo pawh, kan Office hmun lo chep leh kan hmun tawt lutuk intih thawlna tur tha tak anih a rinawm. A dawt leh ah chuan Home Guard hianin Training Centre tha deuh mai CTI, Sesawng a an neih khi tuna kan Chief Minister zahawmtak hun lai atanga tan kha ani a. Ex-Service hote nena tha taka an established a nia, India ramah hian CTI hi a tha ber pawl niin an sawi a. Khi khi kan hmang tangkai a, Excise leh Uniform Cadre tam tak hian training nan an hmang a, khi khi a maintain nan leh a enkawl nan leh Home Guard reng reng enkawl nan hianin nuai 1380 vel hi pek ani a. Khi mi training centre khi uluk zawk a enkawl nise, sawtilai Thenzawlah PTC tha deuh kan nei a, hetiang training area tha tak tak hi nakinah kan Police Force te kan tihlen hunah chuan, hetiang hmun tha hi kan la mamawh zel dawn a, hei hi tha taka maintain chhoh nise. Tin, hemi allotment pakhatat hian Gardening Sub-Head a awm a, tah hianin nuai khat dah a ni a. Gardening chu pawisa pek loh pawh hian an ti thei lawmni ka ti deuh.

A dawt lehah chuan R.D. nichina ka hma a Pu Selthuama, member zahawmtakin a sawi ang baw kha kei pawh hi ka ni a. Hei rangva te an han sem a, thingtlangah, kan miten mittui tlain an thlir a, keini hian kan authorized ve mang silova, a chang chuan kan han dil hianin kan Home Minister zahawmtak hianin min han rawlruk zauh changte chu a awm a, a lawmawm em em a. Engemaw tia regular deuh hleka in supply dan, inpek ve dan hi min zawnpui thei se a lawmawm viauin ka ring.

AMC-ah kan lut a, RD scheme ho hian min tinsan duak mai a. Ni 100 inhlawhna te pawh hi kan chang tawh lova. Kan naute ho hi inhlawfakna zawng hian an vei kual reng mai a. Chutihlai chuan UD & PA lampang hian tun transitional period-ah hian khatiang ang han substitute tur kha (project finance-na kha) an la nei chiah si lova. Tun ang lai tak hi kan harsat lai a ni a. Chuvangin, RD Department pawh hian min la hrethiamin eng eng emaw kan project hluite kha chu hlip nghal duak mai lo se tih te kha ka han dil duh a.

A dawtlehah chuan Water Supply hi a improve nasa hle tawhin ka hria a. Chubakah Tourism hi hma an sawn nasa hlein ka hria a. Hei hi sawina hun a awm tawh lova. Pu Deputy Speaker, ka lawm e.

**DEPUTY SPEAKER** : Le, khi kan hun a tawp a, dar li khi kan hun thin a ni a. Amaherawhchu, Demand hi chu kan chhonzawm thin a, waviinah kan zawh ngei a ngai ang a. Kan chhonzawm kha tha kan ti mai lo'm ni? Amaherawhchu, hei, kan Member-te pahnih la sawi tur an awm a, kan Opposition Leader sawi tur a la awm baw kha a. Kan Minister-te pahnih han wind-up chhung nen khan hun a la rei dawn a. Chawl lawk ila, minute 30 kan chawl ang a. Dar 4:30 PM-ah kan lut leh dawn nia.

**4:00 P.M**

**DEPUTY SPEAKER** : Kan tan leh tawh ang a, Pu H. Zothangliana i sawm ang.

**Pu H. ZOTHANGLIANA :** Pu Deputy Speaker, hun a tlem si a, kan thluk thui lutuk hman lo turah ngai ila. Official Gallery lam an thu tha ta viau mai a, a lawmawm ka ti tih hi sawi loh phal chiah ka ngai lova, ka sawi ve hrim hrim duh a ni. Home (including prisons) Demand No.16-ah hian Member zawng zawngin Law & Order-a hma kan sawn nasat zia avanga lawmthu an sawi theuh kha keipawhin thinlung takin ka support a ni tih ka sawi duh a. A bik takin hmanni lawka ABCI hnathawktute pahnih UDLA (United Democratic Liberation Army) inti ten an ruk bo chhanchhuah kawnga Police te chet that zia kha sawi tawh pawha sawinawn leh fo tlak niin ka hria a. A lawmawm, a ropui, chawimawi an phu, faktlak an ni ka ti a ni. Theih pheih nise, remchang hram nise, promotion hi a double-a pek nawn awn awn tlak an niin ka hria a. Amaherawhchu, kan sum dinhmunte leh thildang dang avangin chutiang ang chu kan hotute rilruah a bik takin kan Home Minister rilruah pawh hian awm reng mahse tih rum rum theih a ni lo deuh niin ka hria a. Kan thinlung lamah hi chuan an in promote nasa a ni tih hi ka han sawi duh a ni.

Lawngtlai Jail chungchang thu sawilan thuak thuak a ni a, kan District a ni a. A hrechiantu pakhat ni vein ka in hria a. Hei hi kan chief Minister zahawmtakin a sawi thin ang deuh a, Ministry hmasain a kih hnawk lianpui te zinga pakhat kha a ni a. Kih hnawk tih hi min sawikhum fo tawh teh suh u, a hrehawm ve e, veilama thute hian an ti deuh a. Kih hnawk a nih loh pawhin, 'sah hnawk' tal chu a ni hrim hrim ka ti a ni. A chhe em em a, amaherawhchu, mamawhna avangin engemaw ti tala hman tangkai a tul a ni kan hotuten an ti a. Kan Parliamentary Secretary (Home) zahawm takin hman deuh khan min hawn sak a. Tunah hian kan hotuten han cheibawl that deuh a, hman tangkai turin min ngaihtuah sak mek a, a lawmawm ka ti tak meuh meuh a ni.

Mamawhna lam thute pawh hi han sawi ve loh theih thin a ni lova. Myanmar nena kan inkalpawhna kawnga khaw pawimawh tak mai pakhat chu Phawngpui Tlang pangpera awm Vawmbuk khua khi a ni a. A thlang lawkah ramri luipui, Chhimtuiipui a luang a, a ral lehlam chu Myanmar ram a ni a, he khaw kaltlang hian misual leh mi tha te pawh an lo lut chhuak hnem em em a ni. Chuvangin, hemi hmunah hian Police Station han tih em em chu kan beisei hauh lovang a, kan harsat dan te kan hria a, Outpost tal hi chu dah theih chu nisela Zoram him dam zelna atan pawh hian a tangkaiin awmzia a nei ang tih ka ring khawp mai.

District Council Affairs Demand no. 27-na lamah kai ta ila, nichin a kan Member pui zahawmtak Pu Chawngtinthanga'n a sawi tawh ang khan i veilam a thu te khan a nachang an hre lo pawh ni hauh silo khan 2010-11 leh 2011-12 Budget Estimates leh RE te kha an han khaikhin lui deuh tlat a. Chumi avang chuan District Council Affairs hnuai hian sum dahte hi nikum aiin a tlem an ti kha a ni a. A nihna tak zawkah chuan BE leh BE ve ve kan khaikhin chuan District Councils te chan hi cheng nuai 4281.87 in tih pun ani tih hi kan sawi chiang duh a ni. Congress Ministry he ram a roreltu alo nih thin hian a bik takin keini saw lam chhimplama minority lehzual deuh te hi chu kan thla a muang a, kan lawm thin ani tih hi ka sawi tel duh bawka a. Pu Lal Thanhawla kaihhruai Congress Ministry hi vawi eng

emaw zat kan lo hrawn tawh a, a ministry hun chhungah leh midang ten a min enkawl hun chhungah hian thil danglam nasa tak a awm ngei ngei thin. Congress Ministry/Congress ruling a nih apiangin hnam hnuai hnung leh a chenbeh zawkten duhsakna kan chang thin ani tih hi keini naupang zawk te pawh hian a tak takin kan hria a, chuvang chuan vawiinah hian he House zahawmtakah hian kan lawmthu hi tarlang lo thei niin ka inhre lo a ni. Chutih rual chuan mihring kan ni a kan duham tih hi kan pha thei lova, min enkawl danah hian kan lawm em em rualin a baka pawh hi kan duh belh zel tho tih hi chu kan hotuten min hriat sak hi chu ka duh khawp mai.

Lai Autonomous District Council hri vei, hri vei tha lo tak mai an tih thin equal share chung chang hi han sawi zawk ka duh a, han sawifiah deuh viau pawh ka duh nain kan hotu pawimawh ten in hriatthiam sa anih avangin hun a tlem si a, ka luhchilh thui lo ang a. Tuna Congress Ministry dinglai Pu C.Ngunlianchung CEM kaihhruai Ministry-ah sawn kan ram hri vei tha lo tak mai ani tih hriain equal share an tih thin entirnan Sangha Dil nei miah lo bialah pawh Sangha Dil nei bial tena an chan ang tho inpek luih hram hram ang thin kha tih tawp hmak ani tih hi ka sawi duh a, thil lawmawm tak a ni. Sawi tur a tam si a, a dangah kai zung zung mai ang.

Rural Development Department Demand No.38 chung changah hian ka'n sawi duh chu, BRGF (Backward Region Grant Fund) Central Sorkar leh Mizoram Sorkar duhsakna dawngin kan chang a, kan lawm hle, kan thian thenkhatte hian min thik ang lek lek tein fiamthu in an han sawi thin tak nain an rilru takin min thik lem lo, khai chhuah ngai, a bik taka enkawl ngai, dawm kan ngai kan ni tih hi min hriatpui niin ka hria a, lawmawm pawh ka ti a. Hemi chung changah hian kan member zahawmtak pakhat khan 'Aizawl lam mi hlir in hna an rawn thawk' ti ang deuh khan a rawn sawi ri khan ka hria a, kan hriat dan a inang lo a, ka hriat dan hi han sawi lan ve ka duh a. Aizawlah hian kan hotu lu te leh political party hrang hrang a kan hotu pawimawh ber ber te za 60-70 emaw a aia tam emaw hi an awm khawm vek tih kan hre theuh mai, chutih rualin khawpui ani a, Aizawl leh a chheh velah hnathawh tur a vang em em mai si a, chumi avang chuan thingtlang hmun kilkhawr deuh zawkah te kan hotu pawimawh ten hna an thawh ve loh theih loh na chin hi a awm ani tih kan hrethiam ani tih ka sawi duh a. Chumi rual chuan BRGF-ah ngat te phei hi chuan kan Home Minister zahawmtak leh kan hotu dang te hian min hrethiam em em a, keini tling lo te te, a hming a kan lo awm ve hian min papek thiam em em a, chumi avang chuan BRGF-a kan hna hrang hrang neih te hi a 'facility' a thil siam chhuah a kha kan chan mai piahlahmah a siamtu nihna pawh hi kan chang nasa em em a, pahnih khat te te, engemaw loh theih lova hmundang ami ten an lo thawh awm ve hi kan thik lova, a lawmawm kan ti em em ani tih hi ka sawi duh ani. Anawl pui zaa sawmriat/sawmkua hi keimahni ngeiin kan chang ani tih pawh hi ka sawi duh ani. Tin, thildang tam tak karah thil lian lutuk ang a lang si lo, mahse a bik taka thingtlang mi te tana hlimna/lawmna thlentlu em em mai chu IAY hi a ni. Mithenkhat, contract nuai nga, nuairuk, nuaihsawm man pek pawha lawm em em lem lo an awm laiin mirethei, mahniin insa hleithei loten cheng singli singnga emaw, te an han dawng a, a lawm thiam ber berah an han tang a, tin, anihna tur ang tak a hmangete pawh hi an ni ani.

MNF hun hmasa lam kum sawm chhung vel zet khan ka hriatchian ve chinah ka bial chhungah khian, kum sawm chung vel khan khaw mal mal te teah chuan IAY dawng hi pali te, panga te, pahnih te, pathum te, pakhat te an ni a, tun Congress Ministry-ah erawh chuan Transparency hian hmun a chan takmeuh avangin kum hnih kan kal chhung khan MNF Ministry-ina kum sawm chhung a an sem let thum, let li, letnga thlengin khawtinin IAY hi an dawng veka, kan mi te pawh an lawm em em ani tih te pawh hi kan sawi duh ani. Sawi tur atam nasa mai si a, hun atawp em ni ? Pu Speaker, engpawh nisela khati chinah khan kan duh tawk mai ang a. Thil pakhat lohtheih ni a ka hriat chu kan belh hram ang a, Geology and Mining lamah tan lak kan tum a, 'potential' pawh kan nei tha tih kan hriat avangin ngaihtuahna thui tak hotuten an seng a, Dibrugarh University-ah te, hetiang lam zirna course zirna atan seat pahnih an zu be fel tawh a, tin, Guahati leh Jorhat University lam te pawh dawr mek an niin nikum lamah daih tawh khan zirlai paruk te phei chu kan thawn tawh a, hetiang kawngah hian theih tawp in an in hma khua ve mek ani tih kha kan sawi tel hram duh bawk ani. Pu Deputy Speaker, ka lawm e.

**Pu JOSEPH LALHIMPUA** : Pu Deputy Speaker, ka lawm e. Hun rei lote hman kan tum ang a, Demand Number 16-na, 27-na,38,25 leh 43 te kha tawi te te a ka ngaih pawimawh lai rawn tarlan ka duh a, Demand an rawn putluh te ka support rualin. Tukin zinga zawhna leh chhanna hun atang khan bul kan tan duh a, kan Home Minister zahawmtak, RD Minister ni bawkin kan sawrkar hnathawkte ka ring tawk ani, a tih kha thil ropui niin ka hria a, Kan Home Minister, RD chang tu ni bawk hnuai hnathawh kha ava nuam dawn em aw, sawrkar hnathawh ni ila tih ka ngaihtuahnaah a awm ani. Kan hotupa berin min rintawk tlat chuan kan theih tawk he ram tan hian kan thawk ngei ang tih kha an ngaihdan a ni ve theuh turah ka ngai a, chumi avang chu anih ka ring a police kut hnungkhirh thin kan tih, kut phuar thin te pawh phelh alo nih tak, kan hotuten an hnuai thawk te an rintawk avang in rah tha tam tak a chhuah ani tih kha bul tan nan kan hmang duh a.

Pahnihnaah chuan lawmthu sawina 9/9/1974-ah Lungleiah sawn Fire Sub- Station hawn tan ani a, tichuan, Sub-Station Officer chu chu 17.3.1975 ah dah ani. Chumi hnuah chuan a hmasawn thei ta reng reng lo mai a. YMA Sub-Headquarters-te, NGO hrang hrang te leh political party te pawhin sorkar lo awm tawhah te an ngen thin a. Lunglei khawpui a lo thang ve zel a. Chuvangin station puitling, thawktu tam zawk leh motor, lirthei tam zawk kan mamawh thu an thlen thin a, nimahsela tihhlawhtlin a ni ngai lova. Tun tumah hian inthlan dawnah au hlaah te kan hotuten an nei a. Chumi hrereng in kan Home Minister-in 23.3.2011-ah Lunglei Sub-Station thin chu Station puitlingah min hlankai sak ta a, waviinah hian lawmthu kan han sawi nawn leh a ni.

Tin, chu mai chu a nilova, a sakna tur pawh nimina ka zawhna chhannaah chuan 13<sup>th</sup> Finance Commission atangin building thar tur te, a hmun tur te ngaihtuah mek a ni tih min hrilh a. A ropui hlein ka hria a. Hei hian change nasa tak, thil thar danglam tak a siam niin ka hria a. Tin, Demand No. 27-na District Council chungchang kha tawite han tarlan ka duh a. Kan lawmpui a ni tih kha kan han sawi duh a. Hei District Council a budget, nikum leh kumin a awm te kan hria a, ka sawi nawn tawh lovanga. Chumi budget pun bakah chuan hei BRGF atangin Lawngtlaiah nikumah pawh nuai 1151, Saihaah nuai 1143 kuminah Lawngtlaiah nuai 1182, Saiha ah nuaih 1176 hemi pawnah hian ala awm a.

Tin, chumi bakah chuan multisectoral development-ah te pawh Mamit district te, Lawngtlai district te pawhin Vaibelchhe 20 vel lai ve ve an chang thei a ni. Hetianga Congress Ministry, kan CM zahawm tak Pu Hawla kaihhruaina hnuaiiah district tla bal te thumna tura kawng hrang hranga hma lak ani thin hi a lawmawm ka ti a. Vawiinah pawh hian remchangah la in Mamit te, Lawngtlai te, Saiha te pawh abik takin ka lawmpui hle a ni tih kan han tarlang a ni. Tin, NREGS chungchangah hianin ngaihdan leh sawidan hrang hrang a awm a, Pu Deputy Speaker, nikumah khan Lunglei khaw thlang lam pangah khuan kohhran programme ah min rawn sawm a, ka kal a, Thenhlumah, chuta ka thil hriat chu ropui ka ti khawp mai a. Kohhranhote nen kan inkawm a, sorkar hmalakna hrang hrangte min zawt a. NREGS min zawhna ka zawh let naah chuan NREGS hna chu zingah chaw funin kan chhuak a, kan thawk thin an ti a. An thawh that zia hmun tam takah ka hmu a, chumi piah lamah chuan kohhrante nen kan in ko khawm a. NREGS mipui thawh chhuah atang khan Mipuite khan sawma pakhat NREGS an thawh atang khan an lo pe zel kha alo ni a.

An mahni thawhchhuah hmun dang atanga sawma pakhat an pek bakah khan NREGS bik liau liau atang khan ni 10 thawh anih chuan ni khat kha Pathian ram zau nan. Thenhlum Baptist pastor bial in an lo ti a. A ropui hle in ka hria a. Hmun thenkhatah chuan Mizo hnam tihchhiat na anga sawi te ngaihthlakna te kan nei thin a, anihna lai pawh a awm maithai a, amaherawhchu NREGS hi kan ram ro thil tha tamtak kan siam na leh kan ei leh in tur kan lakluh na piah lamah Pathian rawngbawlina ropui takah kan hmanng thei ani tih hi Mizoram mipuite pawhina an hriata, entawn mamawhte pawhin an entawn atan a tha in ka ring a. Chu chu Thenhlum Baptist Kohhranah Pastor bialah, chutianga chuan an lo practiced mek ani tih kha vawiinah hian kan sawi duh a. Chuvangin NREGS kan hotute hmalakna te pawh hi a lawmawm thawkhat a ni tih kha a tarlang in ka hria a ni. Tin, Demand No 25-na Water Supply and Sanitation chungchangah Assembly Committee-in nikumah te kan han kal kual a, Aizawl Greater Water Supply hma lak mekte a hmunah, Tlawng Pumping House te, Durtlanga Booster an siamna turte kan en a, kan tlawh a. An harsatna hrang hrang neih, rei tak lo inchiaw tawhte an sawi a. Amaherawhchu hman ni lawkah Durtlang kawng chhoah te kan han tlan kual leh a, booster leh pipe tam tak an lo dah teuh tawh mai a, rei lote chhungin hma nasa takin kan sawn a. Aizawl khawpui hi Mizote Jerusalem a ni a. Chuvangin tuiah emaw thil dangah pawh kan mamawh khawp kan nei daih tur a ni. Kan PHE Minister zahawmtak hma lakna a chak hlein ka hria a, a lawmawm hle a ni tih ka han tar lang duh a ni.

Tin, Lunglei Greater Water Supply chungchang hi niminah zawhna te a awm a, kan Minister zahawmtak khan a sawi tawh tho a, a lawmawm hlein ka hria a. Hei, 2008 kum tawp dawnah Sorkar bul kan han tan a, chumi atang a kum khat pawh tling lovah DONER Ministry-in Lunglei Greater Water Supply Scheme tih puitlinna turin vaibelchhe 11 aia tam min rawn phal sak a ni. Kan Department Officer ten DPR te siamin an zuk buaipui a. Kan C.M. zahawmtak pawhin kan hmuh hma theihna turin D.O. letter te a siam sak a. Amaherawhchu technical-ah kan tla tlat mai a. Tuna kan tui lak mek Pialthleng saw tuihna a tlem tawh si a, chumi bak vaibelchhe 10 aia tam tui connection te siam belh turin a tuihna in a tlin lo a ni an ti a. Chumi avang chuan kan PHE Minister zahawmtak hnenah kan ngen a. Hei, April ni 4 ah te, ni 10 leh ni 11 kum 2011 ah te pawh khan Lungleia PHE Department-ah kan E.E. te, S.D.O. te, J.E. te leh Zobawk V.C. te pawh Mat tui pump na en turin a hmunah te survey in an riak hial a. Tin, Vanzema Li kan tih, Mat Lei thlang deuhah sawn a

pump nate pawh siam ila a tha ang a, tihte pawh an sawi a. Hetah hian kan Minister zahawmtakin chak takin hma min lakpui se ka duh a ni.

Tin, ka bial chhung hmalaknaah lawmthu sawi tul em emin ka hria a. Leite ah te, Rotlangah te, inthlan dawn a mipui hmaa kan intiamna angin tunah sawn tuizem lian tak min siam sak a, Darzo bul atang sawn tui thianghlim tak pump turin pipe tam ber tunah chuan an phum zo tawh a. Hun rei lote ah Leite leh Rotlangah tui hniang hnar takin an nei ve thei ang tih ka ring a. Tin, kumin kum kal mekah Dawnah te, Hlumte ah te, Maudarh-ah te tui lakna turin project te min han siam sak leh a, kan Minister zahawmtak hnenah lawmthu ka sawi a. Chutih rual chuan Mizoramah, tuihna awm that lohnaah tui pump, Underground Water Pumping chungchangah hian, ka hriat sual loh chuan Sub- Division pakhatin Mizoram pum hi an la enkawl niin ka hria a. A pump na, a spring emaw, engemaw a chhiat hianin chah leh siam that hi a buaithlak khawp mai a Hei hi hmun tam takah chuan mipuite ei a lo ni ve a, tuihna tlemna hmunah te, ram ngaw tlemna hmunah te. Chuvangin hemi Underground Water Pumping chungchangah hian tun aia chak zawk hian hma min lak sak sela. A thawktute pawh min tihlen sak thei a nih chuan ram pumin kan tangkaipui ka ring a.

Pu Deputy Speaker, a tawp berah chuan Demand No. 43-na, Tourism Department ah hian kan hma lakna hi a tha tlangpui in ka hria a. Chutih rual erawh chuan Central Grant, 100 percent grant hmaning hmun hrang hrangah Tourist Lodge kan sa a, amaherawhchu, vawiinah hian kan buaina chu , nichinah pawh member zahawm takin a sawi tawh ang khan kan Tourist Lodge sakah te hian nghaktu kan dah vek seng lo a ni. M.R. ten kan ruai a, M.R post ringawt pawh alo harsa a, tunah in kan sak belh zel si a, chuvangin Tourism lamah hian kan approach hi kan thlak a, PPP mode ang deuh te pawhin khawtlang te nen pawh a neitu nihna te pawh in hlan chhawn a, a thawktu leh a hlawkna te pawh khawtlangah awm sela, tichuan mi zin vei vak tan pawh rin ngam in a awm thei ang em aw tih te ka ngaihtuah a. Tin, LAD Department-in nasa takin park te an siam a, henge pawh hi nakin lawkah kan resources tha lutuk tur a ni. Tourism Department te nen pawh hian convergence kan neih te pawh hi a ngai in ka hria a, nakinah Tourist Guide te kan la han siam ang a, LAD lampangah hian nge ni ang a, Tourism lamah kal tur tih te pawh hi Pu Deputy Speaker, hemi Department pahnih te pawh hian convergence tha tak siam a, ram tan a ro tling tha zawk an siam theih hi ka duh em em a, chutiang tur chuan ka'n ngen a ni. Ka lawm e.

**Pu LALRINMAWIA RALTE** : Pu Deputy Speaker, Demand No. 25-na Water Supply & Sanitation-ah hian han sawi loh theih loh ni a ka hriat chu Greater Aizawl Water Supply Scheme Phase-II lar tak mai, buaithlak tak mai hi kan Minister zahawm tak, chak tak leh a department ten a mittlung taka an chhun zawm hi ropui ka ti a, hei kan hria a, a hna contractor-in a thawh muan leh a thawh zawh hleihtheih loh avangin huaisen takin a hna hi kum 2009 khan tih tawp sakin, hei hi department-in chhunzawmin tunah chuan a tul ang zawng zawng hi an zo tep tawh a ni a. Helaia an thil tih hi Court thu buai te awm mahselangin hei chu public interest tak tak a ni a, Court pawhin min ti buai thei chuang lova nge tih ngaihdan neiin huaisen takin an kal a, a ti buai



chuang lo bawk a. Tluang takin an kal a, vawiinah an hnathawh ropui tak hmuh mai theih tur lo awm ta hi a lawmawm ka ti a ni.

Tin, han sawi loh theih loh ni a ka hriat chu Total Sanitation Campaign hnuai hmalakna kal zelah hian thingtlang mi te kan lo hrisel zel theihna atan hmalakna tha tak kan hmu a, a chip chiarin sawi lo ila, hei hi lawmawm ka ti a, lawmthu ka'n rawn sawi bawk a ni.

Tin, sum leh pai lama kan harsatna te hria a member ten General Discussion kan neih lai pawh a kan sawi uar em em sum hnar kan ngaihtuah belh a ngai a ni kan tih thin kha an ni. Water Supply and Sanitation Department atang hian tui bill kan tih mai water tarrift tihsan tumna a awm a ni tih kan hria a, hei hi a lawmawm tak meuh meuh a ni. Hmasawna ropui tak kan hmu a, tunhma hun kan han en let leh pawhin chiang takin kan hmu thei awm e. Kan bialah khuan khaw 21 phairuama awm a ni a, khaw 10 khu tlangdunga awm a ni. Phairuama awm khuan harsatna an tawk deuh ziah a, a bikin fur lai in. Tunhma khan kan hotupa Pu Sainghaka hunlai khan Sukhla Commission thlenga a zuk ken a awm a, a tlangdungin kan intawm theih water supply scheme tha tak a awm a. Khu khu Minister hian min chhonzawm sak hram sela, tiin ka ngen duh a ni.

Industries Department-ah hian sawi tur tehchiam a awm a maw ni le, an ti a. Mahse Budget Speech-a kan hmuh ang khan kum 2010-2011 chhunga kan sum deh chhuah 21.97% hi Industries atanga lo lut tur a ni reng mai a. Chu chu vaibelchhe 1600 thelh tihna a ni a, a ropui khawpin ka hria a. District Council hunlaia an ngaih pawimawh ang khan Industry tenau tam tak tuna kan hmuh ang chuan 7888 lai registered a ni tawh a. Chumi hnuah pawh register belh a awm ka ring hial a ni. Khangte khan sum tam tak an lo dek chhuak a ni tih a lang reng a. New Industrial Policy for Mizoram tih kan nei a. Amaherawhchu, helaiah hian duh khawp lohna a awm deuh hlek avangin reiloteah policy thar puanchhuah theih an inbeisei thu te kan lo hria a. 12<sup>th</sup> Plan chhungin Industrial Development-ah chak zawk a kan Minister hian min kalpui a tum a ni tihte kan hmu a, a lawmawm hlein ka hria a ni. A bul kan tan dan hi han sawi mai mai ka duh a. Industry kan hmelhriat tan tirh lai, sorkar anga keimahni ro kan inrel tan tirhna 1952 District Council hmasa berah khan Aizawlah hian Dr. Kailash Nath Katzu, Union Home Minister kha a kal a. December 5, 1952-ah. Kan District Council-in Memorundun an thehlukah chuan Water Supply an ngaih pawimawh zia an sawi bakah Hydro Electric Plant hi an lo dil a. A tangkaina em em tur an sawiah chuanin tui tam zawk hip chhuak tur leh khawpui ti eng tur leh khawl lam, thil her khawl te, la her khawl leh buh her khawl a siam thei ang, an ti a ni. Chu chu Industry zawnga a pawimawh berna tur an hmuh kha ala ni a. Vawiin niah erawh chuan kan Industrial Policy neih mek phuisui lehzuala siam kan tum, kan neih mekah pawh hian henga kan hruaitu hmasa tena an ngaihtuahna a awm phak lo chi ropui tak tak kan hmu a. Heng hi lawmawm ka tiin hma kan sawn hle a ni Mizoram leh mizo hnam hian tih kha kan sawiduh a ni.

Demand No. 43 – Tourism-ah hian nichinah Member zahawm tak Pu Nirupaman a rawn sawi zauh kha, Pu Deputy Speaker, member zahawm takte zingah hian Kohhran Upa ordained hetia han hawi mai hian, ti ila pakhat chu a zin bo a sawm lai mai an thu tuar mai a, a sawi chi vak lo mai thei a. Mimal taka sawi chuanin

khawiah mah hian khatiang dawr kha keipawh ka tlawh ngai chuang lova. Zin tinuamtuah leh tihrehawmtuah khawiah mah ka hmang chuang lova, ka mamawh chuang lova. Amaherawh chu, Tourism hi a nghawng lo ani ti hian kan tang fo erawh hi chu a nghawng tih lanna chiang deuh ni a ka hriat chu - Gujarat khu Total Prohibition State ve tho anni a. Mahse an han kal ngar ngar a, an State Tourism-in a tuar a ni tih an hriatchian lutuk avangin nikum hmasa December emaw ni aw, a hun ka sawi soal palh thei a. Khatah khan Gujarat khua leh tui nilo Gujarat tlawh tute tan chuan a bikin zu an lei theih dan tur an siam tawp mai a ni. An Total Prohibition Act-ah khan Amendment an siam a ni. Chu chu State phuisui zawk leh keini aia lo kal rei zawk i ti mai ang, tena an experience dik tak a nih avangin kha kha thudik a niin ka hria a.

Tourism lamah hian a potential area kan ni tih kha kan insawi siak ang reng a. Amaherawhchu, Mizoram hi a vai hian potential area, mi tena kan hmuh duh chi a ni. Arab hote chu monsoon-ah Mumbai-ah ruah sur en turin an zin an ti mai a ni. Chhum zing, cham dak hluk mai, tiauchhum han awm ringawt pawh hi hmu phak lo an lo tam khawp mai. Tin, van sanga chhum thianglim tak mai han leng dulh dulh te hi hmu phak lo an tam. Khatiangte tan chuan Tourism lamah hian develop theih kan ni vek a ni tih kan inhriat a tha awm e. Industrial policy –ah pawh khan tourist area an tih a ngaih pawimawh tur zinga dah a ni a. He lamah pawh hian hmasawna tam tak kan hmu hi lawmawm ka ti a ni.

Chutichuan, Pu Deputy Speaker, kan Minister zahawm takte pahnih Pu R. Lalzirliana leh Pu S. Hiato-te Demand hi pass ngei turin ka'n rawn support a ni. Ka lawm e.

**DEPUTY SPEAKER** : Dr. R.Lalthangliana ilo sawm ang.

**Dr. R. LALTHANGLIANA :** Pu Deputy Speaker, ka lawm e. A hmasa berin hei nuar ve ngailo Home Department (demand) hi kan sawi lawk duh a. Chawhma lam khan kan MLA zahawmtak Pu Thlenga khan mi pakhat thiltithe tak mai, kan Home Minister leh kan Sorkar pawhina rinpui bera an neih, khulai raltlante pawhin an dawn tur tipung thiam tak mai, Pu Elvis-a an tih kha hmuh a chakawm khawp mai. Zaithiam Elvis-a atang khan hriat a awl riau a. Khatiang kha kan nih chuan kan ngaihtuahawm deuh mang e, kan ti a, ka'n sawi duh lawk a ni.

Nichin lawk khan Lunglei atangin information kan dawng a. Pu Deputy Speaker, Lunglei S.P. Office saknaah chuan Police 20 atanga 30 vel nitin Cement leh Balu leh Rawra an chawk a. An hah thei khawp mai a. Silai tricker han tihna tur atan pawh an kut a pilh pheng phung mai a, an ze i tawh lovang a, te an ti a, an rawn sawi nawk nawk a, tih kha ka'n report a nih chu.

Tin, Police te hi a takin chawimawi hi thain ka hria a vawiinni hian. Kar hmasa lawk khan Resolution tha deuh mai kan pulut a, amaherhawhchu kan resolution putluhah chuan a Police lampang ai khan sorkar hmasa thil kha kan sawi ta vak vak a. Nichina kan Member zahawmtak

Pu Sangzuala sawi kha, ka ngaipawimawh khawp mai a, Police thi te, an chhungte compasonate ground a appointment neih theihna tur ang chi a harsat zia a rawn sawi kha, khangte kha Police bik hi special consideration kan siam a, kan pekna turah ka ngai a, a takin kan hmangaihna leh kan duhsakna hi i lantir teh ang kan ti a ni.

Tin, an TA/DA bill hi kum hnih te an nghak a, kan PSO te ho pawh an ni vek awm e. Nikum November khanin Tuikuk buaina avangin kan Police te nupui fanau kalsan khanin duty in an chhuak a, Krismas pawh kha chumi hmun hrehawm takah chuan an hmang a, an lo haw a, TA/DA te an han bill ve a, vawiinni thleng hian kan la la chuang love an tia, khang kha a taka hmangaihna kan lantirna tur atan chuanin ngaihpaawimawh a, tihfel sak kha thain ka hria ka rawn sawi a ni.

Tin, department dang zawng zawng ai hian ani mai awm mange ka ti a, Police motor workshop a bill tang rei lutuk te pawh hi kan Minister zahawmtak hianin chak tak hianin han en deuh sela a tha awm e. Stationery bill pakhat D.Buanga & Son-in nuai sawmpakhat bawr vel an thehluh te hi chu Pu Dy. Speaker a rei ve lutuk tawh a, 2005 a a thehluh tawh kha a nia, kum sarikh dawn ani tawh a, a rei veng veng khawp mai. Court-ah a khing a niawm a, a interest nena pe turin Court khan ni 15 chhungin nikum December thla vel khanin lehkhaw pawh Police Department-ah a siam niawm tak a nia, mahse vawiinni thleng hian pek an la ni lem lo a ni.

Tin, hei Pu Dy. Speaker kan Home Minister hi ka tha bat ve deuh teuh in ka hria, a bial Saitualah hian. Term hmasa khan Mizoramah hian School Education Building Civil works a dawng tam berin ka hria a, amah pawh kan hrilh nawk nawk thin a. Ka bial Buarpu te saw chu a pawimawh a ni Outpost dah nan hei hi chu min han commit ve zauh se chuanin 'e khai a' kan han ti ve dawn a, lawmthu sawi tur ka nei ve dawnin ka ring a, chu chu kan sawi duh a.

Tin, nia kha kan DIG Range Lunglei, southern district lama dah tura kan han tih, kan sorkar lai pawha kan dah, dah leh tak si loh laia kha helaiah kan inzawt kan inzawt mai a, a hrehawm khawp mai a, khangte kha kan sawichhuak leh a, kan la mamawh reng e. Tin, Battalion kha, saw Chhimituipui District kan tih Saiha leh Lawngtlaiah hian pakhatmah Battalion a awm ve miah lo a, kawng leh lamah chuan Myanmar dep alo nia, apawimawh a ni, sensitive area tak tak alo nia, churangchuanin (Pu S.Hiato te pawn an ngaimawhin an sawi ve thei si lo a, kan sawi sak tel anga) kan dah hi a thain ka hria, saw laiah sawn, chu chu kan sawi leh duh a. Tin, Jail chungchangah hian ka bialah hian Jail a awm a Sazai Jail Lunglei, a building a chhe hle mai a, quarter a mumal tawh lo hle maia, hei hi kan Minister zahawmtakin minlo hriatsak mai niloin, a tih hlawhtlin dan kawng minlo ngaihtuah sak thei se ka duh khawp mai, tih kha kan tarlang leh duh a ni. Adang lehah chuanin hei Police officer te hi, 'kut phuar sak an ni' tih hi House ah hian a lar angreng khawp mai a, tun sawrkar erawh hi chuan an ka hi kan phuar sak deuh emaw chu aw ka ti. Publicity, Police, Home leh Law & Order chungchangah hian publicity hi a police lampang hian ti hleitheiloin kan siam a ni mai thei a, hmanni lawkah ABCI kidnap te an chhuak a. A zuk ti tu tak te hianin mumal tak kha media leh T.V. leh eng emaw hmanga han tih te pawh hi phalsak ta ila, MPCC Press Release

leh helai House vela kan sawi chu a tha e, mahse anmahni ngei te pawh hianin zalen taka an sawi te pawh hi phalsak ta ila a tha mang e, tih te kha kan sawi duh a, tun hmain kan lo ching ve laklawh tawh thin si a, an mahni hi sawitir tur hian kan ti deuh a ni. Ka sawi leh duha chu hei, remna leh muanna hi a awm tha mang lo a ni, kan himlo a ni tih hi kan sawi kan sawi mai a. Ka hriat thiam loh chu sawrkar hmasa chung khanin kum 20-na Remna leh Muanna sign atang khanin 2006 ah kan lawm a, Prime Minister hnenah lehkha Chief Minister-in a zuk ziaka, a ngai pawimawh vet vet khawp mai a, 'ka ngaipawimawh tawpkhawk a ni' a ti a, lehkha pawh ala awm vek ka ring a, amah lo kal a duh a ni. Chuti khawp chuan Remna leh Muanna awmna State a lokal hi an chak a ni, amaherawhchu remchan lohna avangin Pu Raghu Pathi, Minister of State for Home alo kala, ropui takin Vanapa Hall-ah thute a sawi a, chutiang chuan khulam panga kan Central leader ho hianin Remna kan neih hlutzia kha min rawn hmuh pui a, chumi avang chuan a nih ka ringa, State dang hian an dawng ve vaklo, kan ram kha ralmuanglo hle chu ni sela MNF sawrkar lai khan min pek ka ring miahlo, Remna leh Muanna lawmna min rawn recognize na, Peace Bonus kha vaibelchhia hlir mai 180 chuang kan han hmu te kha chu Pu Dy.Speaker, a tak rama ralmuang ani tih kha a hrilhfiah mai lawm ni kan ti deuh a ni, vawiinah hian. Adang lehah chuanin India Today-in September thla 2008 a survey-ah khanin State 10 zingah duhsakna nei miahloin Pu Speaker, Investment leh Law & Order ah khan pakhatna kan ni tih kha min puan sak ve tlat a ni. Chuvang chuan a ralmuang lo tih kha chu kan puan dan nisela, kan hrethiam mai dawn nia. Mipuiin hrethiam mai turah ngai ila. Tin, chumai chu nilovin ralthuam man chungchangah pawh hian 2004-2008 chhungah pawh khan Silai chi hrang hrang 180 zet leh Silaimu chi hrang hrang 3500 Pu Deputy Speaker, man a lo ni.

Tin, hel pawl tihreh chungchangah pawh hian sorkar hmasa pawh khan rin aiin hma a la chu a nih hmel khawp mai, 2004 – 2008 inkar khanin hel pawl mi 5 te an in-surrender a, MAIDA mi 47, HRF mi 18, BNLF mi 195, BLFM MI 53, a kum ka sawi lovang, tin, chung mi te chu sheet hnihin an in-surrender a, pakhatah phei chuan 804 kum 2006-ah khan an inpe a, tin, ZFF-te pawh kha an inpe baw a. Chutiang chuan sorkar khan theihtawp chhuahin tan a la a, a hlawhtlinna tamtak kha a awm a, duhthusam erawhchu a ni vek lovang tih ka ring.

Tin, Police tihpunna kawngah hian record kha sorkar hmasa khan a break vein ka hria a, Battalion 4 a din a. Hei hi a that ve na pakhat chu kan rama thalai tam tak mi 4000 telin eizawna an han hmu ve pawh hi a ropui ve hrim hrimin ka hria a, tarlan lohtheih a ni lovin ka hri a a. Tunah hian battalion dang engzatnge mi pek ve dawn tih kha ka'n zawt leh a ni.

Tin, MoU kha kan palzut ve a ni, Police Department ah chuan, nichina composonate ground a theih loh kan han tih ngawta pawh kha a fel lo ka ti deuh a, a chhan chu MRP post 125, post siam thar sorkar hmasa chung khan ani a. Tin, heng bakah hian MRP leh IR hnaruaq (vacancy) te chu harsatna awm lovin hnawhkhah deuh zel a ni baw a, nichin khan kan MLA thenkhatte khan an hre diklo a ni mai awm mang e aw! ka ti. Fire Service Department tihlen a, Director post siam belh tih kha chu sorkar hmasa hun lai a ni, tin, chubakah Traffic S.P. post kha tun sorkara an siam a nilovin ka hria a, sorkar hmasa hunlai a ni a. Sorkar hmasaa siam kha, tun sorkar a siam tih kha kan haw miah lova, amaherawhchu, a dik taka kha han sawi kha chu a tha hlein ka hria a. Tin, Police

tena an neih miah loh reitak Assam Mannual kan hman thin a kha, 2005 khan sorkar khan a peih a. Tin, chubakah thil danglam deuh chu, Pu Deputy Speaker, Police chanchin hi a ngaihnam ve a, Police, January ni 1, 2006 hnu lama zawm reng reng kha chuan life kha kan insure vek mai a. ₹ 105 mi pakhat tan kan deposit a. Chumai chu a nilova, an thih hian cheng nuaikhat an lak theih phah a, accident a nih phei chuan ₹ 2,00,000/-, provision kha feltakin a awm ani. Chutiang ang chu mitthi chhungte 98 zet khan hun reilote chhung khanin kha facilities kha an avail hman ani, hengte hi ralmuanglo chungah han ngai ta ila, thil thleng ani ve hrim hrim e, kan tia nih chu. Tin, case investigation chung changah hian thubuai chhuichhuahna lamah hian Pu Deputy Speaker, Zoram Police kha an titha hle mai a, Sorkar hmasaah khan kum 2005 All India Record-ah khan 80.7% ani a, kan police ten Press Release an nei vek, media ah an sawi chhuak vek, kan la hriat ka ring, chutah chuanin Mizoram kha kan tha filawr hle mai a, 85.73% kha kan nitlat mai a, kan sang hle mai a, a lawmawm khawp mai. Tin, promotion chungchangah hian Police range hrang hrang mi 1750 atanga 2000 inkar hianin khami chhung khan an promotion ve hman ani tihte kha kan sawi duh ani. Chuvang chuan, engemaw fello lai hlir kan sawi dawn chuan sawi tur hi a tam ve a, hei kan Home Minister hi a fakawm em em in ka hria a, kan Minister zingah phei chuan ka rin berte zinga mi ani a, theihtawpin tan la a ni tih pawh hi kan chiang, Mizoram pawn Bombay thleng pawh khanin hna an zuk thawk ani tih pawh kan hriat kha maw. Chuvang chuan kiltin kiltangah khatiang khan a hnatawh kan hmu a, a lawmawm kan ti. Amaherawhchu, a hmasa te pawh khan an thawk ani tih erawh kha chu House hi chuan han hreve ila a thain ka hria a ni.

Tin, Rural Development chungchangah hianin thil pakhat chu Contractor kan siam tam lutuk deuh hi chu a pawl ka ti khawp mai a. A chhan chu kan VCP te, kan V/C membete material component a concrete building sa hi sawi tur hi ka ngah lutuk tawh, tun kum 2 emaw lek chhung hian, hei hi chu a fello ka ti. Mipui chanpual ani. Tin, Community Hall sak lai Sorkar hmasa hun lai khan ka bialah pahnih kan nei a, a thing thap reng mai a, Kan LAD Minister bial hi ani tawh a, tunah phei chuan pakhat chu Zotlang, cheng nuai 30 bawr dawn lai kha kan ngaihtuah hman a, kan zo hmanlo a, chutiang bawh chuan Bazarah. Hei hi Social Education Fund atang te khan tihdan kawng a awm em tih kha kan sawi duh ani. Tin, Sorkar hmasa hun lai khanin Rangva sem miahlo ti khan helam atang hian Pu Deputy Speaker an han sawi thin kha ka rilru ana deuh hlek a, a semtu chu ka nilova, mahse, ka department enkawl anih avang hian ka hre chiangve ang reng si a, kha kha R.D. departmentah zawhfiah deuh a that ka ring a, a sem kha chu kan semve kha chu ani, mahse kan policy chu rangva sem ani hranlo.

District Council chungchangah hian Pu Deputy Speaker kan sawisak lawk duh chu kan District Council pathumte – MADC te, LADC te, CADC te hi inthlan hnaivai an nih loh vang hi nge kumin chu heti tak maia kan sorkar hian kan hrek le ka ti a. Hlawh a pun a ngai ve, an Council, an EM, an MDC te pawh an pun a ngai vein ka ring a. Mahse, nichina kan ngaihthlak ang khanin saw lam kan MLA zahawm tak takte Pu C. Ramhluna te, Pu P.P. Thawla te sawi ang khan, khati zat em em mai kan pawt then kha kumin Planned Budget atang kha chuan a ni lo lutuk deuhin ka hria a. Ka vuipui lam ni lovin ka khawngaih a ni tih kha ka han sawi duh a ni.

PHE-ah hianin kam hnih khat lek ka'n sawi duha chu Pu Deputy Speaker, hei, ka bula thu hi a ni a, min duhsak deuh hlekin ka hria. Ka sawi zo hman

tho ang. Budget-ah hian kan en hian nuai 2,805 in nikum kha an pha lova. Nikum pawh khan an buai tehreng nen October, November, December, March a'n ni chho ang a, tui hi kan hmu tha lovang tih hi a hlauhawm khawp mai a. Tin, kan Aizawl khawpui chhunga kan Zonal tank hi kan peih har lutuk deuh a ni. Hei hi a pawh khawp mai a. Kan contractor-te pawh hian tan la deuh sela. Tin, Department enkawltute pawh hian tan kan lak a thain ka hria a, ka'n tarlang duh a. Tin, nimin zing lama question kan han zawh Mat lui, Lunglei District tana pump tih kha min lo hriat nawn sak leh se la tih ka duh a. Tin, Augmentation of Greater Lunglei Water Supply Scheme second installment, kum khat zet a nih tawh hnu pawha kan la la thei lova, hna a tangkhang hi pawh ka ti a. En chak a thain ka hria a, hmalak chak thain ka hria.

Industries-ah hian Pu Deputy Speaker, ka'n sawi lawk duh chu, hei corporation hrang hrang a tam a, sick corporation ti mai ang, enge ni, corporation kal hleithei tawh lo, buaipui/hmalakpui ngai em em chi hi kan ngah tih hi kan sawi thin a. Tin, chu bakah khang corporation hnuai a sick unit tam tak kan neihte hi tih tak taka vawiinah hian kan enchian a ngaiin ka hria a. Tin, Industry hnuai a hianin engemaw kha tukin zinga zawhnaah khan kan han sem thin a, tunhmain quota te pawh an inpe thin a, kan khua a har rei ve deuh hlek tawh a. Kan Minister hian tan rawn la ta ang se la. Kan han chan ve lai khanin TV te kha Opposition lampang kha in lawm ve viauin ka hria a, sawm nge ni ka pek che u kha aw. Kut ruak kha chuan in haw ngai lovin ka hria a. Chuvang chuanin, khang kha kan han tih liam liam hian a lawmawm khawpin ka hria a.

Tin, educated unemployed hovina Industry hnuai a loan an han lak hian an han pe mai Board chuan. Bank-in harsatna an siam nasa lutuk a, la thei lo tam lutuka hi a fel lo khawp mai. Hei hi kan interfere a ngaiin ka hria.

A tawp berah chuan Tourism ah hianin, Buarpui-ah hianin PWD Bangla hmanlai a mi tawh, tumpiin a ei chhiat tawh, repair ngaihna awm lo khu kan neih chhun a ni mai a, Forest kan chan lai khan nuai 4 lekin kan sa a, chu chu kan neih chhun chu a ni mai. Chuvang chuan, helai a hianin Tourism hian (Tourist Lodge pui pui pawh ka ti lo, Lodge hi chu a ropui lutuk a) mi 5/6 emaw chauh thlen theihna tur chu dah ve sela chuan a tha awm mang e aw, lawmthu sawi tur ka nei ve ang a, ka'n ti deuh a ni. Tin, hei bakah hian Lunglei leh Buarpui inkal pawhna, khimi tlang dung, Sertlang emaw Serte emawah khian dah theih nise tih kha kan sawi duh a ni. A hmun hi chu compensation tih hi tih loh kan ti bawk a, a free-in kan pe ang tih bialtu MLA ka nihna angin ka assure duh a ni, he House hi. A tawp berah chuan Zotlang Tourist Lodge, kan bial hlui Lunglei a mi saw a rang thei ang ber a sak zawh tawh a tha hle mai tih leh Bung Bangla a Institute of Hotel Management ropui taka Sorkar hmasa in bul a lo tan, a din uaih mai khu Subject Committee ang te pawhin kan tlawhin ka hria a, nge ni Estimate in? khu khu zawh ran a va tha em, khuti ringawt mai a thing thup ringawt mai. Tin, tha tak khuan sa pawh ni ila a approach road-te pawh khu a ngaihtuah awm khawp mai, tun ang dinhmunah chuan Pu Deputy Speaker tih kan sawi duh a ni e. Hun tha tak mai min pe a, ka lawm khawp mai, lawmthu ka sawi e.

**DEPUTY SPEAKER** : Le, Member ten kan sawi kim thawkhat tawh hle a, Member 21-in kan sawi a, a sawi awm chuan kan sawi vek tawhin ka hria. Kan sawihona kan duhtawk dawn tawh ang a, kan Minister-te tunah han wind up a, pass te rawn dil nghal turin kan sawm ang a, a hmasa in kan Minister zahawmtak Pu R. Lalzirliana, a department chante han wind up a, a demand te pass dil turin i sawm ang.

**Pu R. LALZIRLIANA, MINISTER** : Pu Deputy Speaker, ka lawm e. Kha ka hma a sawi ka nau Dr. Thangtea khan Congress Sorkar kha fak a duh hle mai a, amaherawhchu, u te demand atanga han fak tehchiam kha chu a hreh deuh va, a han in sum deuh a nih kha. Hei, Pu Deputy Speaker, ka demand hi mi 20 laiin min han sawipui a, a sawi tam lo pawhin min han khak lan sak ve hram a, a lawmawm ka ti khawp mai a. Sawi tur a tam duh khawp mai a, nimin pawh kha dar 8 leh a chanve dawnah khan kan bang a nih kha maw, a hmahruaituten an hruai tha bawk a, kan lo dawh thei hram hram ang a.

A hmasain mimal te te kha chuan kan react seng lo turah ngai ila. Pu Deputy Speaker, i dinglama thu te phei kha chu midang pawh englai pawh a an lokal theih rualin an inthlahrung deuh thin a, veilam ami te hi, i dinglam ami te zawng kan chamber-ah te, kan room-ah te kan inhmu khawm reng thin a, khangah khan kan la sawi zui ang a, a tha turah ngai ila. Tin, i veilam a thu te pawh hian an sorkar lai khan tumah bial pawimawhah chuan keini pawh kan kal hreh chuang lo a. Tin, a sorkar ve lo pawh kan thian tha hlei hlei te an ni a, sorkar na la chelh ve lote pawh kha an rawn ngampa turah ka ngai a. Tunah chuan kan react seng dawn hauh lova, khangah te khan kan in remind zel turah ngai ila a tha in kan ring deuh a ni. Hei member zahawmtak Pu Thawla leh midang te pawh khan Police T.A./D.A hi an rawn veipui hle mai a, keini pawhin kan vei hle a. Tunah hian a number chu ka hre chiah lo a, nuai 600 chuang T.A/D.A pek theih loh kan nei a, a pawi kan ti khawp mai a, heng hi duh ang chuan ba lovin pe thei zel ila kan duh a, amaherawhchu, tunhmain eng eng emaw huan, thlam, lo, ram vela kan inchhawrna te nen lam T.A/D.A kan lo inpek thin avangin khang kal chho zel kha tunah hian keini hian kan khum ta rih a, kan ti thei vek lova, a pawi kan ti khawp mai tih kha kan sawi duh a. Tin, IR Battalion hi 3<sup>rd</sup> leh 4<sup>th</sup> hian an la nei lova, heng hi midang te ngaih pawimawh, tuna Pu Thangtea han sawi angte pawh kha a dik a, chuvangin Chhimlam ah hi chuan heng multi modal transport tih te, Border trade kan tih te en hian a hmun remchang deuh kan thlang dawn a ni tih kha kan sawi duh a ni.

Lawngtlai Jail hi a chhe khawp mai a, a chhe chung chungin member zahawm tak Pu Ramhluna te khan vanduai thei min ti a, a dik chiah mai a, ka thil hawn kha a chhe khawp mai a, saw lai Lawngtlai ami kha keimah ang tho, Parliamentary Secretary a chang tu in ava hawng a, a chhe viau reng ani. Khang te pawh kha indirect-in vawiin niah hian direct-a an mahni party han sawi sel an hreha, chuvang in keini min rawn bei ta mai niin ka hri a, a chhiat na chhan a chu a satu te zawk a kha an ni a, nuaih tam tak sengin Jail an sa a, saw chauh ani lova Mamit Jail te hlei hlei khu asak chu thu hran, a hmun han thlan dan reng reng khu a dik lo hrim hrim a, engtik lai maha Mamit khua a tanga tui pek theih loh tur tlangsang zawkah a

hran pa a generator te vuah a tih ngai, approach road lah chu a chho nasa mai, full load Truck te kal theih lohna tur ani, vawiin niah hian kan lu ati hai hle ani tih kha kan sawi duh a. Tin, Lawngtlai jail pawh chutiang chu anih tho rualin khawpui alo ni ve tawh a, Autonomous District hmun te leh DC hmun ani a, chu chu hawn loh theih loh ani a, vawiinah hian kha jail chhe tak, sak chhe tak kha kan han hawng a, luah theih turin, September ni 13,14 velah hi chuan kan in dah lut dawn ani tih kha kan hriattir duh ani.

Hei DCA, Autonomous District Council hi nikum lam a kan sum pek ang kha a tam deuh hlek a, 70% vela pungin nikumah khan kan pe a, kan sum te an ziaawm deuh hlek avang khan, kuminah chuan khatiing em em chuan kan pe thei lova, a kum leh lam an dawn te nen a khai khin chuan a tlem chhe hran pa lo ani tih pawh kha ka han sawi duh baw k a.

Tin, Direct Funding tih hi kan MLA zahawm tak te khan in rawn sawichhuak a, Pu Rama pawhin a rawn sawi a, heng hi Cabinet thukhawmin kan phal lo hauh lova, engmah harsatna a awm lova, tin, ngaihtuah pawh kan ngaihtuah baw lova, kan ngaihtuah tur pawh ani tawh lova, kan rem ti tawh a, kan Chief Minister te, kan MP ten kan rem ti ani tih an sawi vek tawh a, amaherawhchu, chuti chung chuan vawiinah hian Central lamin Mizoram sawrkarah sum, BADP sum bik kha an la rawn released loh avang in kan pe thei rih lova, hei hi khulamah eng eng emaw zawhna kan siana, chumi min chhan hunah chuan, min rawn chhan dan azirin kan la kal zel dawn a ni tih kha kan sawi duh a ni. Tin, Pu Piana, kan Deputy Chief Whip khanin Darlawn bul Khumlohaw a IR dah chungchang te a rawn sawi a, heng chungchang te hi a hmun a rem a, kan hria a. Amaherawhchu, sum leh paite, in han sak zung zung na tur remchang ala awm loh avangin kan la ti thei lova. Tin, khiti lam khi thlanna hranpa a awm rih lem lova ni tih kha ka han sawi duh a.

Tin, S.S expenditure atan hianin sum tam zawk dah nise tih te a ni a. Hei hi vawiin nia an neih ang hi tangkai taka an hman zel chuan vawiin ni ang hian kan police te hi chak takin an kal thei ang tih ka ring a. A hmanna tur dik taka ui lova hman tur ani ang tih erawh chu kan ring a, kan hotute pawhin an hria a ni. Havilder promotion chungchang te hi MNF hun han tih bawl bawl emaw sorkar hmasa hunlai a diklo taka anlo ti anih chuan khatiing ang kha thik turah kan ngai lova.

A diklo te hi chu 'a chhe lai siamtha tu ni ang che' tih ang deuh khanin kan siamtha zel anga, tin, hetiang ang hi training na te awm lova han tihna chi a nilova, a seniority ringawt a kal chi a awma, chi loh a awm ve a, khatiing khan post commander te ni thei tur anga kan inchei, kanin chher chhoh a ngai a ni. Chutiang nilova 'midang pawhin an tia lawm' tiha thil thalo lam kawhhmuh tu nilovin khatiing lampang a kha chu keini tum zawng anilo tih kha kan hotuten min hriat pui selangin a tha in kan ring a.

Pu Lalduhoma, kan member zahawmtak, UDA group leader ina a rawn sawi Youth Commission a kha kan lo ensual palh deuh hlek ani mai thei a. Kan budget bu pheik 275-na, Demand No 28-naah khan Labour and Employment ah khanin Rs nuaih 50 a token anga dah a ni a. Kha aia tam pawh kha hman theih tur a ni anga, kan pawisa neih dan a zirin, khalai te kha kan clarify duh lawk a. Tin, PTC, Thenzawl te hi a tha khawp mai, a lawmawm khawpin ka hria a. hei Mualpui a mi te pawh hi engnge ni an chhut dan kha ka hre ve thiam vak lova, a... a lo to



viau mai a, khulalah transformer hran an tia, tikhan an lo bei a, tam tak kha an lo pe thin a, chutiang ang chu ti tlem rawh u, mipuiin a domestic anga kan tih hianin chawi ve rawh se kan ti a, hmanah khan kan zuk kal a. Chutiang chuan an ti tawh a, sawngte pawh. Chutiang anga private mimalin a kan lak chi deuh ang hian ti se la, tlawm thei zawk tura ngaih a ni.

**Pu LALDUHOMA** : Pu Deputy Speaker, khawngaihin PTC-a awmte khan kum tam tak mai chhung kha retailer an lo nei ngai miah lo mai a, a to vek in thil an lei thin a, Lungverha an awm lai khan, sawlai a hmun thar a awm saw, nupui fanau nen te anni veleh dawn a. Chini te etc. khatiang ang zawng zawng a kha anmahni puala retailer te an neih ve theih dan ngaihtuah a ni em aw? Chuti anih loh chuan an canteen vel atang khan an ti chawp a, a man to vek in thil hi an lei bik mai a, khalai te kha ngaihtuah sak a tha khawp in ka hria.

**Pu R. LALZIRLIANA, MINISTER** : Pu Speaker, a lawmawm khawp mai. An lo la neilo anih chuan kan Supply Minister hnenah ka dil sak ni nghal ni selangin pek kan tum dawn nia.

Tin, Assam Rifle hmun helai Lammual vel atanga Zemabawk a in sawn tur tih te hi keini ngaihtuah theih chiah ani lova, hmannah kan sawi tawh a, Contractor leh Union Home Ministry inkar a ni kan tih rual khan helaia quarterly a report pe tur an ni tih kha a ni a. Chungte chu an pek na tur a chu Union Home Ministry a ni a, amaherawhchu keini pawh helaia awm, kan rama awm an nih avangin kan hnena pe ve turin kan lo sawi ang a. Tin, kan Chief Minister hian a ngaihven em em a, a ho hian ni 1.8.2011-ah hian Assam Rifle hrautute kan va tlawh dawn a ni, helaia tui, electric leh eng eng emaw thu neitute hruai in, chutiang ang chu kan tum dan a ni e. Pu Lalthansanga kha a awm tawh lo bawk a, a awm lo hi chu react lo mai ila, ka react lo mai ang e, sawi tur tam tak a awm a hun a uihawm e.

Pu Thlenga, Member zahawmtakin Dungtlang Police Station a sawi kha a pawimawh khawp mai a, kan hotute pawhin min hriatpui tawh in ka hria a, hmanni a kan zin khan Tour note te kan siam a. Khilalah khian ngaihdan chi hrang te pawh a awm nual a, Dungtlang a khaw te ber a ni a, Khawbung te, Farkawn te khang ai khanin leh Vaphai te aiin a te zawk a, amaherawhchu, a lai tak a awm a ni a, kawngpui dang awm lo a ni. Chuvang chuan khilai khi khaw chhak, khaw thlang, chhim leh hmar in kal pawh na atana kal tlang ngei ngei ngai a ni, chuvangin khilai khi a tha kan ti a. Tin, tunah khian Police tlem te pahnih pathum vel dah an ni a, chung chu thil harlo tak niawm tak, han strengthen a, Police Station tak tak a nih hma pawhin tun aia lian deuha an awm khi chu a pawimawh kan ti khawp a ni.

Bru ralplante hi double benefit dawng an tam khawp a ni tih te hi kei ka beng ala thleng hauh lo mai a, zepnak emaw. A bute kha a neiin ka hria a, a pharh duai duaiin ka hria a, khangte kha khawngaihtakin min rawn rawlruk selangin, khang atang khan action kan lo la ve anga, hetiang anga kan tang tlang a, kan ti rau rau a nih chuan theihtawp chhuah tlang ila,

a lawmawm khawp ang. Tin, Elvis-a kha in sawi ri ta rau rau a, amah hi Sorkarin an thawhpui tlat mai a, an ti a. Amah hektu hi chu thawhpui tlakah kan ngai lo a ni, sorkarin. Zarzokima thihna tur atana Hel rorel puitu ho kha an ni a, chuvangin hemi hi chu hel lam kan side a nih loh chuan helaia Elvis-a leh lampang kha chu lo be tha lo hram hram ila, helaia mite hi chuan a thain ka ring khawp a ni. (Pu B. Lalthlengliana – he tlangval hi a fing riau mai a, heng ‘thil diklo’ kan tih zawng zawng pawh hi ama kutchhuak nia hriatna a awm a, a hmalam hun hi a thlir thiam viau niin a lang a ni.) Politics-a mifing tak tak lamah an awm hi chuan erna pawh a nasa ve hrim hrim a, chuvangin mi a nileng lo an hruiatu atana an lo awm a nih chuan a tha turah ngai ta ila. Bru raltlante lak letna atan hian NGO hian kum 1995 kha base-ah hman nise, tih a ni a. Heng hi khatiang kan rel lai khan kan la lut mai silova, kum 2003 khan revision a awm a . Tichuan Indian Home Ministry in Bru raltlante awmna hmunah hian kal a, revision zu nei turin Mizoram sorkar kha a ti a. Mizoram sorkarin a tih anga kan tih duh loh chuan Arunachal te pawh kha dik tak chuan khulai a Chakma kal te kha roll ah an thun duh lova. Thun turin an ti a, mahse an duh lo a ni, an Cabinet khan. Engemaw chen chu an awm ve thei a. Election Commission of India khan kan thu anga in awm loh chuan kan duh angin in chungah ro kan rel ve ang an ti ta tlat mai a. Chutiang chuan election an han nei dawn a, MLA te M.P. te. election kha an conduct sak duh miah lo mai ani. Chuvangin inthlang theilo ram anni mai dawn a, an tlawm leh ta zawk a. Chutiang chu precedence lo awm tawh a ni a. Keini pawhin engpawh nisela 1995 kha a base-a hmang tho in, 1995 Roll-a awm lo kha 2003 revision-ah khan engemaw zat kha kum an lo tling tawh a, Roll ah khan thun leh a ngai a. Tichuan kumtin revision alo awm chho leh a. A tlinglo kha an lo tling chho ve leh zel a, a thenkhat paihchhuah an lo ngai ve a. Mahse, kan ramah pawh hian kan pung chho zel a ni. Chutiang chu an lo ni ve tho a. 1995 Roll ai chuan 2009 Roll ah chuan an lo tam ta deuh a. Heng hi kan duhdan hi a thuhmun vek a, amaherawhchu, mahni thua awm thei, sovereignty nei kan nih loh avangin India rama awm kan ni a. India ram State pakhat mai kan ni a. Kan chungah thuneitute awm ve anih avang erawh chuan kan duh angin kan ti thei biklo hi chu pawh kan ti khawp mai a ni. (Interruption)

**Pu B.LALTHLENGLIANA** : Pakhat leh lawk khawngaihin helai atanga tlanchhuak thla kal zel te kha chu alo dik anih pawhin nichina kan han sawi Tripura ramchhunga awm nghet leh Cachar ramchhunga awm nghet Roll a awmte kha chu ennawn leh a tha lawm ni.

**Pu R.LALZIRLIANA, MINISTER** : E, ennawn leh tha e. Chutiangang chu a awm em tiin hmannah pawh khan an zuk kal tawh a. Engnge ni report ka dawng chiah lova, hei hi chu ennawn leh tur a ni ngei ang.

Tin, Zu hi engnge ni ka hre chiah lova, Zu lampang hi. Tin, sipai motorah phurh te a awm tih kha kan hotute Pu Rama Member zahawmtak niin ka hria a, Sipai motor ti ila Police motor-ah. Heng hi Police motor-a phur a, lo zuar thin te an awm anih chuan khawngaih takin min hrilhru selangin a number te. A neitu chu an hre lo mai thei a. Hetiang ang ti kan awm anih chuan vawiinniah a no. te kan hre chiahlo anih pawhin nidangah an tih leh kha lo chang ula. Hmanah Pu C.L. Ruala'n Police Motor-in thil a phurlai a thla a lo va la a, House-ah a lek

chhuak a. Khatiang kha chuan action lak a nuam khawp mai a. Khatiang te khan khawngaih takinrawn ti thei ula. A phurtu an awm anih chuan action kan la ang hei hi chu.

**Pu C. RAMHLUNA** : Pu Deputy Speaker, khatianga kan Home Minister zahawmtakin a ti anih chuan a ruikin kan hrilh thei em ?

**Pu R. LALZIRLIANA, MINISTER** : Pu Deputy Speaker, aw a ruikin, iti tih kan sawi dawn chuanglo va. Khawngaih takin minrawn pe selangin a lawmawm ngawt ang a.

Tin, hemi hi chu a ni lovang a, midangte pawh kha sawi ve an awmin ka hria a. Sawlai YMA Pukpui ..... Hei hi em ni in sawi leh tum deuh, kan sawi ang e aw. Ni 23.12.2010 khan Pukpui YMA Branch duty ten C.Lianmawia of Saron Veng, Lunglei zu phurh Scorpio motor-a a phurh kha an man a, um 496 lai, Rum a ni. Hei hi SDPO Lungleiin enquiry a la a, chu enquiry a laknaah chuan 40<sup>th</sup> Batallion A.R. Sipai pathum te an hming a awm a, (hei chu a rei mai mai ang a. Nakinah a copy hi in duh chuan kan inpe thei ang a) Hei hi an ta a ni a, anmahni Motor in anrawn phur a. An Motor kha a chhiat si avangin he C.Lianmawia Motor hi a lo kal a, an lo phar ding a. Assam Rifle bungraw pangngai emaw tiin an load ve a, tichuan, YMA ina an lo tih din pawh chuan engmah pawh tihna nei lovin, thil sual a ti a hriat loh avangin, “E, check rawh u, check rawh u” a ti a, an check tir a. Tichuan, Zu a lo ni reng mai a, an man ta a.

**Pu B. LALTHLENGLIANA** : Pu Deputy Speaker, khawngaih takin. Tawngkam polite deuh mai a hmanga a, kha kha a dik lo tawp mai a, Pukpui YMA te hnen atanga ka hriat danin nangni check theih pawh ka ni lova, min check tur a ni lo a ti a. Pukpui YMA ten zawldawh takin an ti a, an check luh sak ta zawk a ni. Saza Bangla bula Motor chhia kha a ni a, Sipai Motor ina a phurh C. Lianmawia, LDCC General Secretary Motor Scorpio-a a zu phur vng vng hi chu sipai ta chu a nilo tawp tih a Chiang a, sipai ta tak tak chunise, sipai hian Motor an ngah lutuk. Congress General Secretary Motor hi an hire a rinawm lo. Sipai ta anga an sawi avangin sipai pawh zawh a ni a, Zu an neih loh thu an lo sawi. A chhui chungchangah pawh Police Thana Staff ten chhui lova, DSP, Lunglei chhui luh tir a nih avangin a tir atangin a kuthnung khirhin chhuichhuah tir an tum lo hrim hrim niin a lang.

**Pu R. LALZIRLIANA, MINISTER** : Chhui thelh an tum deuh ni ah i ngai ani maw ? Ani chiah lova, sipai ta a lo nih avang khan tlema a rank sang deuhhleik ina tih te a lo ngai a, chuvang chuan SDPO kha kan han tih tir ani a. Tichuan heng mite hi sipai pathum an man a te chu koh anni a, anni pawh hian an ta ani tih an pha lova, chuvangin helaiah an Commandant,

40<sup>th</sup> Assam Rifles hnenah hian action la tura hriattir a ni tih kha kan sawi duh a ni.

Member zahawmtak Pu Rama han sawi kha murder case 86, rape case 199, rukruk case 1807 lai mai kan han hmu ta te hi heng murder case tih te, rape case tih te hi chu hmanni a kan ngaihthlak tak ang deuh khan an tum dawn tih kha mi rilru zawng zawng X-ray tu kha kan ni bik silova, ram a lo changkang zel a, development-in a rawn hrin chhuah te pawh ani ve tawh mai thei a, tin, a thuhrimin hetiang zat man thei Police efficient em em kan han nei ta te hi a ropui hlein ka hria a, kan Police te thawhrimna tilangtu, mi vanduai achungah an thawhrimna tilangtu a lo ni ve ta te pawh hi a chiangin ka hria a ni.

Heng Outpost thuam that tih ang chi te I.R. dah kha chu nichinah khan kan sawi tawh a, a bial velte pawh saw kan en a ni. Lawmthu te pawh ala sawi thei mai thei a, amaherawhchu, sorkarin decision ala siam lova, hei hi lo en veltu tur tirh an ni a, Minister dawhkan hi ala thleng lova, chuangin helaiah hian kan dah dawn, chuti khati tih theih ala nilo, tih kha kan sawi duh ani. Tin, Jail te pawh kha kan sawi tawh a, Police zu phur pawh kan sawi tawh. BRGF hi a hriatsual palh a nih ka ringa, BADP a tih tumna deuh a nih chuan ka hrethiama, BRGF-ah hi chuan Minister hi chu rawn puh lul lo sela a tha ka ti a. BRGF hi chu a hming hi a nih ang hi mawl hle mah ila ka hreve deuh riak ruak a, chuangchuan kan khawihpui tur a nilo ah ka ngai a, sawlama kan unautena an khawih a ni. Amaherawhchu, 'in recommend pawh a awm ve tho alawm' in ti a nih chuan, mi tamtak anlo kala min recommend rawh an ti a, han duhloh ngawt chu a ni biklo a, 'Hei hi inlo enpui thei em?' tih te chuan kan lo ziak ve a, khang a vannei te anlo awm ve a nih chuan helama miten an lo thawk ve mai thei.

**Pu C.RAMHLUNA** : Pu Dy.Speaker, a list ka nei thlap mai a, remchang a tih hunah min enpui thei se ka va ti em? Khawngaihin min enpui theise ka van duh em.

**Pu R.LALZIRLIANA, MINISTER** : Pu Speaker, a list a neih chuan ama recommend te pawh kha an tel ve mahna le, awle, kan la endun dawn nia, khang kha a mimal ang deuha kan react theih chu ni ta selangin, hei tun ang hun hi, darkar chanve pawh ka la hmang lo ania. Tun ang hun hi han insawimawi nan te leh achievement han sawi vak nan te hian kan hmang thin a, amaherawhchu kan ngaihthla tha vak chuangin ka hrela a, tam tak chu an react tawhlo turah ngai ila. Kan Dy. Speaker Chair la tu ber pawh a nin hmel riau tawh maia, i ning lo ang chu maw ti raw. NREGS kan tih te kha kan han sawi liam liam hlawm a, kuminah hianin nuai sing hnih sang hnih za li sawmnga leh paruk kan nei dawn, Budget-ah kan dah a, hei hi kan duh ang a ni lo a, hei ai tam hi kan han dila, kan han theh thla a, amaherawhchu hei hi min rawn pawmpui zat a ni a. Hei hi Budget a dah a nih angin kan hmang tha a nih chuan hei ai tam pawh hi hmang thei turah kan inbeisei a, kan harsat ber thinna chu State share hi a nia...

**Pu LALDUHOMA** : NREGS-ah hian kan dawn tur ang kan dawn phak loh chhan hi contribution kan neih loh vang a ni tih hi State level ah te District level meeting-ah te. (Aw, 10% contribution kan pek theih loh vang) Khami kan pek theih loh avanga kan dawn tur ang kan dawn theih loh a hi engzah chiah nge ni ang aw, tih hi min hrilh thei em aw ? ka ti a. Tin, A.C.A. (Additional Central Assistance) hi hemi State Own contribution atan hian hman theih a ni lawm ni? Hemi State Board Contribution atan hian a hman theih ani lawm ni? State share kan pek loh vanga kan hmuh tur kan hmuh phakloh fo mai tih reh nan hianin a damdawi a ni thei em? tih kha kan zawt duh deuh bawk.

**Pu R. LALZIRLIANA, MINISTER** : Kuminah kha chuan kan hman tur kan duh zat ang kha a tirah an harsa deuh va, amaherawhchu, kan hotuten mirethei te thlengphak tak tak anih avangin priority an hmang a, khatiang avanga harsatna kha kan neilo ani. Kuminah pawh hian kan neilo turah kan han ngai deuh ani.

**Pu C. RAMHLUNA** : Pu Deputy Speaker NREGS-ah khan, nikumah khanin Lawngtlai leh Saiha, (Saiha ka hre chiah lova) Lawngtlaiah kha chuanin ni 100 turah khan ni 94 inhlawhna kha an siamsak thei chauh mai a. Kha kha hmanni a Vigilance Meetingah pawh kan sawichhuak nghe nghe a, khami a balance 6 days kha kumin chhungah hianin a thawh tir leh theih a ngem, ni 100 nilo khan? Ni 6 ang khanin a tih tir leh theih ang em? tih kha kan zawt e.

**Pu R. LALZIRLIANA, MINISTER** : Ni 100 dang kha kan inhlawh leh dawn thova, khalai a kha chu ni 100 a aia tam zawk (ni 6 aia tam zawk kha) kan inhlawh leh dawn tho alawm. A pawisa leiba inthin anga 'kan lo en ang e' tih kha zawng kan tiam love,

**Pu C. RAMHLUNA** : Pu Deputy Speaker, lawk a, khalai kha hemi material component an dah san deuh avanga an tihkim lo deuh kha ani a, dik chiah chuan Office lam pang thiamloh pawh kha anih ve na chin kha a awm a, kha mi kha a material component nen khan kuminah pawh khan a inzat ve thei mai lawm ni.

**Pu R. LALZIRLIANA, MINISTER** : Nia, khatiang ang kha anih chuan material component a alo tam deuh anih chuan infrastructure asset kha an nghah ve deuh dawn ani mai a. He laia an hlawhtam aiah khan, mipui inhlawh aiah khan , kawng laih emaw, lei dawh emaw, retaining wall siam emaw kha a tam ve deuh tihna ani mai a. An mahni bialchhunga an hmang tho anih kha chuan kha kha chu aia tih kha chu a harsain ka ring a, tichuan hemi NREGS hi a Central Sorkar duhdan ang a helai a plan lian pui puite zu ken thlak a, Delhi a zu kal ngai lovin MIS (Management Information System) an ti a, chu chu Internet kaltlang a tih tur ani a. Heng hi keini chuan vawiin niah hian kan nei tawh a, chutiang chuanin India ramah pawh titha pawl takte zing ami kan ni a, helai atangin sanction kha tlai lovah hmuh theih turin nachina kan sawi tawh ang khan, kan State Share te kan pe tha thei anih phawt chuan tlai lova hmuh zung zung theih kan inbeisei nghe nghe a ni. Kumina kan hmuh tur atan hian, 2010-2011-a kan hmuh tur atan hian Mizoram District tin atan nuai 4,951 min pe

tawh nghe nghe, tunah hian kan kutah a awm tawh a ni. Heng hi a tha thei ang bera hman kan duh a, social audit te neih thin a ni a. Kuminah te hian tum hnih tal chu a lo berah social audit hi neih tura beisei a ni.

IAY te hi nichinah khan kan han sawi a, kan sawi tam lova. New Construction hi 48,500 a ni a. Upgradation ni 15,000 pek a ni thin a. IWDP hi permanent wait list-a siam a nih tawh avangin duh ang hun hunah khan MLA te, Minister ngei pawhin a thun thei bik lo tih kha kan inhriatpui a thain ka hria a. Amaherawhchu, mi pawimawh zual, kangmei leh natural calamities ang chi te chu wait list-ah khan lo awm lo pawh ni se khatieng ang tih theih dan kha chu a awm ve a. A mamawhte chuan kan inhriattir tlang zel dawn nia tih kha tawh mai se la. IWDP tih te pawh hi a kal liam tawh deuh kumina tawp mai tur, 11<sup>th</sup> to 12<sup>th</sup> Plan a mi tur a ni a, hemi a zawh chuan tawp mai tur a ni tih kha kan hria a. Chumi thlak nan chuan IWMP kan hmang dawn a ni tih kha ni leh mai se la a tha ang a. BRGF chu nichinah khan kan han sawi hlak tawh a, kha kha a tawh thei mai turah ka'n ngai a.

Tin, BADP hi kuminah khan kan hmu hnem hle mai a, hei hi nichin a sawi ang khanin direct funding BADP-ah kan tan ang an rawn ti a, Central atangin. Hei hi kuminah chuan khawih tawh lo turah kan ngai a, Central hian rawn ti fel nghal mai selang chuanin keini tan chuan dik tak chuanin phurrit kan in phurh chhawk a ni a, kan tan hlawkna a awm hranpa chuang lova. Nitin mai kumtluan a BADP dil a za tel lo kal thin hi a hahthlak ve angreng khawp mai a, thinchhiat tawh nak alaiin han chauh deuh phei hi chuanin buaithlak deuh a nia. Chuvang chuan min chhawk thei se ka duhthusam a ni a, sawlam kan duhsak bawh a, chutieng chu kan dinhmun a ni tih kha a ni a, kumin atan hian a tam viau mai a. Nikum lamah khanin State dang aiin kan ti tha a, State thenkhat chu hmang hlei thei mang lo te kha an awm ve a, kan hman zawh hma deuh avangin min pek a kha additional fund min rawn pe leh a, crore li/nga dawn lai kha min rawn pe leh a, chutieng anih avang chuan kuminah hian nuaih 3702 lai min rawn pe a ni, chutieng chu kan dinhmun a ni e. Hengah hian Community Hall te, Field laih te, engkim mai a ni e, chutieng chu thawh thin a ni e tih kha ka han sawi duh a ni.

Tin, Rural Development Department-ah hian sawi hmaih miah loh tur thil a awm ve in ka hria a. Kan block hrang hrangte hian motor an nei chhe hle hlawm a, a field a thawktu tak takte an ni a, motor nei lovin an awm thei silova, a hranpain motor leina min pe miah lova, kan sum neih Centrally Sponsored Scheme atangte leh eng eng emaw atanga han sawkkhawm hianin Gypsy 8 lai kan lei thei a kuminah hianin, a lawmawm kan ti khawp mai a. Tin, BDO Office leh thil dang reng reng hetiang ang motor kan repair-na Home-ah te hi chuanin Union Home Minister a lo kal khanin vaibelchhe 6 leh tlem min rawn pekah khanin vaibelchhe 4 vel chu kan motor siam man bat rulh nan khan kan hmang a, chutieng ang chu kan la rul seng dawn lo lehngal a. Vawiinah erawh chuan, Rural Development Department-ah chuan motor siam man ba pakhat mah an nei lova, tin, medical reimbursement rulh theih loh pakhatmah an nei lo bawh a ni, hei hi an chhuanawm em em a ni. Nidang te nen a kan ngaihtuah hian vawiin niah kan member te min han dim deuh bawh ani ang a, Rural Development Department hi buar chuar tam na em em thin ani a, chutieng ang awm lova vawiin ni a fel fai taka hnathawk tuten

min han kalpui hi a thawktu te chungah ka lawm tak zet zet ani tih kha ka sawi duh a ni. Heng Social Education-ah te hian, Community Hall-ah leh eng eng emaw, khatiang ang te kha kan han sa thin a, nichin a kan hotuten an sawi te pawh kha kan lo en chho zel dawn ani a. Tin, kuminah hian cheng nuai 300 kan nei ani a, chungah chuan a thar han pek tur hi a tlem duh khawp mai a, on going kha alo ni chho deuh char char a, a tirah nuai 15 te, nuai 30, estimate te, ear mark te kha alo ni a, nuai 5 te, nuai 7 te, nuai 3 te te pekte alo ni a. Chuvang chuan on going atan hian nuai 217 kan hmang ang a, a thar atan chuan nuai 82 emaw chauh kan nei dawn a ni.

**Pu P.P. THAWLA** : Pu Deputy Speaker, khawngaih in on going scheme kha a thawk ngai te chhunzawm nan nge ni ang midang supervisor emaw work agency emaw lak mai tur nge ni ang.

**Pu R. LALZIRLIANA, MINISTER** : Aw, keini hemi Social education tih te hi chu heng a sikul leh play ground tih leh community hall tih vel te hi chu mimal contract in kan pe ngai lova, hetah BDO chairman na hnuaiah khang ho khan an thawk thin a, chuvangin BDO a pek leh tur ani mai a ni. A bak hi chu contract tur a awm ve mang lo, hengah hi chuan.

Tin, Housing for Project Staff tih te pawh hi kuminah nuai 273 kan nei a, heng hi kan BDO leh a Staff te, an quarter te leh an office te leh helai a Directorate han chei nan te khatiang ang kha hman ani thin a. Kuminah pawh hian BDO Office, Tlangnuam, saw lai kan Project Director Office bulah sawn ram Project Director ten min sah thlak a, chutah chuan BDO Office kan sa dawn a ni. Helaiiah Tlangnuam lam te leh Durtlang lam te, khi lamah kal se, khulamah kal se kan han ti thin a, amaherawh chu inchuh na a na a, a laiah hian dah ila tiin ram kan zawng a, sawlaiiah kan hmu hlauh a, kan lawm viau a ni. Rural Housing tih hi nichin a kan sawi tawh thin rangva kha MNF sorkar hmasa khan rangva sem na tak policy hi chu an nei hranpa lova, amaherawhchu, kan tlak dawn khan rangva kan chhiep urh mai a, kan hotute kha 'sem sawk sawk ang u' inthlan hma hian kan ti a. Over confidence an lo nei deuh nge ni an sem duhlo a, inthlan zawha semah kan tia, kan tla ta sia, kan hotute hi kan hau ve nasa a ni. Kan han tlak takah kha chuan sorkar thar khanin an sem ham ham mai a. Kha kha kan hotuten dawng tur awm ang a an tih kha pah vek kha an ni a. A thar han thlan vek kha chu a hreawm chu kan ti ve viau a ni tih kha kan sawi tel duh zawk a ni e. Chung chu RD atan chuan a tlangpui nimai selangin. Aw, kuminah keimahni hi chuan nuaih 400 in kan lei a, chu chu kan sem vel mek a ni a. Kan sem zel dawn a, nakum atan hian nuaih 400 kan dah leh a, chung chu a mamawh zual, inkang leh khatiang vantlangina an sak sak ngai hial ang chi te kha chu opposition ani emaw nilo emaw khang kha inthliar tur ani hauh lova. Kan MLA ten min rawn hriattir ve zel theih chuan a lawmawm ngawt ang tih kha kan sawi tel duh a ni. (PU LALDUHOMA : Pu Deputy Speaker, sikul chung atan te a hman ve theih em ? ) Sikul chungah hian chuan kan pe phallo deuh chu a ni. Mirethei insak na tur kha a nia. ( Lalduhoma : kan bial kha kan rilru kha a inhliam deuh sia, social education atang khanin nuaih khat ve ve community hall thawmna tur leh MUP building, nuaih 2 lek te kha chu min pe ve ula, a va tha ve, khang tur atan khan. ) In awmthat duh dan a zir te pawh a ni ve ang chu.

Hei, Home department lamah hian, demand 16-na lamah hian han kal chho ve ta ila, thil sawi tur tamtak a awm a, halpuah hal loh tih te, Christmas vuakvet tih te, khang zawng zawng te kha chu kan hotuten in sawi tawh a. Sawi ngai lovah ngai ta ila, heng Law and Order problem tih te pawh hi kan hotute leh mipui leh NGO te, kohhran thlengin kan tan tlanna, mipuiina he sorkar an support zia tilang tu a ni a. Heng law and order problem kan neilo te pawh hi mipui leh Pathian chungah hian kan sorkar hi kan lawm em em tih kha kan sawi duh a. Tin, abik takin heng hotu fel takina min hruai chuan kan Chief Minister huaisen leh fel takina min han uapna hnuaiah hetiang hian awm ve a ni chauh a. 'Amah a lan hun apiangah ropuiin kan lang ve ang' tih ang deuh khan kan hotupa kaihhraina hnuaiah ropui ang a han lan ve chang te hi kan nei a ni awm mange aw, tihte ka ngaihtuah a, a lawmawm ka ti khawp a ni, vawiin niah hian.

Case eng engemaw hi chu tam tak a awm a, tlemte chu tam tak han man chhuah te zingah man chhuah harsa deuh tur awm te ka han sawi thuk thuk ang a. Ni 18.10.2010 dar 6:30 vela naupang kum 5 mi, sawlai Thakthing veng ami Imanuel Zomuanpuii kha tunge hruai bo tih reng reng an hre lova. Zingah an han zawng a, mi garage-ah thiin an hmu a, khatiang khan kan police ten an han bei char char a, Lalrammawia, Salem Veng kha a thattu a ni tih an hria a, an man nghal mai thei mai te kha a ropui kan ti a.

Tin, Saihaa hman ni lawk a hmeichhe ruang chhe tawh tak an han hmuh kha, khangte kha tu thah tak niang maw aw, tia mipuiin an en thuap lai khan a mawhphurtu Lalrinsanga, Saiha, ECM Veng leh Lalchhanchhuaha, Dawrpui, Aizawl ami an han man thei mai te kha lawmawm kan ti a. Kan police te hi Aizawl a mi chauh ni lovin hmun dang dang ami pawh kha an inthlahdah lo a ni tih kha a hmuh theihin kan hria ani.

Nichinah khulai ABCI hna thawktu ruk bo chungchang te kha chu kan sawi tawh a. Amah pawh dam tha takin Damdawi In pawh a chhuahsan tawh niin kan lo hria a, a lawmawm ka ti a. Hengte hi lehlamah chuan vaihote, hnam dang hoten kan ram, kan sipai te, kan police te, a mipui hrimin lainatna in ngahzia/kan ngahzia an hriat phah a, a ropui hle a ni. An vanduaina kha vanneihna, mizote nun dan dik tak an rawn hriat chhuah phahna, Kristiante nun dan an rawn hmuh chhuah phahna niin ka hria , a lawmawm ka ti khawp a ni. Hengte hi chawimawina chi hrang hrang, hman niah kan sawi tawh a, kan police hotuten cash award te, appreciation letter te, good service, entry mark tih te, Governor, Police Medal, Gold Medal te pek turin an ruahman mek a ni. Tin, chutiang piah lamah chuanin ...e... chutiang bakah chuanin tunhma a kan Chief Minister zahawm takin he hmunah ngei hian helai atanga ding hian ka discretionary fund chu helho te hnenah a, 'helho ten min eizawhpui a ni' a tih ang lampang kha keini chuan kan ti ve dawn lova. Ka discretionary fund atangin ₹ 1000/- theuh heng police-te hi kan pe dawn a ni tih kha kan sawi nawn leh duh a ni.

E, tunhmaa thi te, mahni intihluma thi, mahni in luma thite emaw, entirnan Rev. Chanchinmawia thi chhuichhuah theih loh an nih te kha kan hotute khan hmanni te khan in han sawi a, tunah te pawh sawi lan a awmin ka hria a, hengte pawh hi chhuichhuah kan duh a, kan la ti thi hauh lo mai a, engemaw a clue hria chuan min hriattir thain ka hria a.



Hmanniah mi pakhatin hre awm deuhin a in sawi a, a.....kan han zawt char char a, kan police uisa thiamte pawh an han vak buai viau hman a, amaherawhchu, han tih tak tak hian rumour engemaw a ti tih khan a tawp zel avangin tih hleitheih loh a ni a, tin, a tih hleitheihlohna chhan a kha chu kan sawi tawh a, khatiangte kha a ni a, heng hi pawl kan ti khawp a ni. Tichuan, kan kal leh zawr zawr anga, Mumbai lamah human trafficking hmeichhiate helaiah bum chhuak a, an hna tur hmuhpui, kan nulate hmuhpui tur niawm taka nawhchizawrhna room-a zu dah leh ta mai/hmuna zu dah leh ta mai te an awm tihte kha kan hria a, a pawl kan ti a, kan police-ten nasa takin theihtawp an chhuah nghal a, chungte chu zuk chhanchhuah nghal niin, a hnuah khanin hmeichhe pahnihte chhanchhuah leh nghal an ni a, helaia mawhphurtu lian ber Gopal Dokhal Mandal an tih chu man a ni a, tunah hianin Kolasib jail-ah dah mek a ni tih kha kan sawi duh a ni.

Hmanni lawk 5.2011, 8:30 A.M. vel khan Tlangluahpuii, mi tu tih hriat loh ten amah Tlangluahpuii leh a awmpui tleirawl chu an chhu a, an cell phone te an ruk sak in an chhuah san leh a. Hemi te hi man chhuah an ni a, V. Lalremruata Chaltlang Lily Veng a ni a, hei hi man chhuah ani tawh a. Tin a hnu lawkah 15.5.2011-ah khan zan dar 11:00 leh 12:00 inkarah Chaltlang ami Lalruata Sailo, Mualveng inah hmai tuam lut in an fanu kum 15 mi lek chu chemte a vau bet in cheng sanghnih an chhuh sak a ni. Hengte pawh hi kan Police ten chhui zuiin an man leh ta a. Helaia mi (Pitar) lo chhutu V.Lalramruata leh John Lalnunmawia Chaltlang Mualveng te chu man an ni nghe nghe a ni tih kha ka'n sawi duh a.

Tin, thil chhuanawm tak mai ka'n sawi leh duh chu CCTNS kan ti a, Crime and Criminal Tracking Network System tih hi a ni a. Hei hi India rampum puia misual te man theih zung zungna tur a State-tin inthlunkhawm a, in zawm tur a ni a, hei hi kan police te hianin he network hi kan ti tawh a, tunah hianin India ram pumpuiaiah system integrator thlang thei awm chhun kan nih avangin he scheme hnuaiiah hian a ti tha ber India ramah kan ni hi a lawmawm tak zet a ni.

Tichuan, 5<sup>th</sup> IR Battalion lamah khan kal ta ilangin. Kan 5<sup>th</sup> IR Battalion hi Assam ramah deploy an ni tih kha kan hria a. Tin, 5<sup>th</sup> IR Battalion a kan nau te ho hi India hmun hrang hrangah te leh Delhi Common Wealth Games-ah te, Bihar inthlanah te, Assam inthlanah te, West Bengal inthlanah te khan election duty in an kal a. Heng hi an kal hlat a, environment alo hran alo hran hi chuan an fing telh telh ang tih kan ring a, a tha kan ti a, tirh chhuah zel pawh hi kan la tum a ni tih kha ka'n sawi duh a. Tin, 5<sup>th</sup> IR Battalion hian Head Quarters an nei tawh a, chu chu PTC Lungverh khu a ni. Hetiang ang hi kan puang anih chuan notification-in a zui ngei ngei tur a ni a, hei hi notification chhuah tawh a ni a. Chutiang ni lova kalna apianga han puan zel zul hian Sorkar kal leh te a tibuai duh riau mai a, tute pawhin hengte hi chu chin loh turah ngai ila. Forensic Science-te hi kan changtlung chho tawh hle a, lawmawm kan ti a. Hmanni lawk pawh khan Junor Scientific Officer-te 5 kan la a, chemistry-ah te, finger print-ah te a thawktu lak a ni a.

Fire and Emergency-ah hian an sawi tawh ka'n sawi duh tak chu, kumin chho khanin post 43 min create sak a kha kan han la ta a, chungte chu vawinah hian a hnukung ber atan Driver hi kan la dawn mek a ni. Fire fighting equipment leh vehicle te pawh hi engemaw zat kan nei thar a, fire extinguisher kan lei deuh nual a, subsidy-in MLA ten in duh chuan subsidy-in kan pe thei a; kangmei a chhuah len hmaa thelh nan chuan a tha hle mai a. Bur khat hi a to vak lova, chu chu tunah kan la nei a, 25 subsidy a ni a, private-a lei duh tan chuan. Tin, NGO ah khan a bikin YMA kan han ti deuh bik rih a. V/C te, Local Council kan tih te hnenah khanin 50% subsidy in kan pe thei a. Heng aia lian leh a tha, a man zat a kha ka lo hrechiah mang lova, a to lo, to lo te a ni. Tin, Sainik Welfare lam kha nichinah khan kan ngaithla tawh a. Deputy Director 2 kan la a, kan Director te kha an pension tawh a. Khang pension aiah te khanin midang kan la mek tawh a ni. Champhaiah leh Kolasibah District office kan hawng nghe nghe tawh ani tih kha kan sawiduh a ni. Tin, Home Guard te hi kan hria a, budget hi a buaithlak ang reng viau mai a. Allocation a a landan chuan Head hrang hranga indaih lohna tur hi Home Guard-ah hianin 164 lakhs lai ani a. MPF scheme an lo hmuh thin 5% an pek ve thin kha, tuna an han ennawn hian MHA in pek tawh loh tur anrawn ti tlat mai leh nghal a. hei hi State sorkar mawhphurhna a ni dawn ta ani tih kha kan sawiduh a. A lawmawm lam hlir ka sawi a, a lawmawm lo lam deuh kan sawi ve leh ang a. Tuna kan budget bu a a landan maiah hi chuan Salary-ah hianin nuai 4493 zetin kan indaih dawn lova. Tin, DTE-ah hian in nuai 488 zetin nikum kan phalo bawk ani tih kha kan sawiduh a. Tichuan avaia kan indaih lohna tur phei chu nuai 6300 daih a ni tih kha kan sawiduh a ni. Chu chu ni mai selangin District Council lam pawh kha kan sawi nual tawh a. Jail pawh kha kan sawi tawh ti ila, kan sawi chiah lova. Lawngtlai kha kan sawi a, hemi 13<sup>th</sup> Finance atang hian nuai 750 kan jail hrang hrang repair na turte kha kan nei dawn a. Tin, jail tang chawmna te hi a tlem hle mai a. Amaherawhchu, a pung zel lo thei lova. Jail tangte an tam telh telh a, a pawisa involvement chu a lian telh telh si a. Chuvangin, Non-Plan atanga pek tum a lo ni ta lehngal a. He kan Non-Plan budget te pawh hi tihpun a ngai hle dawn niin a lang a ni. Chutiang a nih lai chuan Ration money te pawh hi a thawktute tan kan han tihpun sak ve leh zel a. Heng hi thu lawmawm lampang a ni.

Nichinah khan kan sawi tawh a, Jail kan neih zawng zawng hi 7 a ni a. Tunah hian mitang 1010 kan nei a ni, kan nei thahnem ve viau mai. District Jail Serchhip hi hawn kan peih tawh a. Engkim tihfel tawh a ni a, amaherawhchu, a main tu tur mihirng kan nei lova, kan hawn dawn chuan mi 40, intih tet theih ang berin mi 40/50 vel chu a ngai a ni. Chutiang ang chu kan Sorkar hian min pek theih chuan Jail chu hawn theihin tunah hian kan han chei chho ve zel ta a ni. Chu chu ni mai selangin.

Pu Deputy Speaker, dawhthei taka Member-ten min ngaihthlak sak avangin ka lawm khawp mai. Ka Demand, Home (including Prison)- ₹ 361,75,32,000, District Council - ₹180,53,27,000, Rural Development - ₹112,48,00,000. A vaiin ₹654,76,59,000/- hi min pass pui turin ka ngen e.

**DEPUTY SPEAKER:** : Awle, kan Minister zahawmtakin a wind-up a. A Department chan Demand te pass a rawn dil a. Kan buk dawn ang a, a Demand No. 16-na Home (including Prison)-ah ₹361,75,32,000, District Council - ₹180,53,27,000, Rural Development - ₹112,48,00,000. A vaiin

₹654,76,59,000/- te hi pass remti apiangin ‘remti’ ti ru le. Remtilo kan awm em? Awm lo maw? Awle, Pu R. Lalzirliana, Minister zahawmtak Demand Home (including Prison) ₹361,75.32,000 Demand No. 27 District Councils ₹180,53,27,000, Demand No. 38 Rural Development ₹112,48,00,000 a vaiin ₹654,76,59,000 chu lungrual takin House in a passed ta a ni.

**Pu R. LALZIRLIANA, MINISTER** : Pu Dy. Speaker ka lawm e.

**DEPUTY SPEAKER** : Awle tunah chuan kan Minister zahawmtak Pu S. Hiato kan sawm anga, anin rawn wind-up pahin ani pawhin pass rawn dil nghal sela a tha awm e.

**Pu S. HIATO, MINISTER:** Pu Dy. Speaker, hei tun Session hi ni 7 atang khan kan thu ani a, ni 15 a awh tawh a sitting hi ni 11 ani a, Member hote kan en che u hian thahnemngai takin ram leh mipui tan in thawk tih ka hria a. Vawiinah hian tawite sawi chuan in lawm ang tih ka hrereng a, mahse kan achievement te tlem tal han tarlan loh chu a dik silova, chuvang chuan Kohhran Upa thusawi thiam lo deuh pawh nise a sawi lai zawnga in ngaihthlak angin khawngaih taka min ngaihthlak sak turin ka duh a, ka ngen bawk che u a ni.

Hei, in sawi zawng zawng kha ka rawn react lo phawt mai anga. In sawi zawng zawng kha helaia kan officer-te hian an record vek a, tin, tam tak ka chhan theih loha an ngaih te chu lehkha pawn min rawn pe a chuvang chuan ka react zawh loh a awm pawhin min hriatthiam ka duh a ni.

Vawiin Session-a ka lawm em em na pakhat chu kan department a lawmthu sawitu Pu Piana thusawi khan ngaihnopei berin ka hria. “PHE Department chu a fawh a fawh ngawih ngawih ka duh” a tih kha. Tin, kan opposition MLA te Pu Thawla khanin Tuipang tui chungchangah lawmthu a sawi a, a rilru tak takin a sawiin ka hria a ka lawm viau a ni. Pu C. Ramhluna Lawngtlai ‘W’ bialtu erawh chu Lawngtlai tui kan pek lawmthu a sawi rual khan mahse demna che ka nei min ti a ni, chu chu a kalkawng hi hetia nuai 65 lai tender pawh awm lova in thawk mai hi a ti a ni. Kan department pump House-a tui pump na tura project thar kan neih reng reng hi Departmental deuh vekin kalkawng hi kan lai a ni. A chhan chu contract an pekin a kawng alo thalo a, motor lian pui pui diesel leh khawl lian pui pui phur tur an nih avangin alignment pawh tha tawh, an hnathawh pawh tha tawh kan duh avangin chutah chuan department hian a tul chuan siamthat theih zel anih avangin kan pe ani tih kha ka react na hmasa ber ni ta se. Chutah kan department a thusawi kim ang reng si, tawi tea comment thiam ber chu Col.C.S.Zuala ania, “Tourism leh PHE a kawpa, an progress a tha”, a ti. Chuvangin a lawmawm em em a, tawite si, famkim em em kha, lawmawm ka ti a, chuvang chuan lawmthu sawi awma ka ngaih, sawi tha duh manglo, bialah pawh hian tun tumah hian kan thawk tha emaw tui lamah kan ti, hei Pu Robiaka te, Pu Dy.Speaker, nang pawh i tel, i bialah. Tin, Pu Rinmawia kha chu a sawi tha ka ti a, Pu Piana kha chuan a sawi tawh a, a bial hi kan ti tha a ni. Chutiang bawkin thingtlang tam takah hian hna kan thawk a, thawk tha hi ka in ti ve viau a, a

chhan chu kan Chief Minister hian DO letter te a zuk ziah thin hian Doner emaw, Urban emaw, Rural emaw, NEC emaw hian an ngaipawimawh a, chuvangin kum 2 leh tlem chhung hian kan Project hi tam tak kan la chhuak a, kan hmu chhuak hi lawmawm kan ti a ni.

Pakhat te tein ka chhang lo mai anga, a then kha chu, ka department chan kha in sawi rual khan puan hmawr kha tlem in dek a ni maia, mahse in sawi tum chu tam tak kan hria a ni. Chuvangchuan chu mi zawng chuan hmalak kan tum anga, ahmasa berin kan Project leh kan hna thawh mek kan han sawi hian, member tam tak te thusawi kha a chhang nghal in ka ring a, Ka sawi tawh ang khan Pu Dy.Speaker, ni 11 lai, zing dar 10 :30 AM atanga tlai dar 8:00 PM thleng te han thu thin tan chuan, a nihna diktakah chuan a ninawm ve thei a ni. In lamah chhung leh khat thlakhlelh em te an awm a, bial ho tam takin hmuh hleihtheihlohin vawiin ah hian kan awm a, chuti chung pawha khawtlai hi a mak ka ti, mahse, ram tan a ni si a.

Water Supply leh Sanitation atang hian ka tan mai anga. Aizawl khawpui hi Tui kan harsa em em thin a. Phase I kha tan a ni a, Phase I khan a coverage tlem a, Phase II kan han ti tan leh a, tam tak ka sawi lovang Phase II-ah story tam tak a nei a, chutichung pawhin kan Department ten nasa takin hma an la a, chhun leh zan zawmin hna an thawk a. Aizawl Phase II contractor atanga kan lak hnuah khan case kan neih a tam a ni, chu chu tlem han highlight ka duh a. Rising main-a balance works kha za a za kan thawk zo tawh a, Soft starter, kan han start a, electric tam tak ei thin kha tunah kan thlak ta a, chu chu za a za in kan zo tawh a. 33 KV line sub-station a balance kha kan zo fel tawh bawk a. Tin, vertical drop way kan ti a, chu chu Serlui lo kal thla, hetah hnawmhaww zawng zawng rawn phur thla thin, a, nu hrenpereng thlengin a phur thin a, a tawp lutuk tia chanchinbuah pawh lo awm thin kha khami pumpelhin a chhakah kan siam a ni. Tunah hian a hna hi 30% chu kan zo tawh a, amaherawhchu, tui a rawn len tak avangin kan chhunzawm thei rih lova, khami kan han tih chuan hetah Serlui pumpelhin a chhakah kan la ang a, chu chuanin hetah kan tui pump naah khan direct-in a lut thei dawn tawh a, tam tak Aizawl thli kal kha kan pel thei dawn a ni. Tin, a jackwell te khamia a rawn pump chhuahna tur te kha tunah hian 30% zawh tawh a ni a. Tin, khami va pan na tur khan leihlawn Serluiah khan dawh a ngai a. Chu chu 80% kan zo tawh a. Tin, khami approach road nan khan leh retaining wall siam hna te kha za ah za kan zo tawh a. Tin, 30 mm diameter fitting mill, Tuikhuahtlang atanga Kulikawn, za a za kan zo tawh a. Pump House Reign flooring leh Jensed room za a za zawh a ni tawh a, Pre-shetting te, 10% thawh tan mek a ni. Hei hi kan han tih zawh chuan Aizawl a kan harsatna hi engemaw chen min puhruk kan beisei ani. Heng hnate hi a pumpui thuin za 67 zet zawh tawh niin pawisa nuai 696 hman ani tawh a, hna zawhfel vek anih theih nan kum 2011-12 hian Annual Plan leh SPA hnuaiha sanction turin nuai 639.40 kan ruahman tawh ani. Chu chu Aizawl a tuna kan pump mek chanchin ni tase.

Durtlang hi Universal Supply Phase-II hianin va khuh tura ngaih ani a, kum 2010-11 khan State atanga sum hmuin hnathawh tan ani. Ni 4.6.2011 khan Diesel pump hmangin trial run hlawhtling takin kan nei a, TV Station ah khian kan reservoir ah kan chhunglut vek thei ani. Chu chu Durtlang leh a chhehvel leh hetah a bialtupa pawhin a rawn sawi chhuah kha ani a, kan lawm hle ani. Kan dam chuan a distribution line engemawzat phum tawh hi kan phum belh ang a, December ni 25 Christmas present-ah hi chuan kan inpresent thei mai awm mange aw Durthlang leh a

chhehvel chu tih hi kan beisei dan ani. Sihphir bialtu Pu Rinawma'n Sihphir chungchang a sawi kha, Sihphir erawh chu tuna kan phase-II hian a huam tel rih loh avangin a NABARD atangin emaw ADB atang emaw a loan la in next Financial year-ah hian tih kan tum ani.

Tin, Falkawn hi kan Referral Hospital awmna te ani a, khaw pawimawh tam tak a chhehvelah a awm a, chu chu kum 2010 December thla khan hlawhtling takin Falkawn tupekna line pawh test ani tawh a, he hna pawh hi Greater Aizawl Water Scheme Phase-II extension ani, Lungleng I te, Lungleng North te, Kelsih te, Muallungthu, Samtlang leh Falkawn distribution System hi Rural Scheme atanga thawh tura sanction tawh ani a. Hna pawh tunah hian allot mek an ni, kum 2012-ah hi chuan kan zawh theih vek kan inbeisei ani. Hei mai bakah hian Hualngohmun leh Melriat pawh hi tuna 2011-12 kan budgetah hian telh ani a, hnathawh theih turin buatsaih fel vek a ni. Lunglei hi theitawp chhuahin tan kan la a. Lunglei Water Pumping Scheme hi kan Chief Minister, Pu Hawla a sorkar laia a tansak kha a ni a. Tin, a hawn pawh a hawn a ni a, tun thleng pawh hian an chhawr tangkai em em a. Amaherawhchu, a khawlte a lo hlui avangin a chang changin tih belh a ngai a. Chumi atan chuan Augmentation Scheme siam a ni a, nuai 867 a siam a ni a. Fund hi nuai 476.85 release tawh a ni. Hei hi UD&PA kuta release a ni a. Anni hian work agency kan nih angin kan hnenah an rawn hlan chhawng a. A hna hi 70% kan zo a, kan zawh fel veleh UC thehlutin second installment awm kha an rawn release dawn a ni. Chu chu Dr. Thangtea, kan Member zahawm takin a lungngaihna a rawn sawi chhuah kha a ni.

Chutiang bawkin Augmentation of Greater Serchhip Supply Scheme hi approved amount hi nuai 687.50 a ni a. A Fund hi nuai 377.92 release tawh a ni. Hei pawh hi UD&PA through-a rawn tih a ni a. Tunah hian zaa 68 chu zawh tawh a ni.

Tin, thil thar Pu Deputy Speaker, Mizoramah hian District 8 kan awm a, paruk chu kan sorkar hmasaah khan a tam zawk tui an pump sak a. Chutah tui mamawh em em kan District Headquarters 2 kum engemaw zat hlamchhiahin a awm a ni. Lawngtlai hi a harsa ber an ni a. Tun sorkar kan han chelh veleh khan kan Chief Minister-in special takin min take up sak a. Chu bakah Saiha District la cover loh a awm bawk a. Saiha leh Lawngtlai District-in tun hmaa kan hmuh ngai miah loh kha tun tumah kan hmuh belh ta a ni. Hemi kan hmuh belha hna kan thawh zawh chuan kan district headquarters zawng zawng hi kan pe kim thei tawh dawn ta a ni. Chuvangin, Lawngtlai Water Supply Scheme tan chuan amount 2564.50 lakhs siam a ni a. Tunah hian fund 1005.56 min release sak a, he hna hi NLCPR Minister of Doner hnuai a sanction a ni a, contractor pawh tunah hna pe turin tunah hian agreement sign turin peih fel a ni. Chutiang bawkin SDO Sub-Division Headquarters engemaw zat tun tumah hian sanction kan hmu thar a, kan lawm viau va, chuvang chuan in hriat tlan vek kha ka duh avangin sawi kha ka duh a. Pakhat chu West Phaileng tun hnaiah vaibelchhe 9 leh tlem kan hmu a, tin, Sangau tui harsa em em hi NEC atangin crore 4.89 kan hmu a, chutiang bawkin Tlabung Sub-Division hi Tlabung khua hi tun tumah sanction crore 7 aia tam kan hmu bawk a.

Tin, Tuipang tui lakna reng reng awm lo nichina kan sawi tak hi crore 9 aia tam kan hmu a, tin, Saitual Pu Zira bial hi SDO hmun a ni a, tui an harsa a, chu pawh chu crore 21 vel sanction kan hmu a, tin, Hnahthial crore 7 aia tam kan hmu a, Bairabi crore 4 leh nuaih 80 kan hmu a,

Bilkhawthlir crore 7.8 vel kan hmu a, Sakawrdai crore 4 leh tlem kan hmu baw a ni. Chutichuan, Sub-Division hi a tlangpui chuan kan cover thawkhatin kan hria a. Chumi nilo thingtlang khuaah Pu Deputy Speaker, kan Sorkar hnuah 2008-2009 ah khan tui, pipe hmang te, rain water harvesting te leh thil dang dangte hmangin khaw 124, 2008-2009 chhung khan tui kan pe hman tawh a ni. Tin, 2009-2010 ah hian khua 121 kan cover tawh baw a ni, 2011-12 ah hian khua 128 tunah hian kan cover in hna thawh mek ani a. Chuah chuan khaw 373 hi tun kum 2 leh tlemah kan cover hman a, a vaiin khua 777 an awm tih in hriat kha. Chawngte bial kha tunah hian en mek ani a. Chawngte hi luipui bula awm si hi tui a harsa hle mai a, tui a tam lutuk a an buai thin a, mahse District Council ten eng emaw chen an thawh ve avang hian kan inring thul ve deuh a pakhatat chuan. Tin, hei hi kan ngaih pawimawh zing ami chu a ni. Pu B. Thlenga bial khua hi tam tak thawh tawh anih avangin an tel lova, Khawbung South erawh chu next a lak tura tih a ni. Tin, kan teh danah hian 40ltrs LPCD kan ti a, hei hi normal thingtlangah chuan ani a, khawpuiah chuan 70ltrs LPCD tih hi ani a. Tah chuan 40ltrs chin hi khaw 188 kan cover tawh a. 40 atanga a chunglam hi khaw 589 inhibitations kan ti a, hei hi cover tawh ani baw a ni.

Chubakah Phuaibuang, Pu Chawngtinthanga'n lawmthu a sawi tawhna kha tunah hian estimate amount khan nuai 395.50 ani a, nuai 130 min pe a, tunah hian hna thawk in 25% vel chu progress kan nei tawh a ni. Pu Zothangliana bial Bualpui NG leh Lungzarhtum hi NEC atangin nuai 493 siam sak anni a, nuai 133 min pass sak a, tun kan Demand-ah hian pass tur a ni. Hei bakah hian sewerage, abikin khawpui tan buatsaih ani a, chumi atan chuan Aizawl khawpui sewerage system mumal taka neih theih nan Hindustan Prefab Ltd Govt. of India undertaking nen Memorandum of Understanding sign ani a. Anni hian project siam te, pawisa nawr te an tum dawn a, chu chuan keini pawisa dil ngai lovin an pawisa scheme len ang ang khanin min rawn tih sak dawn a. Chu chu kan Chief Minister-in min ruahman sak na avanga ti thei kan ni.

Tin, total sanitation hi a pawimawh kan ti a. Total sanitaion tur hian ekin man tlawm zawka siamsak te, school leh aganwadi a inthiarna siamsak te, vantlang inthiar na te hi hmalak a ni a. Tunah hian individual household latrine BPL tan 59679 siamsak tawh a ni. Individual latrine APL tan 16861 siam sak tawh an ni a. School toilet atan 3219 kan siam tawh a. Aganwadi toilet atan 912 kan siam tawh a. Community sanitary complex ah 525 siam tawh a ni. Tin, rural school-ah hian tuithianghlim an in theih nan tui filter na tur tha deuh mai. A nu deuh pawha dah han tifim thei mai tur hi tunah hian school 983 ah dah tawh a ni.

Nichina sawi ang khan kan revenue te kan tlachham a, pawisa kan harsat avangin kan tui bill hi 100 flat rate deuha han kal reng atan hi chuan department tan a harsa baw a. State tan a harsa baw avangin tariff rate hi siamthat kan rawt a, chu chu revision pawh a chhuak tawh turah ka ngai a, cabinet pawhin a pass tawh a. Chumi tur chuan hei kan chhiar thuk anga, a tlangpui chauh kha, a Chiang lo a awm chuan khawngaih takin office lamah emaw, tin, a hria te emaw min zawh sak mai dawn nia. Hun a duh rei dawn avangin. Litre 0-5000 inkar hi kha kha chu 100 ah ala awm dawn a. 5000-10000 kha ₹30/100 litre in a pung anga, 10000/30000 inkar kha ₹15/1000 litre a ni anga. Sing khat atang a sing 2 kha cheng 50 per 1000 litres a ni ang a, 20000 atang a 30000 cheng 60 a ni ang a. 30000 atang a

a chunglam hi cheng 70 ani ang. Tin, public point leh hand pump te hi family khatah cheng 20 khawn a ni ang a. Tin, truck a sem hi Tin 1 cheng 2 a ni ang. Tin, PHE atang a kan tui lei ho tan cheng 100 litre 1000 ah aniang.

Tin, water metre-ah hian, Pu Deputy Speaker, kan buai a, consumer te pawn tihbo tumin an nawr thin a, department-in ngun takin a ngaihtuah a. Mahse water metre a tel loh hi chuan, kan water rate, tariff rate, tui hmuh leh hmuh loh te a Chiang thei si lova. Chuvangin water metre hi vuah a ngai a ni. Thlatin tui kan dawn zat te awlsam takin a hriat theih a, a dawng tam chuan an chawi tam mai a. Water metre hian revenue nasa takin a tipung bawk a ni. Water metre hi mipui hnenah rualkhai zawk a tui sem a nih theih nan leh sem chhuah zat leh tui pump zat leh rural zat hriat theih nan a tangkai em em a, NERUDP hnuaiah ADB funded Project SIPMIU in a thawh chhuah lai mekah reformed lam hawia kal chhoh a ni a, tui supply leh consumer in an dawn dan a inmil nge mil lo en nan leh tul lova tui rural a awm mai mai loh nan water metre vuah hi tih ngei ngei tur a ni.

Kum 2008 atang khan tui metre hi lei leh enkawl hi consumer mawhphurhnaah sorkarin a dah a. A hma lam zawng a department in a lo vuah tawh, a chhia leh bo te vuah that hna hi ADB funded project hnuaiah SIPMIU in a thawh mek a ni. Tunah hian 13000 metres lei a ni a. Chumi atan chuan tunah hian In 6800 chu vuah sak mek a ni. Chu chu tui lama ka reaction ni ta se.

Tin, kumina kan work schedule atang khan Aizawl leh a chhehvel a pipe line kan extend na tur hmun kha khawngaihin sawi leh lawk ka duh a, a chhan chu tui kan sem dan turah veng tina zawhna a tam avangin ka lo chhiar chhuak mai anga, khitah Zokhawsang sipai awmna hi tunah thawh mek a ni a, tin, Chanmari West, Dinthar, Dawrpui Vengthar, Luangmual, Chaltlang Lily veng, Chaltlang, Ramthar, Chanmari, Electric Veng, Zemabawk, Zemabawk Field Veng, Ramhlun North, Ramhlun Vengthar, Kanan, Zotlang, Bawngkawn chumi tan chuan crore 62 leh nuai 62 leh singriat sanga buatsaih a ni.

Tin, Aizawl South Area tan Bethlehem Vengthlang, College Veng, Armed Veng, Tuikual South, Upper Khatla, Mission Veng, Dinthar, Zemabawk Vengthar, Tuikual 'B', Tuikual 'C', Tuikual 'D', Maubawk, PWD Tlang, Khatla South, Nursery, Bungkawn, Salem Veng, Kulikawn, Thakthing dam veng, ITI Veng, Republic Veng, Tuikhuahtlang, Venghlui, Tlangnuam, Govt. complex, Rangvamual, Tanhril, Rangvamual tun tumah tel bawk a, Pu Duhawma, a sawi thin kha a hlawhtling dawnin a lang.

**Pu LALDUHOMA :** Rangvamual nen khawkhath ang an nia. Rangvamual kha chu min pekna a rei tawh a,

**Pu S. HIATO, MINISTER :** ..... a thlang ami pawh hi tunah hian tih turin hma kan la mek ve a ni tih kha karawn sawi duh e.

Tin, kha kha PHE, a tlangpui thuin mimal mal a inrawn react kha chu sawi tawh ang khan office lamah min lo zawt mai ula, Industry hi kan sawi leh lawk anga, a hmasa berin Pu Duhawma'n nimin a sawi Serious deuh

mai kha life insurance-ah private staff- hovin pawisa an dah a tih kha chhanna chu hei hi a ni a.

Chhanna ti mai ila, e khai..... ka buai deuh niang, thla an la em lovang chu maw..... Nuai 47 hi officer leh staff hmingin kum 2007 khan LIC-ah invest a ni a. Khami kan hriat kha Date : 20 ani a, a serious zia kan hriat avang khan kan umzui a, chu chu dt.12.8.2010-ah a pung nen nuai sawm ruk pathum point sawmruk pathum chu LIC market plus Plan-I ah dah leh a ni. Tin, pahnih naah ₹ 71 lakh chu kum 2011-ah officer and staff hmingin LIC-ah invest a ni a, a pung nen nuai sawmkua panga point sawmkua chu ni 25.5.2011-ah ZIDCO hmingin LIC-ah dah leh a ni. Pathumna 2007-ah khan Bajaj LIC-ah nuai sawm thum pathum chu officer leh staff hmingin invest a ni a, a pung nen nuai sawmli panga point sawmli pakhat, LIC market Plus Plan-I ah ZIDCO hmingin Dt. 31.10.2010-ah khan dah leh a ni a. A palina, Kum 2007 khan Bajaj Alliance-ah bawk cheng nuai sawmthum pasarih chu officer leh staff hmingin invest a ni a, a pung nen nuai sawmli panga chu IDBI-ah 25.5.2011-ah ZIDCO hmingin dah leh a ni.

Pu Deputy Speaker, kan hotupa berin thil diklo chu kan chhui anga, a tih dik kan tum ang a tih avangin theih tawp chhuah in mi huatna nilovin thil diklo hi chu kan chhui a, hei hi alo chhuak a, Pu Lalduhoma'n hetia a lo point out hi a chungah pawh lawmthu kan sawi a. Tin, kan action lak tawh pawh hi mipuiin an lo hriat ve kha a tha reng reng a, kan lawm tak tak a ni. ( Pu Lalduhoma : Kha kha a hma khan an lo hre lo hrim hrim em ni tih kha kan zawt duh a, a rei tawh the lul nen. A pung nen a khatia deposit leh thu a kha kan ngaithla a, amaherawhchu alo mature hunah khan mimal hminga dah anih avang khan kha sum kha a policy neitu mimal te khan an va draw dawn tihna kha a ni a. Khami a mature hma kha chuan tu kutah nge kha sum kha a luh dawn tih kha sawi tak tak theih a ni dawn em ni, thil hlauhawm ala awm em? Nge kha khan a mimal, a hming tum tute khan chengkhat mah la lovin ZIDCO-ah khan an chhung lut ngei dawn tih kha kan chiang em? Khalai tak maia kha engvangin nge kha thil kha tih alo nih? Kha corporation tana thahnem ngaihna thil nge ni a, enge ni? tih lai te pawh kha min han hrilhfiyah zau deuh hlek thei sela a tha ang a.

Kan luh velehan hriat zung zung hi a har khawp mai a, mahse kan luh hnuah khan hei lo pawh KVI kan nei a, pawisa hi ZIDCO kutah a luh tawh dawn avangin officer leh staff ho kutah a lut dawn lova, share chu an pawisa a nih kha chuan an chan tur an chan ve ka ring.

Tin, Industry hi an lian ang reng a, Chief Minister-in vawikhat a comment a, Central Agriculture Minister a lo chhoh lain introduction min pe a, Industry Minister without Industry min ti a, a dik ve viau a ni. Industry lian pakhat mah kan nei lova, Industry hian thingtlang hi a khawih a ni tih hi vawiina ka sawi duh a ni. Tuna miretheite chawikan nan NLUP programme kan siam a, chumi atan chuan trade 30 Department pakhat chuan tam ber pawl kan ni awm e. Trade hi 2 vel khawtinah sem darh a ni a, a tirah kha chuan mi 4000 vel tura ruahman kha a ni a. Mahse, Aizawl khawpuiah leh hmun danga land base neilo tan khan an thlan ber kha pety-trade tih te, engemaw kha a rem avang khan a thlangtu kha an tam a ni. Hemi avang hian



pawisa pek tur vawikhat lai khan kan harsat phah a ni. Mahse kan hotuten theih tawp chhuahin tan an la mek a, tichuan, 2010-2011 chhungin Industry beneficiary hnuai 10890 a lo tling ta a ni. Tunah hian NLUP sum Industries Deptt., in a hmuh chu nuai 1100 a ni a. Pawisa hi draw tawh ani a, District Office-ah pek vek tawh a ni a. A daih chin chin 1<sup>st</sup> installment hi sem vek tawh ani. Mi 4000 vel hnenah tunah hian 1<sup>st</sup> installment pek ani tawh a. Aizawl tih loh District dang zawng zawngah an pawisa neih ang zawng zawng an sem zo vek tawh ani. Aizawl district-ah beneficiaries list peih fel har deuh anih avangin cluster pakhat 1<sup>st</sup> installment sem tur ala awm a. A bak zawng chu kumin pawisa a chhunzawm tur a ni. Hei hi vawin a kan pass hi a ni a. Kumin pawisa hi budget pass anih veleh sanction nghal anih theih nan tunah hian sanction move-in, advance-in hma kan la tawh ani tih min hriatpui ka duh a. Hemi zawng zawng hi chuan kan Industry pangngai nilo miretheite, hmuntin a mi hi a chawikang dawnin kan hria a. Chutah chuan kan Member zahawm tak tak te pawhin theih tawp chhuah a hma min lakpui kan duhin kan ngen bawk che u a ni. Ka report vek chuan a sei ang reng dawn si a.

Tunah hian Integrated Infrastructural Development Centre (IIDC) hi Pukpuih te, Zuangtuih te, Luangmualah te, Zote, Champhaiah te, Lengteah te, Bamboo Technology Park (BTP) Sairangahte kan nei a ni. Mizote hi entrepreneurship lamah te hian kan la sang lo hle a. Ramdanga thilsiam tute han el pha tur hian entrepreneur development lamah hian nasa takin tan lak a ngai a. Tin, entrepreneurship lamah chauh ni lovin, hnathawk tura skill development lamah pawh kan la hnufum hle a. Hemi hria hian Deptt., chuan a theih ang angin hma a la a. Kan hmalakna tlangpuite chu :- Thil siamtute phai lamah zinchnuapui thin a ni. Hmun hrang hrangah zir turin zirlai tirchhuah thin anni. Seminar leh Workshop buatsaih thin a ni a. SIDAT, Kolkata nena tang kawpin Computer Aided Design Centre dinin mi 23 ten Computer hmanga puantah design siamdand an zir zo tawh a ni. Chu chu Industry Directorate Office-ah hian kan hawng a. Mizote hi designing lamah a thiam ber pawla kan ngaih anni a. Heta computer design anih chuan India ram pawn lamah pawh design tha deuh deuh kan nei thei ang a, kan tangkaipui dawn a ni.

Tin, Handloom lamah hian hma kan sawn nasa hle a. Tunhna Manipur puantah kan lakluh kha tun hnuah chuan Manipur mai ni lovin, a chhehvel hmun hrang hrangah hian Handloom product Mizo siam ngei hi thawnchhuah a ni a.

Nichina Pu Duhoma sawi kha a lawmawm hlein ka hria a. Zuangtuih puantahtu engemaw zat kan nei a, Handloom chu India siam ai chuan Burma siam kha an lo hmang thiam zawk zi a, an hmang ta fur a. Amaherawhchu, a thawktute heta Mizo nula, Mizo nu, puantahthiam ai chuan Burma ho hi kan la teuh ta mai a. Tunah hian kan pawisa pawh an hlawhah hian tam tak a chho a ni. Pakhatnaah problem kan neih tak chu Foreigner an nih avangin a changin law & order problem-ah te, a changin Police ten min man sak thin a. Chu chuan nasa takin puantah tute a tikhaihlak thinin khami a thawktute tal kha chu exemption tha deuh nen Police te hian min hriatpui thei sela a va tha e aw, kan ti a.

Tunah Handloom hi approximate-in engemaw zatah hma kan la a, cluster a siamin Aizawl leh Thenzawlah hma kan han la phawt a. Department Training Centre-ah kumtin puantah, puanthui, laphiar leh hruihnang

deh lamah mi 300 bawr vel training pek thin a ni. Heng training chhuakte hian hma an lak chhunzawm theihna turin Grand-in-Aid hnuaiyah subsidy-in pek thin an ni. Hemi kan pek hian engemawzat chu Thingtlangah inchhawmdawl nan Pu Deputy Speaker, an hmang mek a ni.

Tin, ram chhunga thei leh thlai kan tharchhuahte man man zawka kan hralh theihna turin process a ngaiin kan hria a. Tun dinhmunah hian thlai a ni emaw, thei a ni emaw process tham la thar lutuk lo mah ila, NLUP hmanga kan hmalaknate hian rah tha a chhuah chuan hei hian food processing training centre tha deuh mai kan nei thei dawn a. Food Tasting Laboratory te, tunah Central sorkarin food processing kalpui turin ruahmanna min siam sak a. Hemi dung zui hian hma kan la mek a ni.

Tin, kan hriat tawh ang khan Industrial Policy hi kan ram economic-a policy pawimawh a ni tih Pu Duhoma khan a sawi a, a dik a. Tunah Department sector hrang hrangah a policy kalpui mek te hi conversion/principle fel tak nena kalpui a nih loh chuan kan ram economic development hi a kaltluang thei dawn lo ani tih a hria a, tuna Industry policy kan hman mek hi kum 2000 atanga hman tawh kha ani a, tunah hian policy thar tur ruahmanna a kal mek a, reiloteah policy thar puanchhuah theih kan inbeisei a. He policy thar turah hian 12<sup>th</sup> plan chhungin industrial development pawh chak zawka a kal kan beisei a ni.

Tin, Pu Dy. Speaker, Mau hi Mizoram kan vannei em em a, kan mau te ren nachang kan hre lova. Lo kan vat a kan hal darh a, kan tharchhuah tlemte ani si a. Tin, mau a tam a, nasa takin min suat a, chuti chung pawhin mau hi kan sum hnar tur, mitin inchawmna tur ani tih hi hre theuh mah ila kan hriat thar leh ka duh a ni. Tunah hian a hman tangkaina tur tam tak zingah Bamboo Chipping Cluster kan ti a, Mau hi a tlawn a hralh mai lovin a tana tan bun, a chipping a hralh kan tum a. Chumi atan chuan pakuaah a khawl nen kan inbun mek a, chu chu Chuhvel te, Bungthuam, Dapchhuah, Falkawn, Maubuang, Bairabi, Hortoki, Chhingchhip leh Tuirini te an ni. Hemi Bamboo Chipping Cluster ho hi tuna Hindustan Paper Mill te khu an hmanhmawh em avangin dilna kan rawn thelut rih lo na a kan Chief Minister zahawmtak hian Dapchhuahah ni 26.7.2011-ah hian min flag-off sak dawn a, chu chuan nasa takin hemi a neitute leh mau zuartute hi a tanpui dawn a ni. Chumi atan chuan paper mamawh ang zat hi kan phuhruk thei lovang a, chuvangin, a dang siam belh teuh hi a ngai dawn a ni.

Tin, Agarbati hi a hralhna lamah harsatna engmah kan nei lova, a stick tam zawk siam chhuak thei turin nasa takin tanlak a ni a NLUP hnuaiyah pawh chhungkaw engemawzatin Agarbati stick hi an siam mek a ni. Tin, In sakna atana hman tangkai turin tunah hi chuan tam tak hi chuan kan la hmu lo ani mai thei a, Industry Aizawl leh a chhehvela kan bun ho hi, tangkai taka production nei tawh te kan nei nual a, chu chu Zonun Mat Ply, Lengpui Tourist Lodge thlen hma kawngchhakah khuan a awm a, Ziki Bamboo & Wood Products, Thingdawl a awm a, chu chuan ply te, furniture te, kawngkhar te, tukverhte tam tak hi a tichhuak reng thin a ni. Tin, Chris RTP Bualpui leh Newtech Bamboo Kolasib te hi an ni. Heng ho hian nasa takin production an nei tawh a, Tsunami ah phei kha chuan Zonun Mat Ply hian pawisa tamtak a la lut

tawh ani. Tin, lar em em Venus Bamboo kan tih thin kha, K.K Shah-in a din kha, a khawlte a tha si a, Taiwan atang te, hmun hnan hnan atanga an lak ania, a run thei vek si a, trial runner an neih in, mahse management K.K Shah-a'n a tih dikloh avangin Inquiry Commission-te pawh Pu Dy. Speaker, siam kha ani a, chumi hnuah Managing Director te thlang thain tunah hian tuai thar leh tum a ni a, kan Chief Minister zahawm takin a hmun pawh min zuk hawn sak tawh a, chumi atan chuan a re-start na turin, a thar thawh lehna turin nuai 150 pawh min pe tawh nghe nghe a ni. Chumi a nih chuan kan maute, a chang chuan mau kan ti a, thing te pawh a tel anga, chu chu kan inhriat thiam ka ringa, Teak tam tak Sairang leh a chhehvel te, khatia Teak ti chuak thei, mau ti chhuak thei si, chhuat tur te, bang tur te, ceiling tur te, furniture tur te a tichhuak tha em em a, ahman in awm chuan khawngaih in an siamlaite khu min zuk tlawhpui thin ulangin an mahni pawh an phur khawp ang tih hi kan ring a ni.

Public Sector lamah hian Pu Dy. Speaker kan chau tih hi chu kan hre tlang a, kan member te pawhin an vei em em a, engtin nge kan tih that ang tih hi kan ngaihtuaha. Mahse tunah chuan immediate chuan siamthatna mai tur hi kan la hmu rihlo a, mahse beidawng loin theihtawp chhuahin tunah hian tan kan la mek a ni. Chumi atan chuan Mizoram Public Resource Management Programme hnuai hian Public Sector Enterprise Reform hi kalpui mek a ni a, Asian Development Bank, ADB atangin Structural Adjustment Loan hmu kan inbeiseia, he programme-ah hian. Tin, MIFCO-ah hian kan harsa khawp a, MIFCO lo pawh ZIDCO leh ZOHANDCO pawh nise, a tir atanga management athat loh avangin, tunah chuan kan bankrupt vek tawh tluk a ni a, tumah mawhchhiat tur pawh kan awm lo, atir atanga management diklo hrim hrim te, kan pawisa share capital kan release dan te, tlem te te kan release vanga enkawl chhoh theih loh te, Staff tam lutuk an lak tak vang te, .... thawhchhuah tumna neih loh vang te, tin, profit siam lam rilrua aawm loh vang te, an siam theih loh vangte a ni tlangpui a, chumi avang chuan nasa takin tunah hian engtinge kan rivive ang tih kan ngaihtuah a, pakhat chu ZIDCO hi a ni. ZIDCO hi a tira Pu Duhoma zawh pakhat hi ka han chhang lawk anga, Coal product Mizoramah khan engemaw zat central-in share min pe a, chumi share min pek chu ZIDCO hi agency hi a ni a. Chumi agency ang chuan nuai 20 vel hi a hmu hman ani. Mahse, tunah hian Coal authority in 60% velin lungalhthei man a ti pung ta mai a, chumi avang chuan kan chhunzawm hleithei rih lova. Chumi concession la tur chuan hma kan la a, kan indawr mek a ni.

**Pu LALDUHOMA** : Pu Deputy Speaker, khawngaih in a zata kha chu engpawh lo nise, Coal kha engtinge kan hman? tih lai kha ka hriat duh a chu a ni a. Kan hriat dan chuan kan ram leilung pawh rawn thleng lova, hralh thin ni hian kan hre tlat a ni, kha laitaka kha ka'n hriat duh laia chu a ni a.

Tin, Handloom chungchangah khan kan kalpel deuh tawh naa Department hian Work Certificate emaw pe ta sela, chu chu Home Department te nen inhriatthiam na neiin a tul chuan NGO te pawh sawi pui te pawh a tha a, thlamuang taka an awm theih nan Work Certificate emaw te kha ak ve ta ran mai sela, Manipura pheih ho te kha chu an sakhaw ni pawimawh te pawh ualau takin an hmang a, thlamuang takin an awm thei a. Mi State ina khatia thlamuang taka an tih theih chuan kan mamawh, work force na na na kha chu ti zawngte khan ruahmanna a awm ve thei lawm ni tih kan zawt a ni.

**Pu S. HIATO, MINISTER :** Pu Speaker, a dik thawkhat viau mai thei a, Mizoramah hian lungalhthei hmang hi kan han zawng a, khami kan hmuh veleh khan advertisement pawh chhuah a ni a. Tutenge Brick siam, engzatnge an mamawh? Tih te ka'n zawt a, Thenzawl leh Bairabi a siam te hi chuan an mamawh thu an sawi a, chu chu pek ani a, abak erawh engtinng e an thehthang ka hre lova, tin, kan Coal hmuh hi hmun 3-ah kan hmu a, pahnih chu West Bengal anih avangin a rawn phurhna a hlat avangin kan tizui theilo ani. Ton one lakh ton per month ani awm e ka hriat dan chuan, helai NEC ami chauh hi kan lift thin a, chuvang chuan a phur hi a tlem ani.

**Pu LALDUHOMA :** Pu Deputy Speaker kan lift loh kha a ni, engtinng e kan tih ka tih chu ni. Kan lift silova kan quota anih si chuan kan hralh tihna em ni? Sum chu engtinng e a awm tih laia kha a pawimawh ani.

**Pu S.HIATO, MINISTER :** Pu Deputy Speaker, hetah ZIDCO kha Agency anih avangin pawisa kha ZIDCO hnenah a hralh atang khan agreement an siam a, chumi an hralh ang khan ZIDCO-ah a lut ani. Chu chu nuai 20 vel a tling hman ani ka tih kha ani. Tin, a pek chhuahna kha chu ka sawi ang khan khawi khawiah emaw Brick hralh te/brick siamtute hnenah hian an pe chhuak ani. Tunah hian chumi ringawt chu nilovin lian deuha ZIDCO tan lungalhthei hmang siamna tur hi ruahman ani a. Chumi atan chuan Captive Coal Block allotment hi Ministry of Coal Govt. of India zulzua ruahman ani a. Chu chu lungalhthei phur za tam tak awmna Orissa te, West Bengal te, Jhankhan te, Madhya Pradesh te, Chhastigarh amite ani a, chutiang chu Public Sector Undertaking leh Private Company te join venture ani. Tun dinhmun thar berah chuan Company 286 hnenah Coal Block chu hlan ani tawh a, Govt. of India Coal Block Dispenser Scheme ah chuan Private party tenen joint venture siamin lungalhthei laichhuak tur special purpose vehicle one SPV an set ang tihte ani. Chumi tur chuan ZIDCO hi tunah Agency atan ruat an ni a, chuta atang chuan contractor tenen tunah hian agreement an siamin hnathawh tum ani a. Engemaw zat lungalhthei atanga thermal power a ti chhuak dawn a. Thermal power tihchhuah atang hian employment tam tak hmuh bakah khan kan power harsatna hi min chhawmdawl ang a. ZIDCO pawh hi agency a nih angina sum engemaw zat a lalut ang a, chu chuan a inchawm kan beisei a ni.

Pu Deputy Speaker, Geology and Mining hi min ngaih pawimawh sak hlawm a. A hmasa khan kan Opposition lam pawh khan nasa takin Resolution nen khan pass a ni a. Chu chu Directorate hranah kan han dah a. Mahse, duh angina hma kan sawn thei lo tih hi chu phat rual a ni lova. Phat rual ni lo mah se theihtawp chuan tan an la a ni tih hi chu min hriatpuia, an pawisa lakluh dan te nangni pawhin min hriatpui a, a lawmawm viau a ni. Hei hianin a hnathawh pakhat chu groundwater investigation hi an ti ve a ni. Chumi atan chuan khawl an nei a, khawl khan tunhmain tui tam tak kha an pump ve a. Tunah vanduaithlak takin kan khawl a chhia a, a thar kan la lei thei lo a ni. Pawisa harsatna vang bawk a ni tih kha sawi ngai lovin in hria a. Tichuan, mipui leh kan Member-te pawhin in nghahhlelh em em oil leh gas exploration hi nasa takin tan an la a. Tunah hian Mizoram pumpuiah zaa 58.9 chu gas exploration atan survey turin a khawih mek a ni tih kha hmanah kan sawi tawh a. ONGC hian 5,340 sq km Hortoki leh Kolasib area-ah an thawk mek a, verification an

nei mek a. Oil India Ltd. hian 3,216 sq km Serchhip, Thenzawl, Reiek, Aibawk, Aizawl District leh Serchhip District-ah an thawk mek a. Reliance Natural Resources Ltd. Rusia ? hianin 3,619 sq km Lunglei, Lawngtlai leh Saiha District tuam tur an ni a. Anni hi hna an tan thei chiah lova. Kan kal kawng te a that tawk loh vang te, motor lian a kal theih loh avang te a ni a. Tih tan thuai an tum a ni. Chu chu a nawr theih em tih kha Pu Lalthansanga khan a sawiin ka hria a. Theihtawp chhuah chuan hma la turin kan nawr a. An permit te hi a kuma extend zel tura pek a nih avangin...(interruption)

**Pu B. LALTHLEGLIANA** : Pu Deputy Speaker, khawngaihin tuna Minister zahawm takin a rawn sawichhuah kha 2008-ah Industry reilote ka chang a, khatih hun lai khan ka ruahman fel deuh vek tawh a, khatiangah khanin. Tun thleng pawh a la tan theih loh kha engti zia nge maw ni le? A va rei em em ve maw le?

**Pu S. HIATO, Minister** : Pu Deputy Speaker, ani zawk kha, a hria ang a, Company hran daih khawvel ram hrang hrang atanga lak hlawm an ni a. Chu chu kan duh ang angin (company anih avang khan) kan zuk in rawlh lova, Industry a zuk in rawlh lova, mahse, tunah hian Meidum-ah chuan kan sawi tawh ang khan k.m. 3 aia thuk tunah hian an verh tawh a, meter 1000 leh 1500 inkar an verh leh chuan a awm dan tur zawng zawng chiang turah an ngai a, chu chu kei ngei pawhin kan Officer te nen kan zuk tlawh a. An phur em em a ni, gas chu awm ngeiin an hria a, Hydro carbon products pawh hi awm ngeiin an beisei a, hma chu an la nasa a ni. Tin, Thenzawl lamah te Pu Deputy Speaker, i kal ve tawh thin ang a, va kal langin kan Tourist Lodge te chu khami survey ho hian an khat reng a ni Chhiahtlangahte. Tunah chuan hmun pakhat khilai Thenzawl velah beisei deuh an nei a, chu chu sawichhuah a la rem lova, chumi atan chuan permit te min dil a, chu chu tunah hian a kal mek a ni. Chuvang chuan kan hmanhmawh ang khan a hun 2008 mah nise 2011 thleng hian chak takin a la kal thei lo a ni.

Oil India Limited hian tun atanga reiloteah drilling an tan ve dawn a, nichinah ka sawi kha. Thenzawl area-ah land acquisition an rawn dil tawh a. Land acquisition hi Revenue Department leh Serchhip DC ten an chinfel sak veleh hna tan beisei a ni. OIL hian hmun dangah pawh verh thuai an tum dawn a, a verhna hmun tur pawh hual lawk a ni, confidential a ni a, an verhna tur kan sawi thei lo a ni. Tin, Oil leh gas hi a tam tih Sorkarin an hriat avangin tun atanga nghah rikngawt, vaiho kutah engkim dah mai hi a fel a ti lova, chuvangin, engtinngge kan tih ang, kan nula tlangval lehkhathiam te hi engti kawng in nge kan train theih ang ti hian kan Officer ten nasa takin tunah hian tan an la a, nichin a kan ngaihthlak tak ang khan Dibrugarh-ah te, Jorhat ah te, a then phei chu training turin kan tir mek a, welder tam tak kan mamawh dawn a, skilled I&II kan mamawh dawn a, chumi atan chuan tunah hian nasa takin tan la in khami an trained na hmun tur te. Tin, a zir a zir chhuah na tur te kan dap nasa ani tih hi he House zahawm tak hnenah hian ka sawi duh a ni. Tin, an license fee te leh revenue hi tunah hian a vai hian tunah hian 31.3.2011 ah hian ₹ 5,2,47,000 tunah hian Revenue Department hian a la a ni. Sawi tawh angina, Revenue la tam viau si he Department in a nuai

100 chauh Budget kan nei te hi min vui pui kha ka lawm a. Hei vawiinah Finance te, Planning te changtu ka bulah a thu bawk a, a hma ngei a khatiang a in lo sawi ve khan min tanpui nasa dawn in ka ring a, chu chu lawm awm ka ti a ni.

**Pu LALDUHOMA** : Pu Deputy Speaker, drilling tih leh na tur lai kha confidential ani kha a ti a, kan Minister zahawm tak khan, a ruk a verh han tum chu a buaithlak awm mange ka ti a. Eng nge confidential a nih na lai kha, compensate te kha an lo tih leh vak hlauh vang nge ni a?

**Pu S. HIATO, MINISTER :** A confidential lo palh ang tih a hlauh awm a, min zawh chuan, mahse, an mahni dan ani phawt ang a, Pahnihna ah chuan kha lai hmun kha hria ila khalai va patta leh duh kha an tam dawn a ni, chu chu thil awm thei a ni, chuvang chuan a confidential na lai pawh ani mai awm mang e ka ti a ni. Sawi tur chu tam mahse khalam kha chu tawk mai se.

Pu Nirupam Chakma sawi Chawngte kha, a sawi na hi a rei tawh khawp a, MNF hunlai pawhin a sawi chhuak thei lo a, keini pawhin kan sawi chhuak thei lo hi pawh kan ti em em a, mahse, tunah hian 12<sup>th</sup> year plan-ah hian hmalak sak kan tum a ni tih kha ka chhanna ni ta se. Tin Pu Ramhluna'n a kan Department pawhin an theih loh, staff pawhin an theih loh rawtna siam kha tha kan ti a. Keini pawh kan lu a hai a, kan buaipui nasa a, district 8 kan nei a. 3 ah chiah DIC General Manager hi kan nei a. 5 ah kan fill up thei lo te hi mangan thlak kan ti a. chu chu DP&AR te, tin, finance te pawh kan in nawr thina, chu chu tunah kan hmalak mek ani a. Reiloteah hi chuan kan insiam rem theih pawh kan in beisei a ni.

Tin, Registration Industry kha Pu Duha sawi kha kan hriat chinah chuan 2010-2011 thleng kha chuan national unit record hi 8238 in rigister tawh angin kan hria a ni. Tin, a register lo te hi kan va survey tawh lova, a chhan chu engzat nge an nih tih kha kan sawi thei lova. 2006 MSAED Act central in a siamah khan industry tenau small scale chi te tana registration hi compulsory ni tawh lovin optional anih tawh avangin tun hma lamah register nilo te tan industry din theih loh thin kha tunah chuan anih tawh loh avangin registration hi a kal zel lo pawh a ni mahna.

Pu Deputy Speaker, hei Tourism hi sawi a ngai sia. PMEGP hi thalai te lehkhathiam hna hmulo hna hmuh nana ruahman a ni a. Prime Minister flagship programme a ni. Mahse kan DIC tam takah KVI thlengin hetia beneficiaries kan thlan hian hmuh ngei ngei tura kan beisei te Bank ho hian an pe duh lo thin a ni. Chu chu pawh kan ti khawp mai a. A bik takin rural Bank phei hi chu an pe ngai lo tluk a ni. Hei hi kan vaiin kan vei a ngai a, kan bial tin min khawih avangin bank authority pawh hi min nawr sak theuh kan duh a. Chumi atan chuan tan min lak pui hi a ngai tak meuh a ni. Keini department ang pawhin theihtawpin tan kan la a ni.

**Pu LALDUHOMA** : Pu Deputy Speaker, keinin a tan kan lak pui theih dan kha a awm lova, a ti tu department ten kha sum kha a pe thei ngei tur Bank kha an lo be fel sa tur a ni a. Tunah pawh hemia dil ho hi an mangang a,

chumi/khami a in report tur an tia, DIC-ah, chu chauh a nilova, UD & PA hnuai BPL loan kan tih mai te pawh kha rei tak an nawr an nawr a, bank-ah an va kal a, an lo honour lova, kan pe thei dawn lo che u anlo tia, a tawp fel der a ni. Chuvang chuan sorkar zawk hian in dawr tur, an pek theih dawn leh dawn loh chian phawt hnuah khang kha tih tur a ni a, pawng tiha in biak felna awm si lova annin kan pe thei lo an lo tih a tawp leh ringawt thin kha... kha kha a kawng a ni dawn em ni ?

**Pu S. HIATO, MINISTER :** Pu Deputy Speaker, an guideline hi Central guideline anga kal a anih vangin hetia ruahmansa engemaw zat awm anih vangin kan thu vek lova, tin, helaia office te an awm bawka, kan officer-te nen hian an thukhawm thin na a, engtinnghe hei hi harsatna kan sutkian ang an tih an tih pawh hian an hotu liante lokal thleng pawh hian kan hotute an hmu thin a, an sawipui thin a, engemaw chen a sawt dawn emaw kan tih laiin a sawt tak tak thei lo hi pawl kan ti a, min tanpui ve rawh u, min hriatpui ve rawh u kan tihna lai chu khatianga Bank ho pawh kha engvanga pe thei lo nge, pek dan tur min zawnpui loh chuan kan mipuite'n an tuar a ni min tihpui hi chuan a tanpui dan chu a awm ang tih ka rin vangin ka pun mai che u a ni.

Tourism-ah hian ni e, department te tak te, Nuai 500, 5 crore kan budget a nia, mahse kan pawisa lak luh chu Central atang hian a let engemaw zatin kan hmu a, chu chuanin Tourism development- hi a siam a ni. Kan hriat theuh angin Mizoram chu ram nuam, climate tha, mipui polite na, hospitality thatna, society pawh nuam, kristianna pawhin min control that vang te pawh a ni anga, kal chak hi chu tam tak an awm a ni. Amaherawhchu, heritage tih angte, thil ropui tak tak hi chu hmuh tur an nei lovang tih kan hre sa a, mahse kan nihna dan ang anga min rawn hmuh te, kan social customte, kan inneih dan te, mitthi kan ral dan te, kan dawr kai kalphungte, kan lei leh lung tiin kan ramngaw hausakna te hi hmuh an chak chu a ni mai a, chumi atan chuan theihtawp chhuahin tan kan han la thin a, duh anga tam chuan tourist hi kan la hip thei rih lo a ni. A chhan tam taka awm ang, nichina an sawi te pawh a chhan chu a ni ang, amaherawhchu, Mizoram officer-te, sawrkar hnathawk te, kan sumdawngte leh a zin hote tan hian accommodation siam chu a ngai hrim hrim a, Circuit House-te hi siam sawrkarin a remti tawh lova, chutiang bawkin department tinin Rest House siam angte kha rem a ti tawh si lova, chuvang chuan Tourist Lodge hi mitinin a tha emaw, a chhia emaw kan tawm anih avang hian theihtawp chuan tan lak ngai niin kan hria a, tan chu kan la a ni. Amaherawhchu, staff-te muster roll deuh vek kan neih avang hian pawisa pawh hi kawl tir loh theih a ni si lova, kan han kawl tir a, a then kha chu trained that mang lo te an ni a, tam tak khualzin te, nangni pawh harsatnate in tawh thin in ka ring a.

**Dr. R. LALTHANGLIANA :** Pu Deputy Speaker, PWD a ni emaw department dang a ni emaw rest house kan sa lo thei lova. A khua a mite tute emaw, committee tute emaw, khang kutah khan dah ta tawp mai ila, a inenkawl leh a thlenna manah te pawh khan, anmahni kutah khan dah thiam ta mai ila sorkar revenue a luh tir lovin, Govt. of India atanga funding 100% te alo nih avang khanin kha kha kan kal dan tur atan te khan a tha khawp in ka hria a, ti zawngte khanin a kal theih lawm ni tih kha i din laiin kan ti buai zawk che a ni.

**Pu S. HIATO, MINISTER :** Hei PPP mode a tih hi session-ah kan han sawi tam a, khawpuia mi, khimi Berawtlang, Reiek te, Hmuifang te, Chaltlang te hi chu harsa vak lova hmu mai thei tur kan ang a ni, mahse thingtlang lam kha a interest lo a ni. Chuti chung pawhin engtinge kan sem zai theih ang tih hi kan ngaihtuah a ni. Nagaland-ah kan experience tawh a management an kutah, village kutah dah ni se. Keini YMA ang deuh ani ang chu, tiin an la ngawt mai a. Tunah hian an Tourist Lodge-ah hian thlen tlak na a awm lo a ni tih chu min hrilh dan a ni, kei erawh chuan ka hmu lo naa, chutiang pawh chu kan hlauthawng tel ve tho a ni. Tin, hmun hran hran a dah belh leh chu kan tum khawp tum chu. Tin, central pawh an inphalna lam tak a ni. Buarpui a ni emaw, helama kan hotuten in sawi reng reng kha kan tum chho zel ang a. Kuminah te pawh Khawzawl te pawh kan hmuh belh leh a ni a, saw lamah Tuisi te leh helai Aizawl chheh vel in sawi te, tilaia Sakeikhawthlir te, Sakawrhmuituai tlang te pawh kha scheme kan hmu a tunah hian ram ti fel turin kan bei chho mek a ni. A khua khua chuan sawi dawn ila a rei dawn lutuk si a. Nothern Tourist Circuit kan ti a, hmar lamah hian unit pariat kan nei a, chumi atan chuan pawisa nuai zasarih sawm riat pathum leh point sawmkua pahnih kan hmu a tam tak chu sak zawh tawh a ni a, hawn loh te a ni te kan tih kha. Tourist destination Chalfilh hnuaiiah hian nuai zali sawm kua pakua kan hmu a, Chalfilh tlanga in sak khi a tha khawp a, kan Home Minister leh bialtu Parliamentary Secretary Pu Chawnga te pawh hi an va kal tawh a, tha an ti. Chu chu hawng turin tunah hian electric leh tui tih dan tur te pawh kan bei mek a ni. A bulah Khanpui a awm a, chu pheih chu zawh tawh a ni a, hei hi hawn turin buaisaih mek a ni a. Tin, Southern touring circuit hnuaiiah hian tunah hianin unit 12 a awm a, South east chu saw lam chhim lam deuh, nuai za saraih sawmruk pariat kan nei a. East end tourist circuit hnuaiiah hian Hnahlan te pawh telin nuai 467 kan nei a, Kanan hmunah Unit 4 kan nei bawk a ni. Tunah hian hmun 20 lai hawn mai tur kan nei a, kan pawisa neih ang ang kan indap a, kan dam chuan Christmas hma hian bialtu MLA sawmin kan hawng hlawm ang chu. Pawisa scheme kan siam a, chumi crore 468 lai a ni a, engemawzat hmanrua lei tawh a ni a. Chumi hmang chuan Sikkim a intihsiak naah Mizo tlangvalte pawh an zu kal a, palina an zu ni hial a, an hmanrua a that loh tehlu nen, kan lei sa hmangin an zu kal a ni. T.V. center lam pawn min nawr a, keini pawn (interruption). Chanchin buah te kan hmuh avangin tlem sawifiah ka duh a. Buhchang Tourist Lodge hi Vawi 3 ka zu tlawh tawh, an sak hmain vawi 1 ka zuk kal a. An sak hnuah kan zuk kal a, an sak zawh tepah kan zuk kal leh a. Mahse pawn lam atanga rawng hnawih mawi mahse a step te kha a chhuk lutuk a, keini ang kebai tan chuan han chhuk theihna awm zia zang ani lo a ni. Chuvangin siamthat te a ngai a. Chubakah a kawngkhar te, a tukverh te kha a hawn that theih lova, a chang nasa a ni. A bial anga min hmuhsitna ani tih te, a bialtu pawhin a hmu a tha a ti a ni tih te, a duh chuan Minister ngei pawh lokal sela, lo en sela tihte kha leh lamah chuan challenge tha tak a ni a. Khami avanga an lo siamthat hman pheih kha chuan kan lawm viau ang, hawn thuai pawh kan tum ang tih kha kan sawiduh a ni.

Tin, Tourism hianin Board of Director kan neih loh hi chuan a hlawhtling lovang kan ti a, kan Chief Minister hi Board Chairman a ni a. Hei kan Member zahawm tak pu Duha te, Pu Khama te, Pu Ronald Sapa tlaw te leh a then



member anni a. Vawikhat kan thukhawm a. Chumi atang chuan a policy hi kan siam a. Member te khata thukhawm kha chu recommend pe turin kan circulate vek tawh a ni, an lo hmu hlawm emaw ka hre lova. Chumi vet chuan Law & Judicial-ah a kal ang a. Khami policy chu frame mai theih turah ka ngai a. Kan Chief Minister hi kan hriat theuh angin a buai em em a ni tih hi chu min hriatpui vek a. Hun neih hi a harsa a, chutichung pawhin Committee kha a ko a June 11 khan. Mahse vanduaithlak takin kan Officer, Secretary, Director te an awm hman lova. Kei ka zin lai a ni si a, kan la thu thei lova pawh kan ti khawp a. A rang thei ang bera min koh sak turin kan Chief Minister pawh hi kan ngen mek a ni tih hi ka sawiduh a ni. A dang tam tak tak sawi tur a awm ang a. Chu chu ka sawi theih nise, sawi kim loh tam tak a awm ang a. Ka sawi tawh ang khan Pu Deputy Speaker, khawngaih takin a kimlo lai emaw, chian loh lai emaw a awm chuan Pu Zira sawi ang khan kan opposittion MLA te hi rulingah hian inleng khat lutuk hi pawh ka ti ve viau a ni. Pu Thangte a hi vawi 1 min rawn tlawh a, Pu Thlenga hian vawi 1 min rawn tlawh a. Midang hi chu ka office a rawn lut awm pawh hi ka hre lo. Chuvang chuan khawngaih takin in hriatthiam duh te, mamawh/duh te hi chu in tlawh thin ang u. Thingpuite pawh in ho thin ang u. Chu chu Mizoram tana tha tih kha ka ngaihtuah a. Tin, te tak te in sawi in sawi Industry a khawl te, subsidy-a sem ang chi te. Kan hriat tawh angin kum kaltaah khan scheme kan nei lova. Kuminah tlem kan han telh na a, khami vote of account-ah khan tlem a zawng chu a kal hman a. Tun tumah hian tlem a zawng tal han khilai che ka duh viau na a, a la rem lova. Tuna budget –a kan pass atang hian Pu Thlenga pawh kha a engemaw tal chu pek kan tum a ni.

**Pu B. LALTHLENGLIANA :** Pu Deputy Speaker, khulai Lengte-a Steel Rolling Industry kha min hriahfiah thei lawm ni.

**Pu LALDUHOMA :** Pu Deputy Speaker, khami thil sem chungchangah khan Sorkar hmasa khan an ti tha em em a. Hleih nei miah lovin a inang thapin min pe a. Chu chu rawn entawn ve se a tha khawp ang.

**Pu S. HIATO, MINISTER :** Pu Deputy Speaker, hleih nei miah lova sem kha min beisei a. Mahse, Sorkar hmasa khan a pek khan min pe duh lo hrim hrim mai a. Pu Thangtea chuan a sawi a, Radio 5 leh TV 5 min pe a, kan lawm viau a. Midang kha chu Silpouline tak ngial pawh min pe phal lo a nia. Mahse, tunah chuan a rual thlapin Silpouline te min sem mai a. Keini pawn a rual thei ang bera han tih ve chu kan tum ang a. A theih ang ang chu lehkhain kan inhriattir dawn nia.

Tin, Lengteah ISPAT Industry, Pu Thlenga kha Industry Minister anih avangin kei ai pawn a hre zawk daih ang a. A sawi ang khan a hun laia programme alo siam tawh pawh kha a lo ni mai thei a. Mahse, ka hriat dan danin kan chhang ang e.

Tuna ISPAT Industry din tirhna hi Mizoram Public Investment Board hmaah thlen a ni a. PHE Secretary Chairman a ni. Tuna Industry hi din anih chuan insakna thir Iron Rod man to tak taka kan lei thin, kan mamawh tam bawk si hi tlawm zawka mipui ten an lei theihna tur nia hriat a ni a. Tin,

leilung fate a tlem berah mi 300 chawra eizawna pek theih a nih dawn avang leh indirect employment pek a tul dawn avangin mi 3000 velin hmemhnampui thamna tur a beisei a ni. Food Dealer leh tualchhung ami te chauh pek tura intiam a ni. Raw Material hman tur tam tak hi tualchhung thirchhia khawnkhawm atanga hman theih tur beisei a ni a. Hmun dang dang, State engemaw zat atang pawhin khami Raw-Material hman tur kha dap tawh a ni a. Hei hi Industry din tum tute hian hetiang Industry hi Tripura, Meghalaya, Assam-ah an kalpui mek tawh a, Industry din thei tur dinmun a ding capital sum leh technical knowledge nei vek an niin hriat a ni. Chutichuan he Industry hi din phal a ni a, E & F clearance pawh hi pollution board atangin an hmu tawhin ka hria a ni.

Tin, Lengte IPP-ah midangte ang bawkin hmun khuar tura phal an ni a, chung chuan an product tur chu Billets, Ingots leh TMT bars, Ms section etc. hi an production tur chu a ni. Hemi atan hian Rajendra K. Agarwal te, Amit Agarwal te, Manish Agarwal te, Pawan Baid te, Hemant Baid te hi anni a, Mizo hming lang chu C. Lalduhawma ani, chu chu ka chhan theih tawk ani mai Pu Dy. Speaker.

**Pu B. LALTHLEGLIANA** : Pu Dy. Speaker thil pakhat chauh, pollution control board atanga no objection an lak tawh chuan pollution lamah chuan hlauhthawn awm a awm lo tihna a niang maw ?

**Pu T.T.ZOTHANSANGA** : Pu Dy. Speaker, min react chiah lo na a, recruitment rules PHE kha, khami leh ONGC leh IOC nen emaw agreement chungchang thu kan sawia kha min react lova, hei session zawh a haw leh mai turte kan nih takin min hrih thei law law se ka duh a.

Pu Dy. Speaker pakhat chauh, nichin khan Tuipui 'E' bialtu khanin a bial hmalakna a sawi khanin South Khawbung chauh kha a rawn sawi a Khankawnah te Phaibawkah te Dungtlang, S. Khawbung, Khuangleng, Sesih leh Buangah khan Tuipui 'E' bialtu bialah khan hma a lak sak teuh mai a, mi chuan mak an ti viau nghe nghe mai a, "E! Congress ava lo hnaih che u ve" an tia ni.

**Pu S. HIATO, MINISTER:** Pu Dy. Speaker, Champhai bialtu pawh a bialah Hnahlan leh a chhehvel Zokhawthar ah te Champhaiah te, Hringlang Tlangahte pawh kan tihsak mek tho a nia. Tichuan, Pu Dy. Speaker khawngaih takin ka demand hi min pass pui turin ka dil duh che u a, tlin lo takin ka'n sawi a, ka'n ti nawk nawk a, chuti chung pawha ngaihthiam taka min lo ngaihthlak sak avang te, tun thleng thleng hei dar 8:00 a ri tep tawh mai a, keia loah thu ka lo sawi rei ve ta viau mai a, min ngaihdam pawh ka duh a. Chuvangin, ka Demand 25-na Water Supply & Sanitation ₹115,92,58,000 te, Demand No. 40-na Industries, ₹40,74,87,000 te, Demand No. 43-na Tourism Department ₹5,32,11,000 te hi he House zahawm tak hian min pass pui turin ka rawn ngen a ni.

**DEPUTY SPEAKER** : Awle, tunah chuan kan minister zahawm takin a rawn wind-up a, a Demand te pass a rawn dil bawk a, kan buk dawn anga, a Demand No. 25-na, Water Supply & Sanitation ₹115,92,58,000/- te, Demand No. 40-na, Industries ₹40,74,87,000/- te, Demand No. 43-na, Tourism Department ₹5,32,11,000/- avaiin vaibelchhe 161 nuai 99 singnga sangruk te hi House-ah remti apiangin 'remti' tirawh ule, ( remti) remti lo kan awm em? Remti lo kan awm lo maw?

Le, Pu S.Hiato, Minister zahawm tak Demand No. 25-na Water Supply & Sanitation ₹115,92,58,000/- te, Demand No. 40-na Industries ₹40,74,87,000/- te, Demand No. 43-na Tourism Department ₹5,32,11,000/- avaiin vaibelchhe 161 nuai 99 singnga sangkhat chu House in lungrual takin a pass ta a ni.

**Pu S. HIATO, MINISTER:** Pu Deputy Speaker leh member zahawm tak te, ka Demand min pass pui avangin ka lawm tak tak a ni, tiin lawmthu ka sawi e.

**DEPUTY SPEAKER** : Awle, hei zan dar 8:00 minute nga chauhin a la ri lova, kan sawi a, kan ngaithla bawk a, dawhthei takin a lawmawm a, vawiina kan business chu kan zo tawh a, naktuk July ni 22 zing dar 10:30 ah kan thukhawm leh dawn nia.

Sitting is adjourned at 8:00 P.M.